

# **Kulu gba oBhala Titima gba Yesu**

© 2016 Wycliffe Bible Translators, Inc.

Licence - Creative Commons CC:BY-NC-ND

# Kulu

*gba oBhɛlɛ Titima*

*gba Yesu*

## **Eli na kalanɛ**

Kulu gba oBhɛlɛ Titima gba Yesu ne bhuku na bhisi inde li Luka aye e-o.

Engú na ngbéngbé inde bhú bhuku inde-e, a ko nakpokpo lele maka li omɛkpata gba Yesu na kalanɛ adɛ adhɛkɛ bhú angu gba Bu Bhobua, u atsia adɛ akpokpo Bádha Ngali pindji Yesu inde adɛ ayangba abhú: «Yelusalema, ne bhú Yudaya, ne abhú Samalia nakolo makolo abhú dje doto» (1:8). A ko Ngali gba Kilisito inde akpo lita e agba omaYuda atsia akolo nabhuka pi ndɛ okpála na píla doto hana.

Engú na ngbéngbé inde bhú bhuku gba obhɛlɛ titima-a, a ko kulu gba Bu Bhobua inde ago ne angu pí omabhuka abhú Yelusalema li 'kpí na Patekote. Bu Bhobua ang-o, la di ngateteke ne naha angu pi Piga gba Ebhe ne okpála inde ngadjedjele, nakpata lele ongú inde u aye e bhú bhuku ang-o. Engú na kalanɛ inde atsia omakilisito akpokpo lie bhelé bhú eli gba Ebhe inde u adɛ aha e pi okpála-o. A la di ongú inde u aye e bhú bhuku gba obhɛlɛ titima gba Yesu ngasuno angu na ongú ang-o bhú mɛkobho gba omabhuka, la di bhú makpɛtse inde bhú Piga gba Ebhe-o.

### **Ongbengbe ongú inde bhú bhuku inde-e ngae inde:**

Naleke lio ngú nakpokpo 'ngú pindji 'ngú mo ue ne bhe mo adje e 1:1-26

(1) Lili na soso ne engú inde li Yesu apa me ni amene e 1:1-14

(2) Kpála inde aha da Yuda-o 1:15-26

Okpála inde akpokpo 'ngú pindji 'ngú inde u au e ne bhe u adje e abhú Yelusalema 2:1 – 8:3

Okpála inde akpokpo 'ngú pindji 'ngú inde u au e ne bhe u adje e abhú  
Yudaya ne abhú Samalia 8:4 – 12:25

Kulu gba Polo 13:1 – 28:31

(1) Dholo gba Polo na kalanu ngubula nakpokpo Bádha Ngali 13:1 –  
14:28

(2) Bula abhú Yelusalema 15:1-35

(3) Dholo gba Polo na bhisi ngubula nakpokpo Bádha Ngali 15:36 –  
18:22

(4) Dholo gba Polo na bata ngubula nakpokpo Bádha Ngali 18:23 –  
21:16

(5) Polo bhú tikpu abhú Yelusalema, ne bhú Sedjale a la di-e bhú Loma  
21:17 – 28:31

# 1

## Yesu apa me: «Yi asía Bu Bhobua»

<sup>1</sup> Ndai ma na mukunda Tiofile,

Bhú bhuku gba ma na kalanu-o,<sup>a</sup> ma akpokpo ndu 'ngú hana inde li Yesu amene  
e di ne bhende ani asuno e ko. Ma akpokpo nayie li lilita<sup>b</sup> <sup>2</sup> akolo li 'kpí li Ebhe  
aha ani lie abhúlá ko. Kala nanu ka ani abhúlá-a, bhú angu gba Bu Bhobua-a , ani  
aha olíli gba e pi okpála inde ani alo nani o maka obhulu titima-o . <sup>3</sup> Pita nakpi ka  
ani-e, ani apana lie pi obhulu titima gba e-o. Ani asuno pi uo li okpadji bhelé me  
ni bhú mukobho. Ani asuno lie pi uo ngubula 'kpí ndjikpa badha. Ani atsia  
akpokpo di 'ngú pi uo pindji Na gba Ebhe . <sup>4</sup> Ekpí bini, li ani adu azu 'he lie bhú  
dabili bini ne uo-o, ani atsia aha líli inde-e pi uo me: «Yi ayie bhú Yelusalema de,

---

<sup>a</sup>1:1 *Bhuku na kalanu*: A akunda napa me Bádha Ngali gba Yesu Kilisito maka li  
Luka aye lie ko. Kulu gba obhulu titima gba Yesu ne bhuku na bhisi gba ani-o.

<sup>b</sup>1:1 *Lilita*: A akunda napa me a ko nayie li lita kulu gba Yesu Kilisito li 'kpí ani  
asia batisimo lie ko.

engú bini, yi djeke ehe inde li 'Dyi ma apa me ni ahá e pi yi ko. A ko ehe inde ma apa 'ngú pi yi pindji e ko. <sup>5</sup> Padhá de, anga Djaa abatisa nani okpála ne engu. Engú bini ngayi-e, pita 'kpí masudha-a, yi asía batisimo na Bu Bhobua.»

### **Ebhe aha Yesu abhúlá**

<sup>6</sup> Li obhulá titima adu apo bhúla o lie de Yesu-o, ekpí koko-o, u atsia ayi ani me: «Ngámá, mo ogbégbé omafosalaele bhú bali, mu tsia há ngámá pi uo mbia inde-e?» <sup>7</sup> Yesu atsia agie pi uo me: «A ko engú ka yi de ngú nambila nedhinga di ne oekpí ang-o. Padhá de, anga Ebhe ne angu gba e makpe, a'o oekpí ang-o maka ani akunda lie ko. <sup>8</sup> Engú bini, yi asía angu, li nedhinga li Bu Bhobua aké pí yi lie-o. Yi tsia kpókpo 'ngú gba ma inde yi au e ne bhe yi adje di e bhú gudhu na Yelusalema, bhú ndu doto na Yudaya libhomu, ne bhende na Samalia, akólo makolo ali dje doto.»

<sup>9</sup> Li Yesu andjia nakpokpo 'ngú bhomu-o lie, Ebhe atsia aha ani abhúlá me ndu uo hana nde ngatsia ani. Abhomu-o, ndindi atsia abuku ani. U u matá ani de.

<sup>10</sup> Nedhinga u adu nga bha lie atsia 'kpí abhúlá-a, li pápá li Yesu atapa lie, kolo me-e, okpála bhisi aze li uo. U adyidyí bubu bongo . <sup>11</sup> U atsia apa pi uo me: «Ngayi okpála na Galilaya, yi alulu si ne natsia 'kpí abhúlá ka ni? Yesu inde li Ebhe aha e abhúlá bhomu-o, ani agie bhadi lie maka yi au ani lie anu abhúlá ko.»

### **Libi obhulá titima gba Yesu**

<sup>12</sup> Abhomu-o, obhulá titima-a ayie pí eta u a'í e me eta na ondula na Olive, u atsia agie lio bhú gudhu na Yelusalema. Eta ang-o adu de Yelusalema masikpe de kilometele bini. <sup>d</sup> <sup>13</sup> U akolo lie bhú Yelusalema-a, u a'í bhú tina 'ti bhe abhúlá, bili inde u adu adulu lie-o. A adu nani: Piele ne Djaa , ne Djaki di ne Andili, ne Filipo di ne Tuma, ne Batelemi di ne Matié, ne Djaki ndili gba Alafayo, ne Simo kpála nakunda doto gba o, la di ne Djude ndili gba Djaki. <sup>14</sup> Ndu uo hana, adu apo bhúla o ne bua bini, ndu nedhinga hana ngú nayo Ebhe. U adu bhú dabili bini ne

---

<sup>d</sup>1:12 *Masikpe de kilometele bini:* U aye bhú obhuku koko me «maka enú na ekpí naguo gba omaYuda .»

olisi koko, ne Malia 'hi Yesu, di ne ondaise Yesu.

### U agbe kpála bhú dá Yuda

<sup>15</sup> Bhú oekpí bhom̄-o, ekpí bini, omabhuka apo bhúla o. U ad̄ masikpe de kámá ne ndjikpa bhisi. Abhom̄-o, Piele ayie bhúlá bhú ká uo. Aní atsia apa pí uo me: <sup>16</sup> «Ondaïse ma, engú inde u aye e bhú Bhuku gba Ebhe-e , a ayo me amene lie. Bu Bhobua apa 'ngú ang-o bhú 'li Davidi pindji Yuda, kpála inde ago nani ne okpála inde aholo Yesu-o. <sup>17</sup> Yuda nako ne s̄ka ní. Ngámá abh̄ aní ngú namene kulu maka ní ad̄ di ne di lie-o.»

<sup>18</sup> (Aní akala edyi ne tia inde u aha e pí aní li aní abh̄le kpála lie-o. Bhú edyi ang-o, aní atí adji 'ndji e ne kuto. 'Bu aní āpa. 'Ndja aní atsia aze kuto. <sup>19</sup> Nd̄ okpála hana na Yelusalema ambila 'ngú ang-o ndjindji. Kaka-a, u a'o nani 'li li edyi ang-o bhú eli na gba o me «Akeledama», a ak̄nda napa me «edyi na Nḡte».)

<sup>20</sup> Pipita-a, Piele apa matá me: «Padhá de, anga u aye bhú bhuku na oEtsi gba omaYuda-a me:

«A ayo me k̄ti gba aní-e kolo mili bilí,  
kpála bini adú bhúbhú de.»

U atsia aye matá me:

«A ayo me kpála koko ha kulu gba aní-o.†»

<sup>21-22</sup> Kaka-a, a ayo me kpála bini li bhú ká ní, amba aní d̄ akpokpo ngali nazuku gba Ngámá Yesu-o. A ayo me kpála ang-o d̄ s̄ka okpála inde adh̄k̄ bhú dabilí bini ne ní nd̄ nedhinga hana li Ngámá Yesu adh̄k̄ lie ne ní p̄la doto ko. Kpála ang-o d̄ kpála inde adh̄k̄ bhú dabilí bini ne ní nayie li nedhinga li Djaa abatisa Yesu lie,<sup>e</sup> akolo li ekpí li Ebhe aha aní lie ngú nan̄ abhúlá-o.»

<sup>23</sup> Abhom̄-o, u atsia agbe okpála bhisi. A ad̄ 'li bhe bini-e me Djodjef̄ , inde u a'i e me Balasabasi. 'li koko gba aní-e matá me Djusitisi. A ad̄ 'li bhe koko

---

†1:20 Tsia bhú Ets. 69:26, 109:8.

<sup>e</sup>1:21-22 *Nayie li nedhinga li Djaa abatisa Yesu lie*: U aye bhú obhuku koko me «nayie li nedhinga inde li Djaa ad̄ abatisa okpála lie-o.»

me Matiasí. <sup>24</sup> U atsia ayo Ebhe me: «Ngámá, m̄ mbíla bua nd̄ okpála hana. Pana kpála inde mo obh̄ e bh̄ ká okpála bhisi inde-e pí ya. <sup>25</sup> Aní ad̄ bh̄l̄ titima gba Yesu. Aní ahá kulu inde lí Yuda a'o ká e ngú nan̄ lí bilí gba e makpe ko.» <sup>26</sup> Píta u ayo Ebhe líe, u aḡ gbanda.<sup>f</sup> Gbanda asuno Matiasí. Abhom̄-o, u atsia ato aní bh̄ ká obh̄l̄ titima ndjikpa ne ká bini-o.

## 2

### Bu Bhobua ak̄ pí omabhuka

<sup>1</sup> Lí ekpí na Patekote akolo líe, nd̄ omabhuka hana apo bh̄l̄ o lí bilí bini. <sup>2</sup> M̄ gala kolo me-e, tolo ayie abh̄l̄á maka anvi na kpekpeke. Tolo ango-o aha bilí bh̄ 'tí inde u ad̄ bh̄ e hana. <sup>3</sup> Abhom̄-o, u au oehe maka d̄ngidhi djua. Oehe ango-o agbogbo bh̄s̄ e, atsia ad̄l̄ pí 'ndj̄ nd̄ uo hana bini ne bini. <sup>4</sup> Nd̄ uo hana abedhe ne Bu Bhobua . U atsia aholo agama 'ngú bh̄ oeli koko, maka lí Bu Bhobua ad̄ ahaha pí uo líe ngú nagagama ko.

<sup>5</sup> Bh̄ ḡdh̄ na Yelusalema-a, omaYuda inde ayie bh̄ nd̄ ok̄tí hana<sup>g</sup> píla doto libhomu ad̄ oo. A ad̄ okpála inde ad̄ akpe Ebhe. <sup>6</sup> Lí u adje tolo ango-o líe, bhiti okpála ango-o ago apo bh̄l̄ o. U atsia ad̄ angamba naali. Padhá de, anga kpála ne kpála ad̄ adje omabhuka agama 'ngú bh̄ eli gba e makpe. <sup>7</sup> U abedhe ne nangamba, di ne nakiaka. U atsia ad̄ apa me: «Okpála i ngagama 'ngú inde-e, nd̄ uo hana ne okpála na ndu doto na Galilaya adí? <sup>8</sup> Lele pí nd̄ ní hana bini ne bini, ní ngadje uo líe ngagama 'ngú bh̄ eli gba ní makpe na k̄tí-e?

<sup>9-10</sup> Bh̄ ká ní sí-e, okpála koko ayie bh̄ doto na Palate. Okoko ayie bh̄ Media. Okoko ayie bh̄ Elama. Okoko ayie bh̄ Edjipeto. Okoko ne okpála na Medjopotami. Okoko ayie bh̄ ndu doto na Yudaya. Okoko ayie bh̄ Kapadose.

---

<sup>f</sup>1:26 *U aḡ gbanda*: U d̄ nani aḡ gbanda ango-o pí Ebhe, ngú nambíla engú inde aní ak̄nda e-o.

<sup>g</sup>2:5 *OmaYuda inde ayie bh̄ nd̄ ok̄tí hana*: U ad̄ nani ago bh̄ Yelusalema ngú nadh̄ge Ebhe bh̄ anokomía na Patekote .

Okoko ayie bhú Pote di ne Adjia. Okoko ayie bhú Filidjia. Okoko ayie bhú Pamifilia. Okoko ayie lingo gũdhũ na Silene inde bhú doto na Libi ko. Okoko ayie bhú gũdhũ na Loma . <sup>11</sup> Okoko ayie bhú kp̄m̄m̄ na Kelete. Okoko ayie bhú doto na Alabi. U azu okoko omaYuda. Okoko-o, a ko ogandji okpála inde abhuka Ebhe gba omaYuda-o. La-a, lele pi ní ngadje uo ngakpokpo 'ngú p̄ndji ongamba 'ngú gba Ebhe bhú eli gba ní na k̄ti lie bini ne bini-e!» <sup>12</sup> Ndũ uo hana adũ ne nangamba naali. Mabhundja gba uo-o angbingi. Abhomũ-o, u atsia apa sũnda o me: «Engú inde-e akũnda napa pi?» <sup>13</sup> Engú bini, okoko adũ amũ omabhuka. U atsia adũ apa me: «Pandĩ aholo uo e-e ngae bha-a!»

### Piele akpokpo eli gba Ebhe-e pi bhiti okpála

<sup>14</sup> Piele ayie bhúlá bhú dabili bini ne obhũlũ titima ndjikpa ne ká bini koko-o. Anĩ aholo agama 'ngú kpekpeke pi bhiti okpála me: «Ngayi omaYuda, di ne ndũ yi okpála hana inde ngadũlũ bhú gũdhũ na Yelusalema-a, yi dje ma ndjindji, amba yi mbila la di engú i ngakodho 'kpí inde. <sup>15</sup> Okpála inde-e, a holo uo ne pandĩ maka yi ngabhubhundja lie de. Padhá de, anga a ko nga bha saa na odukpabini na k̄kpí. <sup>16</sup> Engú bini, engú i ngakodho 'kpí mbia inde-e, a ko engú inde li polofeta Djũele apa nani e-o. Engú inde me:

<sup>17</sup> «Ebhe apa me: li sokpí-e,  
ma atúko Bua<sup>h</sup> gba ma-a pí ndũ okpála hana.

Ongisi gba yi na obhosibhosi, di ne obhe na olisilisi akpókpo ongú inde ma akũnda e-o.

Omakombise gba yi-e aú ongú inde ma akũnda nasuno e bhú loto.

Ogbegbe okpála gba yi-e atsia alóto oloto inde ma atíma e pi uo ko.

<sup>18</sup> Li oekpí ango-o, ma atúko belegũ di Bua gba ma-a

pí okpála na kulu gba ma na obhosibhosi, di ne obhe na olisilisi.

U tsia kpókpo ongú inde ma akũnda e-o.

<sup>19</sup> Ma améne ongamba 'ngú abhúlá.

---

<sup>h</sup>2:17 *Bua*: I dũ me u nde aye ne 'dhũ balũ na ngbéngbé-e (madjisikile), amba a ko Bu Bhobua.

Ma tsia méne ongamba 'ngú kuto píla doto.

Ngute atúko, li djua tsí, a adú di ne ndindi nguwa.

<sup>20</sup> Kala me ekpí gba Ngámá-a kolo-o, ekpí na ngbéngbé,  
di ne ekpí na asasaua-a,  
ela adjí lie biti.

Li epe djí lie maka ngute.

<sup>21</sup> Abhomu-o, kpála ne kpála inde abhu 'li Ngámá-a,  
tsia sía mukobho.†»»

<sup>22</sup> Abhomu-o, Piele atsia apa me: «Ngayi okpála na Isalaele, yi dje nga engú ma  
adji apa e pi yi inde: Ebhe apana pi yi mbámbá me ni atima Yesu, kpála na kuti  
na Nadjaleta-a, pi yi. Ani apana li namene ongamba 'ngú sánda yi bhú ani. Ani  
amene okiaka 'ngú , di ne oehe na tsulutsulu bhú ani. Ngayi makpe-e, yi  
mbila 'ngú tété ndjindji. <sup>23</sup> Kpála bhomu-o, u apu ani pi yi. Ebhe ambila nani 'ngú  
tété kalanu. Ani atsia akánda me amene lie moko. Yi abhøle ani. Padhá de, anga  
yi aha ani pi okpála na sisiti. U agi ani li kulusi, u atsia abhøle ani. <sup>24</sup> Engú bini,  
Ebhe azuku ani, ani atsia a'e ani bhú likabhu na kuo. Padhá de, anga a ayo nani  
de me kuo to ani bhú tikpu gba e-e de. <sup>25</sup> Kaka-a, Davidi apa li 'ngú gba ani-e me:  
«Ma adu au Ngámá Ebhe kala ma ndu nedhinga hana.

Padhá de, anga ani li pá 'kpa ma na kokpa, amba ma agúku de.

<sup>26</sup> Kaka-a, bua ma abedhe ne djali bedhe.

Ma la di ngali 'tsi ne djali hana.

Ekpí ma akpí lie,

ma adú ne 'to ma me ma akóbho makobho.

<sup>27</sup> Padhá de, anga mu 'ó ká ma de me ma du li bili gba okpála inde amu-o de.

Mu kánda de me kpála gba mu na ngbingbili-e zi bhú lata-a de.

<sup>28</sup> Mo osuno mama okpadji na mukobho.

Mo obédhe ma ne djali, anga ní ne mu bhú dabili bini.†»»

---

†2:17-21 Tsia bhú Djl. 3:1-5.

†2:25-28 Tsia bhú Ets. 16:8-11.



<sup>29</sup> Piele apa matá me: «Ondaise ma, ma ti da napa engú pi yi mbámbá pindji ogbi ní Davidi. Aní akpi, u atsia azi aní. Lata aní bhú ká ní akolo pi naki. <sup>30</sup> Engú bini, a ko nani polofeta. Aní ambíla me Ebhe apa nani ne natu silika me: «Ma a'ó sũka ongisi gba mu-o bini ngámá bhú da mu.» <sup>31</sup> Davidi au nani engú inde agó-o kalanu. Kaka-a, aní atsia apa engú nazuku gba Masiya me:

«Ebhe 'o ká aní li bìli gba okpála inde amu-o de.

Aní 'o la di de me aní zi bhú lata-a de.»

<sup>32</sup> Yesu inde ma ngapa 'ngú gba e-e, Ebhe azuku aní. Ndu ya hana, ya au engú ango-o ne djila ya. <sup>33</sup> Pipita-a, Ebhe a'e aní abhúlá, aní atsia a'o aní li pá 'kpa e na kokpa. 'Dyi ní Ebhe aha Bu Bhobua pi aní maka aní apa nani lie kalanu ko. Aní atsia atuko Bu Bhobua ango-o pí ya. A ko bhende yi ngau e, di ne bhende yi ngadje e mbia inde-e ko. <sup>34</sup> Padhá de, anga Davidi ngae makpe 'u nani abhúlá de. Engú bini, aní apa ngae me:

«Ngámá Ebhe apa nani pi Ngámá gba ma-a me:

Du li pá 'kpa ma na kokpa,

<sup>35</sup> akólo li 'kpí ma a'ó obhulu yala gba mu-o lie sa 'dhu mu ko.†»

<sup>36</sup> A ayo me ndu okpála hana na Isalaele mbila engú inde-e ndjindji me: Yesu inde-e, inde yi abhøle e li kulusi-e, Ebhe a'o aní Ngámá, aní atsia a'o di aní Masiya!»

<sup>37</sup> Li u adje engú bhomu-o lie, bua uo asia likabhu naali. U atsia ayi Piele di ne obhulu titima koko-o me: «Ondaise ya, a ayo me ya mene pi?» <sup>38</sup> Abhomu-o, Piele atsia agie pi uo me: «Kpála ne kpála dji bua e, aní sia batisimo ne 'li Yesu Kilisito, amba Ebhe 'e siti 'ngú gba aní-o. Abhomu-o, yi tsia sía la di Bu Bhobua padhá. <sup>39</sup> Padhá de, anga aní apa nani kalanu me ni améne pi yi ne ongisi gba yi-e moko. Aní atsia apa me ni améne di pi okpála bhende ngadulu tsutsutsu,<sup>i</sup> di ne pi ndu okpála hana bhende li Ngámá gba ni-e a'í o-o.»

---

†2:34-35 Tsia bhú Ets. 110:1.

<sup>i</sup>2:39 *Okpála bhende ngadulu tsutsutsu*: A akunda napa me ogandji okpála, okpála bhende ne omaYuda ade.

<sup>40</sup> Abhomu-o, Piele atsia akpo 'ngú koko pi uo bhelé ngú naha pi uo gumu me u bhuka, di me u du ne nalila lio malila. Ani adu apa pi uo me: «Okpála na naki inde-e sisiti. Yi yie bhú ká uo mayie, amba Ebhe kobho yi.» <sup>41</sup> Okpála bhelé inde adje 'li Piele-e, aziba. U atsia asia batisimo. Li ekpí ango-o, okpála masikpe de kutu bata ali bhú ká omabhuka.

### **Omabhuka na kalanu-o adu nani lele o pi?**

<sup>42</sup> U adu aha lio ndu 'kpí hana ngú nadjé nasuno gba obhulu titima gba Yesu-o. U adu nandu sunda o bhú mukunda maka ondaise. U adu azu 'he bhú dabili bini,<sup>1</sup> u atsia adu di ayo Ebhe bhú dabili bini. <sup>43</sup> Ndu okpála hana adu ne tsulu. Padhá de, anga obhulu titima-a adu amene ongu na ngangamba, di ne okiaka 'ngú naali. <sup>44</sup> Ndu omabhuka hana adu adulu bhú dabili bini. Ndu 'he gba uo-o hana adu bhadi bhú dabili bini. U atsia adu agbogbo bhusu bhusu li o. <sup>45</sup> U adu atsindji oedyi gba o, di ne oehe koko gba o-o. U atsia adu agbogbo bhusu tia ango-o li ndu okpála hana, maka li gumu gba kpála bini ne bini adu lie ko. <sup>46</sup> Ekpí bini ne bini hana, u adu apo bhúla o bhú dabili bini, u adu ali bhú 'ngbé 'ti Ebhe gba omaYuda. U adu agumu mapa bhú eti gba o, u atsia adu azu 'he ne djali, di ne bua na bhubhuku. <sup>47</sup> U adu atoko Ebhe. Engú inde u adu amene e-e bhú bádba bhú 'bu gba Ebhe-e, a adu anga li okpála naali. Abhomu-o, ndu 'kpí hana, Ngámá atsia adu ato okpála koko bhende asia mukobho-o bhú ká uo.

## **3**

### **Dukuto aduku**

<sup>1</sup> Ekpí bini, pita tulukpe, Piele ne Djaa adu anu bhú 'ngbé 'ti Ebhe gba omaYuda, ngú nayo Ebhe inde u adu ayo e bhú saa na bata-o. <sup>2</sup> De 'bhé 'ngbé 'ti Ebhe gba omaYuda ango-o inde u a'i e me «Babadha-a», kpála bini inde i dhuku de nayie maka u azu ani lie adu oo. Ndu 'kpí hana, u adu ago a'o ani oo ngubula me ani du

---

<sup>1</sup>2:42 *Nazu 'he bhú dabili bini*: A ko nazu komonyo. A ko la di nazu 'he bhú dabili bini.

ayo tia ka okpála inde ngali bhú 'ti Ebhe ko. <sup>3</sup> Li ani au Piele ne Djaa lie me u nde adji ali bhú 'ngbé 'ti Ebhe-e, ani atsia ayo tia ka uo.

<sup>4</sup> Piele ne Djaa abanga djila o li ani. Abhomu-o, Piele atsia apa pi ani me: «Tsia ya!» <sup>5</sup> Kpála ang-o atsia a'o mabhundja gba e-e hana pí uo. Padhá de, anga ani adu abhundja me ni asía 'he ka uo masia. <sup>6</sup> Abhomu-o, Piele atsia apa pi ani me: «Falanga ka ma ade. Olo la di ka ma ade. Engú bini, ma ahá pi mu ehe inde ka ma-o: ne 'li Yesu Kilisito na Nadjaleta-a, yie bhúlá, amba mu dhuku!» <sup>7</sup> Pipita-a, Piele aholo 'kpa ani na kokpa, ani atsia a'e ani bhúlá. Má gala kolo me-e, obiki na 'dhu ani akolo kpekpeke. <sup>8</sup> Ani a'ulu, akə má kprii! Ani atsia aholo nadhuku. Pipita-a, ani ali bhú 'ngbé 'ti Ebhe bhú dabili bini ne Piele ne Djaa. Ani adu adhuku. Ani adu a'u'ulu. Ani atsia adu adhögə Ebhe. <sup>9</sup> Ndu okpála hana au ani me ani nde ngadhuku, ani nde ngadhögə Ebhe. <sup>10</sup> U atsia ambila me, a ko kpála inde adu nadu li 'bhə 'ngbé 'ti Ebhe, li bhəbhə bhende u a'i e me «Babadha», ngubula nayo 'he. Abhomu-o, ndu uo hana angamba, u atsia akiaka naali ka engú inde akolo li kute dukuto-o.

### **Piele akpokpo 'ngú pi bhiti okpála bhú 'ngbé 'ti Ebhe gba omaYuda**

<sup>11</sup> Abhomu-o, kpála ang-o du ayie de Piele ne Djaa de. Ndu okpála hana angamba naali ka engú inde akodho 'kpí-o. U ago ne holo, u atsia apo bhúla o de uo sa basa inde u a'i e me «Sa ngba 'ti gba Salomo.<sup>j</sup>»

<sup>12</sup> Li Piele au lie mo-o, do ani pi bhiti okpála bhomu-o me: «Ngayi okpála na Isalaele, yi ngangamba li nakobho ka kpála inde-e ka ni? Li yi abanga djila yi lie li ya mugito me ya amene ngaya ne angu gba ya makpe me kpála inde-e dhuku-o? La di mugito me a ko anga ya ngakpata engú gba Ebhe-e? A mo-o ade. <sup>13</sup> Ebhe gba Abalahama, Ebhe gba Isaka, Ebhe gba Yakobho, Ebhe gba onguo ogbi ní amene me 'li bali gba ni Yesu-o adhögə lie. La-a, ngayi makpe-e, yi apu ani pi ongámási. Yi atsia ayala ani kala Pilate me ani nde adu akunda la me ni tse 'kpa li ani-o.

<sup>14</sup> Ngayi-e, yi ayala Kpála bhende bubu, inde di ngbingbili. Yi atsia ayo me

---

<sup>j</sup>3:11 *Sa ngba 'ti gba Salomo*: A ko sa ngba 'ngbé 'ti Ebhe gba omaYuda-o.

Pilate suno bádha bhú 'bu pi kpála bhende ngabhili okpála-o. <sup>15</sup> Yi abhøle kpála inde ngaha makobho. Engú bini, Ebhe azuku ani bhú ká okpála bhende amu-o. Ya au engú ang-o ne djila ya makpe. <sup>16</sup> Mbia inde-e, yi ngau kpála inde, yi mbila la di hana me a ko nako dukuto. Ani akobho ka 'li Yesu. Padhá de, anga ya abhuka ani. A ko ka nabhuka bhú Yesu, ani atsia akobho hana maka yi ngau ani lie inde.

<sup>17</sup> Engú bini, ondaise ma, ma ambila ndjindji me ngayi ne ongámási gba yi-e, yi amene li Yesu mo-o, anga yi mbila nani kukulu 'ngú-o de. <sup>18</sup> La-a, Ebhe ngae makpe amene mo-o ngubula nasuno mbámá engú inde ani apa nani e kalanu bhú 'li ndu opolofeta hana ko. Ani apa nani me Masiya gba ni-e azú likabhu.

<sup>19</sup> Kaka-a, yi dji bua yi. Yi gie liyi li pápá gba Ebhe, amba ani 'e siti 'ngú gba yi-o.

<sup>20</sup> Abhomu-o, Ebhe ahá onedhinga naguo pi yi. Ani tsia tíma matá Masiya inde ani abhu nani e kalanu-o pi yi. A akunda napa me Yesu.

<sup>21</sup> Engú bini, mbia inde-e, a ayo me Yesu Kilisito du ngaiza abhúla. Ani du oo akólo li nedhinga inde li ndu 'ngú hana akólo lie na mbia-o. Nayie didili naali-e, Ebhe apa nani engú ang-o bhú 'li obubu opolofeta-o. <sup>22</sup> Maka li Moidje apa la di nani lie me: «Ebhe Ngámá gba yi-e atíma polofeta pi yi maka ma. A adú suka ondaise yi. A ayo me yi dje ndu 'ngú hana inde ani apa e pi yi ko. <sup>23</sup> La-a, kpála bhende i djé 'li ani de-e, u agbé ani bhú ká okpála gba Ebhe, u tsia bhéle ani.†»

<sup>24</sup> La di-e, ndu opolofeta hana inde akpokpo 'ngú gba Ebhe-e, nayie li Samuele, akpo engú ndu o hana bini ne bini pindji engú inde-e akolo li 'kpí ang-o ko.

<sup>25</sup> Engú li Ebhe apa nani e kalanu bhú 'bhe opolofeta-a, a pi yi. La di-e, gandja inde li Ebhe akodho nani e kalanu-o ne onguo ogbi yi-e, a di pi yi. Ani apa nani kalanu pi Abalahama me: «Ma atúko bisagu pí ndu opiga hana píla doto li pápá gba ongisi gba mu-o.†» <sup>26</sup> Kaka-a, Ebhe abhu bali gba e, ani atsia atima ngaiza ani pi yi omafalaale. Ani atima ani me ani tuko bisagu pí yi. Ani agbé kpála ne kpála bhú siti 'ngú gba e-o.»

---

†3:22-23 Tsia bhú Det. 18:15, 18, 19.

†3:25 Tsia bhú Dje. 22:18.

## 4

### Libi okpála natsia 'kpí li 'ngú gba omaYuda aholo Piele ne Djaa

<sup>1</sup> Li Piele ne Djaa adu akpo 'ngú lie pi okpála-a, odimandø gba Ebhe-e ago bhú dabilì bini ne ngámá gba okpála nalila 'ngbé 'ti Ebhe gba omaYuda di ne oSadukai . <sup>2</sup> U adje siti bua naali. Padhá de, anga Piele ne Djaa adu asuno pi bhiti okpála. U adu akpokpo pi uo me okpála inde amu-o azúku di mazuku, maka li Yesu azuku lie ko. <sup>3</sup> Abhomu-o, u aholo Piele ne Djaa. U atsia ato uo bhú tikpu akolo pi køkpi, anga adu me ekpi nde ngabi. <sup>4</sup> La-a, bhelé na okpála inde adje nani eli gba Ebhe-e , akolo omabhuka . Abhomu-o, omabhuka abe ndu o, u atsia akolo masikpe de okpála kutu bhuluvue.

<sup>5</sup> Li ekpi aseke lie, ongámási gba omaYuda , ne obhelesi okpála di ne omusuno na líli gba Moidje , apo bhúla o bhú gudhu na Yelusalema. <sup>6</sup> A adu nani: bhele kpála gba odimandø Ana, ne Kaifa, ne Djaa , ne Alekidjandele di ne ndu okpála hana inde bhú piga gba bhele kpála gba odimandø gba Ebhe-o. <sup>7</sup> Abhomu-o, okpála inde aholo Piele ne Djaa, atsia agbe Piele ne Djaa kala uo. U atsia ayi uo me: «Yi akobho kpála inde ne mangua angu dho? La di ne 'li da?»

<sup>8</sup> Abhomu-o, Piele inde abedhe nani ne Bu Bhobua-a atsia apa pi uo me: «Ngayi ongámási, di ne yi obhelesi okpála-a, <sup>9</sup> ya amene bádha 'ngú pi dukuto inde. La naki-e, u ngayi ya me ani akobho lele pi. <sup>10</sup> A ayo me ndu yi hana, di ne ndu okpála na Isalaele hana, yi mbila engú inde-e ndjindji: kpála inde-e alu kala yi ne kate na angu ka angu gba Yesu Kilisito , kpála na Nadjaleta. A ko Yesu inde yi agi nani e li kulusi, Ebhe atsia azuku ani-o. <sup>11</sup> Yesu ne kpála inde li Bhuku gba Ebhe-e apa nani engú gba e me Ebhe apa me:

«Ani ne teme inde li ngayi okpála nayiki 'ti-e abhike e-o.

La-a, teme angu-o akolo teme inde abi eti-e libhomu.†»

<sup>12</sup> Ani ti bha da nakobho okpála ngae kpi e kpi. Padhá de, anga pía doto libhomu, Ebhe ha 'li kpála koko bini de inde u ti da nakobho ka e.»

---

†4:11 Tsia bhø Ets. 118:22.

<sup>13</sup> Li Libi okpála natsia 'kpí li 'ngú gba omaYuda au lie me Piele ne Djaa ngagama 'ngú ne tsulú ade-e, u angamba naali. Padhá de, anga u adú ambíla ndjindji me Piele ne Djaa ne okpála na padhá. U mene balúá bhelé de. La di-e, u adú ambíla ndjindji me, u adú adhúkú nani bhú dabilí bini ne Yesu. <sup>14</sup> Engú bini, u adú di au kpála inde akobho-o alú de uo. U tsia dú ne engú nagigie pí uo de.

<sup>15</sup> Abhomú-o, ongámási aha líli me obhulú titima ze kilidjo. U atsia aholo nagama 'ngú sùnda o. <sup>16</sup> U adú apa me: «Ní améne ngú okpála inde-e pí? Padhá de, anga ndú okpála hana na Yelusalema ambíla ndjindji me, u amene ngamba 'ngú inde-e ngao. Ní tí la di da nayayala de. <sup>17</sup> Engú bini, ngúbula me ngali angó-o ayángba naali sùnda okpála de-e, a ayo me ní gbele 'dje uo kpekpeke me u apá matá engú ne 'li Yesu pí kpála belegú de bini.»

<sup>18</sup> Abhomú-o, u a'í matá obhulú titima-o. U atsia aha líli pí uo kpekpeke me, u agáma 'ngú di ne me u asúno ne 'li Yesu matá-a de. <sup>19</sup> Engú bini, Piele ne Djaa agie pí uo me: «Yi kodho 'ngú inde-e ngayi makpe. Bhú djila Ebhe-e, a ngbingbili ne bhedho? Ne me ya mene líli gba yi, ne me ya mene mangbo líli gba Ebhe! <sup>20</sup> La pí ya-a, ya tí da na'o nakpokpo ngali na engú inde ya au e ne bhende ya adje e de.» <sup>21</sup> Abhomú-o, Libi okpála natsia 'kpí li 'ngú gba omaYuda agama matá engú pí uo kpekpeke. Pípíta-a, u atsia atse 'kpa lí uo. La-a, u u nani engú inde u tí da namene uo sisiti ka e de. Padhá de, anga ndú okpála hana adú adhóge Ebhe ka engú inde akodho 'kpí-o. <sup>22</sup> Dúkuto lí nakobho gba e adú ngangamba bhomú-o, adú nani ne kalanga nane ndjikpa badha mane.

### **Omabhuka ayo Ebhe**

<sup>23</sup> Li u atse 'kpa lí Piele ne Djaa lie, u anú abhaka obi o. U atsia akpokpo ndú 'ngú hana inde lí ongbengbe odimandé gba Ebhe di ne obhelesi okpála apa e-e pí uo. <sup>24</sup> Píta u adje engú bhomú-o lie, omabhuka ayo Ebhe ne bua bini me: «Ngámá, mo obho ekpí ne ndú 'he inde bhúbhú-o hana ngamú. Mo obho doto ne ndú 'he inde bhúbhú-o hana ngamú. Mo obho la di 'ngbé 'ngu ne ndú 'he inde bhúbhú-o hana ngamú. <sup>25</sup> Mo opa nani ngamú bhú angu gba Bu Bhobua, bhú 'li ogbi ya Davidi, bali gba mú-o, me:

«Opiga inde ne omaYuda ade-e abedhe ne siti bua ka ni?

Okpála na kúti koko adje lio ngú namene ongú na padhá padhá ka ni?

<sup>26</sup> Ongbengbe ongámási na doto aleke lio ngú egú.

Ongámási apo bhúla o bhú dabilí bini  
ngú nagú Ngámá Ebhe,

di ne kpála inde lí Ebhe abhú e-o.<sup>k</sup>»

<sup>27</sup> Padhá de, anga a na paká me ngámá Elode Atipasi ne Pose Pilatø apo nani bhúla o bhú gúdhú inde, bhú dabilí bini ne opiga inde ne omaYuda ade, di ne opiga na Isalaele. U apo bhúla o ngúbula me o gú Yesu, bali na bubu gba mú, inde mo obhú e maka Masiya-o . <sup>28</sup> U amene bhomú-o ndú 'ngú hana inde mo opa nani e didili ne angu gba mú-o me améne lie mamene ko. <sup>29</sup> La mbia inde-e, Ngámá, tsia nga maka u ngato mbolo lí ya lie-o. Kaka-a, ha angu pí ya, obalise gba mú, amba ya akpókpo eli gba mú-o ne tsúlú de. <sup>30</sup> Ha angu gba mú-o pí ya, ngúbula me ya akobho okpála, amba ya mene ongamba 'ngú di ne okiaka 'ngú ne 'lí Yesu, bali gba mú na bubu-o.» <sup>31</sup> Lí u andjia nayo Ebhe lie, bilí inde u apo bhúla o lie adyíki má djigi djigi! Ndú uo hana abedhe ne Bu Bhobua. U tsia dú akpokpo eli gba Ebhe-e ne tsúlú de.

### **Omabhuka abu 'he gba o bhú dabilí bini**

<sup>32</sup> Ndú omabhuka hana adú ne bua bini. U adú di ne nabhundja bini. Bhú ká uo-o, kpála bini dú abhundja de me ehe gba ní-e bha pí ní kpi ní kpi-e de. Engú bini, oehe gba uo-o adú bha pí ndú uo hana. <sup>33</sup> Obhúlú titima gba Yesu adú akpokpo ne angu hana me Ngámá Yesu azuku. Abhomú-o, bádha bhú 'bu gba Ebhe-e atsia adú pí ndú uo hana. <sup>34</sup> Bhú ká uo-o, kpála bini dú aneke 'he de. Padhá de, anga ndú okpála hana inde adú ne oedyí di ne oeti-e adú atsitsindji, u adú ago ne tia angó-o. <sup>35</sup> U atsia adú ahaha pí obhúlú titima. Pipíta-a, u atsia adú agbogbo bhúsú tia angó-o lí kpála bini ne bini maka lí gúmú gba aní adú lie ko. <sup>36</sup> Kpála bini adú nani bhú ká uo, a adú 'lí aní me Djodjefú . Aní adú kpála na

---

<sup>k</sup>4:25-26 *Kpála inde lí Ebhe abhú e-o*: A akúnda napa me Kilisito. Tsia bhú Ets. 2:1-2.

piga gba Levi. U azu nani ani bhú kpemə na Sipele. Obhulə titima agisila nani 'ili koko li ani me Balanabasi (inde akunda napa me «Kpála inde ngato masi»).<sup>37</sup> Ani atsindji edyi gba e. Ani ago ne tia ango-o, ani atsia a'o kala obhulə titima.

## 5

### Siti 'ngú gba Anania ne Safila

<sup>1</sup> Abhomə-o, kpála bini inde adə 'li e me Anania, adje lie ne wala e Safila. U atsindji edyi gba o-o. <sup>2</sup> Ani aha té tia ango-o, a'o pi e. Ani atsia anə a'o dudu-o kala obhulə titima gba Yesu-o . Wala ani adə ambila 'ngú tété ndjindji.

<sup>3</sup> Abhomə-o, Piele apa pi ani me: «Anania, mo oziba me Satana pite ni ngú ni? Mo opa eu pi Bu Bhobua , anga mo oha té tia na edyi-e, mo o'o pi mə. <sup>4</sup> Kala me mə tsindji edyi ango-o, a ko nako naamə di? La di-e, mo otsindji lie, tia ango-o, a ko nako naamə di? Mo oziba me ni mene ngua 'ngú inde-e ka ni? Mə pite okpála de, engú bini, mo opite bhomə-o Ebhe.» <sup>5</sup> Bha li nedhinga inde li Anania adje engú bhomə-o lie, ani ati, ani atsia akpi. Ndə okpála hana inde adje engú ango-o, adə ne tsulə naali. <sup>6</sup> Abhomə-o, omakombise ago. U agala kuo ani ne bongo , u a'e, u atsia anə azi.

<sup>7</sup> Masikpe de pita saa bata-a, wala Anania ago ali oo me ani nde mbila engú inde akodho 'kpí-e de. <sup>8</sup> Piele ayi ani me: «Pa nga məma, yi atsindji bha ndjə edyi gba yi-e bhú mase inde-e?» Ələ-o agie me: «A moko, ya atsindji bhú mase bhomə-o.»

<sup>9</sup> Abhomə-o, Piele atsia apa pi ani me: «Yi adje liyi ne 'ko mə ngú nale Bua gba Ngámá-a ngú ni? Djedje nga! Okpála inde i kolo nazi 'ko mə-o, u alulə li bhoti bhomə. U abí bhadi mə moko!» <sup>10</sup> Bha li nedhinga bhomə-o, ələ-o ati kuto bhú li 'dhə Piele, ani atsia akpi. Omakombise ali, u abhaka me ani nde akpi.

Abhomə-o, u a'e kuo ani, u atsia anə azi ani dengo 'ko e. <sup>11</sup> Ndə okpála na Piga gba Ebhe-e hana, di ne ndə okpála hana inde adje engú inde akodho 'kpí-e, adje tsulə naali.

### Obhulə titima gba Yesu-o amene ongamba 'ngú bhelé

<sup>12</sup> Obhulə titima gba Yesu-o adə amene nani ongamba 'ngú di ne okiaka 'ngú



bhelé bhú ká okpála. Ndụ omabhuka hana adụ apo bhúla o sa basa inde u a'í e me «Sa ngba 'tí gba Salomo.»<sup>13</sup> Kpála bini bhú ká okpála bhende í bhuka de-e le nani nali bhú ká uo de, abana lí ndụ okpála hana adụ apa 'ngú gba uo-o lie ndjindji-o.<sup>14</sup> Obhosi bhelé naali di ne olisi bhelé naali inde abhuka Ngámá-a, adụ ali bhú ká omabhuka, u atsia adụ abe ndụ o.<sup>15</sup> U aholo belegụ apandja okpála na kuo lí okpadji. U adụ aseke uo pí okalagba di ne pí otsala. U adụ amene mo-o, anga u adụ abhundja me í dụ me Piele nde akodho 'kpí oo, kulu ani de pụ mbo pí sụka uo, amba ani kobho.<sup>16</sup> Okpála bhelé adụ di ayie bhú okụti na ngo Yelusalema, u adụ ago ne okpála na kuo di ne okpála inde adụ ne osisiti bua bhú o-o. Ndụ uo hana atsia adụ akobho.

### **U aholo obhụlụ titima gba Yesu**

<sup>17</sup> Abhomụ-o, bhele kpála gba odimandẹ gba Ebhe-e di ne ndụ okpála hana inde adụ bhú dabilí bini ne aní-e, a akụnda napa me libi oSadukai , adje siti bua naali pindji obhụlụ titima gba Yesu. U atsia apa me, a ayo namene uo sisiti.<sup>18</sup> U aholo obhụlụ titima-o, u atsia ato uo bhú tikpụ bhe na ngbéngbé-o.<sup>19</sup> La sukpe-e, andjelu bini gba Ngámá a'ụ obhẹ bhoti na tikpụ-o. Aní apandja obhụlụ titima-o. Aní atsia apa pí uo me:<sup>20</sup> «Yi nụ bhú 'ngbé 'tí Ebhe gba omaYuda. Oo, yi kpokpo pí okpála ndụ 'ngú hana inde atsia mụkobho na mbia-o.»<sup>21</sup> Obhụlụ titima-a amene bhadi mo-o. Kẹkpí naali-e, u anụ bhú 'ngbé 'tí Ebhe, u atsia aholo nasuno pí okpála.

Lí nedhinga bhomụ-o, bhele kpála gba odimandẹ gba Ebhe-e bhú dabilí bini ne okpála gba e-e, u a'í Libi okpála natsia 'kpí lí 'ngú gba omafosalaele-o. U atsia atima okpála me u nụ ha obhụlụ titima-a bhú tikpụ, amba u go ne uo.<sup>22</sup> Engú bini, lí okpála ang-o anụ lie, u bhaka uo bhú tikpụ de. U agie lío, u atsia apa pí Libi okpála natsia 'kpí lí 'ngú gba omaYuda-a me:<sup>23</sup> «Ya abhaka me 'bhẹ tikpụ-o nde ani lie ndjindji. Okpála nalila tikpụ-o nde adụlụ lí obhẹbhẹ. La-a, ya a'ụ bhoti-e lie, ya abhaka kpála bhúbhú oo belegụ de bini!»<sup>24</sup> Lí ngámá gba okpála nalila 'ngbé 'tí Ebhe-e, di ne ongbengbe odimandẹ gba Ebhe , adje engú ang-o lie-e, mabhundja gba uo angbingi naali. U mbila de me a akolo lí obhụlụ titima-a

ne mangua 'ngú dho-ie de. <sup>25</sup> Pípiṭa-a, kpála bini ago, aní apa pí uo me: «Yi djedje nga! Okpála inde yi abu nako o bhú tikpṭ-o, uo mbia inde-e bhú 'ngbé 'ti Ebhe. U alulṭ malulṭ, u ngasuno pí okpála.»

<sup>26</sup> Abhomṭ-o, ngámá gba omṭlila-a anṭ ne osṭdha gba e-o. Aní aha obhṭlṭ titima-a, aní ago ne uo. Engú bini, u mene uo sisiti de. Padhá de, anga u adṭ akpe me okpála abhíli o ne teme de. <sup>27</sup> Píṭa aní ago ne uo lie, aní a'o uo kala Libi okpála natsia 'kpí li 'ngú gba omaYuda-o. Abhomṭ-o, bhele kpála gba odimandṭ gba Ebhe-e aholo nayiyi uo me: <sup>28</sup> «Ya aha nako líli pí yi kpekpeke me yi asúno ne 'li kpála bhomṭ-o de. La-a, nasuno gba yi-e aha Yelusalema libhomu! Yi ngakṭnda me ngṭte kpála bhomṭ-o tuko pí ya!»

<sup>29</sup> Piele di ne obhṭlṭ titima koko agie me: «A ayo me ya mene líli gba Ebhe ane líli gba okpála. <sup>30</sup> Ngayi-e, yi abhṭṭ Yesu li kulusi. Engú bini, Ebhe gba ogbi ní-e azuku aní bhú ká okpála inde amu. <sup>31</sup> Ebhe a'e'e aní abhṭlṭ li pá 'kpa e na kokpa, aní a'o aní Ngámá di ne Mṭkobho . Aní amene mo-o ngṭbula me okpála na Isalaele dji bua o, amba Ebhe 'e siti 'ngú gba uo-o. <sup>32</sup> Ya au ongú bhomṭ-o ne djila ya makpe. Bu Bhobua, inde li Ebhe ngaha e pí okpála inde ngamene líli gba aní-e, au di.»

<sup>33</sup> Li Libi okpála natsia 'kpí li 'ngú gba omaYuda adje engú ango-o lie, u abí 'gú naali. U di me bhili obhṭlṭ titima gba Yesu-o. <sup>34</sup> Engú bini mṭFalisai bini inde adṭ 'li e me Gamaliele, a adṭ bhú ká uo. A adṭ mṭsuno na líli . Ndṭ okpála hana adṭ amanga aní ndjindji. Aní ayie bhṭlṭ. Aní ayo me u pandja nga obhṭlṭ titima-a kilidjo. <sup>35</sup> Pípiṭa-a, aní atsia apa me: «Ngayi okpála na Isalaele, yi lila liyi ndjindji li 'ngú inde yi adji amene e li kṭte okpála inde-o! <sup>36</sup> Padhá de, anga ane nga ekpí bhelé de, kpála bini akoto nako, a adṭ 'li aní me Teudasi. Aní adṭ apa me ní ne 'ngbé kpála. Okpála masikpe de kámá badha adṭ akpata aní. Engú bini, u abhṭṭ aní lie, ndṭ okpála hana inde adṭ akpata aní-e atsia atsambala. Abhomṭ-o, engú gba aní-e atsia andjia.

<sup>37</sup> Píṭa aní-e, li nedhinga u adṭ atanga okpála lie, Yuda, kpála na Galilaya, akoto. Aní agbele okpála nganda e bhelé. Ngaani di-e, u abhṭṭ aní. Abhomṭ-o, okpála inde adṭ akpata aní-e atsia atsambala. <sup>38</sup> Kaka mbia inde-e, ma apa pí yi me yi

adhédhe li okpála inde-e de. Yi 'o uo. Padhá de, anga i dɛ me mabhundja di ne ongú gba uo nde ayie ka okpála-a, i kólo padhá. <sup>39</sup> Engú bini, i dɛ la me ongú bhomɛ-o nde ayie ka Ebhe-e, yi tí da nabhəbhəle de. 'E-e! Yi agú gbele ne Ebhe de.»

Abhomɛ-o, Libi okpála natsia 'kpí li 'ngú gba omaYuda atsia aziba mabhundja gba Gamaliele-o. <sup>40</sup> U a'í obhɛlɛ titima-o. U aha líli me u bhí uo ne fimbo. U aha di líli pí uo kpekpeke me u akpó 'ngú matá ne 'lí Yesu belegɛ de bini. Pipíta-a, u atsia atse 'kpa li uo. <sup>41</sup> Abhomɛ-o, obhɛlɛ titima-a akoto me u nde abedhe ne djali bedhe. Padhá de, anga Ebhe au ndjindji me u zɛ líkabhu ngɛbula 'lí Yesu. <sup>42</sup> Ekpí bini ne bini hana, u adɛ bha nasuno di ne nakpokpo Bádha Ngali gba Yesu Masiya bhú 'ngbé 'tí Ebhe di ne bhú oti gba o-o.

## 6

### U alo okpála mananika ngú nateteke obhɛlɛ titima gba Yesu

<sup>1</sup> Li nedhinga ango-o, omɛkpata adɛ akolo bhelé. Engú bini, omaYuda inde adɛ nadi eli na giliki-e, atsia aholo nadi mɛtokono li obhende adɛ nadi eli na ebele-o. U adɛ apa me: «Ndɛ 'kpí hana nedhinga nagapa 'zɛ-o, u ngaha ezɛ pí oəkəsi na libi gba ya-a ndjindji ade.» <sup>2</sup> Abhomɛ-o, obhɛlɛ titima ndjikpa ne ká bhisi gba Yesu-o apəkəbhə bhúla ndɛ omabhuka hana. U atsia apa pí uo me: «A ayo de me ya 'o ká nakpokpo eli gba Ebhe-e ngú nagapa 'zɛ-o de. <sup>3</sup> Kaka-a, ondaise ya, yi gíli okpála mananika inde li okpála ngaziba o ndjindji, inde abedhe ne Bu Bhobua di ne imbilangɛ bhú ká yi, amba ya ha kulu bhomɛ-o pí uo. <sup>4</sup> Abhomɛ-o ngaya-a, ya tí da naha ndɛ nedhinga gba ya-a hana ngɛbula nayo di ne nakpokpo Bádha Ngali gba Ebhe-o.»

<sup>5</sup> Ndɛ okpála hana aziba engú inde li obhɛlɛ titima apa e ko. Abhomɛ-o, u alo Etieni, kpála inde abedhe ne nabhuka di ne Bu Bhobua, ne Filipino, ne Polokole, ne Nikanola, ne Timoni, ne Palamenasi, ne Nikola, kpála na kɛtí na Atiokia inde

abhuka nani Ebhe gba omaYuda ko.<sup>1 6</sup> U anu ne uo kala obhulu titima. Abhomu-o, obhulu titima a'o 'kpa o pi uo, u atsia ayo Ebhe pi uo.

<sup>7</sup> Eli gba Ebhe-e adu bha naya ne kalanu. Abhomu-o, alo gba omabhuka atsia adu a'u ne bhula naali bu Yelusalema. Odimandø gba Ebhe bhele atsia abhuka di.

### U aholo Etieni

<sup>8</sup> Etieni abedhe nani ne angu ka bada bu 'bu gba Ebhe . Abhomu-o, ani atsia adu amene ongbengbe 'ngu di ne ngu na ngangamba bu ka okpala. <sup>9</sup> Okpala koko ago ngu namene kpekebhe ne Etieni. Bu ka uo-o, okoko adu okpala inde adu apo bu la o bu eti naje lili gba Moidje , inde u a'i e me «Eti naje lili gba okpala inde aze bu bali-o.» Okoko ayie nani bu gudhu na Silene, ne bu gudhu na Alekidjandili, ne bu ndu doto na Silisia di ne bu ndu doto na Adjia. <sup>10</sup> Engu bini, imbilang gba uo ti nani da nakolo li bhe gba ani-e de. Padha de, anga ani adu agama 'ngu ne imbilang di ne angu inde li Bu Bhobua adu aha e pi ani ngae ko.

<sup>11</sup> Abhomu-o, u aha tia pi okpala, amba u pa eu li ani me: «Ya adje ani me ani nde ngasobho Moidje di ne Ebhe!» <sup>12</sup> U amene moko ngubula me okpala, ne obhelesi okpala di ne omusuno na lili-e , bi 'gu ngu Etieni. Pipita-a, u aze li Etieni, u aholo ani. U atsia anu ne ani kala Libi okpala natsia 'kpi li 'ngu gba omaYuda ko. <sup>13</sup> Oo, u anu di ne okpala inde adu apa 'ngu li Etieni ne eu. Okpala ango-o atsia adu apa me: «Kpala inde-e, ndu 'kpi hana, ngapa bha bini 'ngu sisiti li kute 'ngbe 'ti Ebhe na bubu gba ni, di ne li kute lili gba Moidje-o . <sup>14</sup> Ya adje ani me ani nde ngapa me: «Yesu ango-o, kpala na Nadjaleta, abhele 'ngbe 'ti Ebhe inde, ani tsia dji di odasundu inde ya asia e ka Moidje ko.» <sup>15</sup> Ndu okpala inde adu bu 'ti oo hana abanga djila o li Etieni. U atsia au me bu la ani adu asu maka bu la andjelu .

---

<sup>16:5</sup> *Nabhuka Ebhe gba omaYuda:* A akunda napa me okpala koko, inde ne omaYuda ade-e, adji nani bua o, u atsia abhuka Ebhe gba omaYuda-o. Nikola inde-e, atsia abhuka di nani Yesu.

### Etieni akpokpo 'ngú kala okpála

<sup>1</sup> Abhomu-o, bhele kpála gba odimandø ayi Etieni me: «Engú inde u ngapa e li mu bhomu-o, a ko bha ndju kuku lu 'ngú?» <sup>2</sup> Etieni atsia agie me: «Odyi ma di ne ondaise ma, yi djedje nga! Ebhe na sangu akoto nani li ogbi ní Abalahama bhú ndu doto na Medjopotami kala me ani nu nasi kuti bhú ndu doto na Alana. <sup>3</sup> Ani atsia apa pi ani me: «O ká doto gba mu di ne piga gba mu-o, amba mu nu bhú doto inde ma asúno e pi mu ko.†»

<sup>4</sup> Abhomu-o, Abalahama ayie bhú doto gba oKaladea, ani atsia anu nasi kuti bhú Alana. Pita li 'dyi ani akpi lie, Ebhe a'e ani bhú Alana, ani atsia ago a'o ani bhú doto yi nde bhú e mbia inde-e ko. <sup>5</sup> Ebhe ha nga nani edyi pi ani sii de, belegu de mboye bili na'o 'dhu e ka ani tété. La-a, ani atsia apa nani pi ani kalanu me: «Ma ahá doto inde-e pi mu, li ongisi gba mu-o<sup>m</sup> tsia tígala ne di pita mu-o ngao.» La-a, li nedhinga bhomu-o, ndili du nga nani ka ani de.

<sup>6</sup> Ebhe apa pi ani bhomu-o me: «Ongisi gba ongisi gba mu-o anu adulu bhú doto na gandji gandji. Oo, u akólo obalise gba okpála na doto ang-o-o. Li okpála ang-o-o méne uo sisiti ngubula kalanga kámá badha.» <sup>7</sup> La-a, Ebhe apa matá di me: «Ma akódho 'ngú gba okpála inde u akólo obalise pi o-o ngama. Pipita-a, u zé oo, u tsia gó dú adhegø ma li bili inde.†» <sup>8</sup> Abhomu-o, Ebhe atsia akodho gandja ne Abalahama. Li Abalahama azu Isaka lie, ani atsia ato ani bhú gandja bhú 'kpí na madjina nayie li 'kpí u azu ani lie-o. Isaka amene bhadi moko pi Yakobho. Yakobho atsia amene bhadi moko pi onguo ogbi ní ndjikpa ne ká bhisi-o.

<sup>9</sup> Pipita-a, onguo ogbi ní ang-o-o adje siti bua naali pi Djodjefu , ndindili pita o-o. Abhomu-o, u atsia atsindji ani me u nu ne ani bhú bali bhú Edjipeto. La-a, Ebhe adu bhú dabili bini ne ani. <sup>10</sup> Ebhe agbegbe Djodjefu bhú likabhu gba e hana. Ani

---

†7:3 Tsia bhú Dje. 12:1.

<sup>m</sup>7:5 *Ongisi gba mu*: A akunda napa me ongisi gba ani na obhosibhosi.

†7:6-7 Tsia bhú Dje. 15:13-14.

asuno bádha bhú 'bu gba e pi ani ne imbilangɔ, ani atsia amene di me engú gba ani-e dɛ anga li Falao, 'ngbé ngámá na doto na Edjipeto-o naali. Abhomɔ-o, Falao atsia a'o ani ngámá pí 'ndji Edjipeto di ne pí 'ndji eti gba e libhomu.

<sup>11</sup> Pipita-a, adyindi atsia ali bhú Edjipeto libhomu di ne bhú doto na Kanana. Likabhu adɛ naali. Kaka-a, onguo ogbi ní dɛ asia ehe nazɔ mazɔ de. <sup>12</sup> Li Yakobho adje lie me ehe nazɔ mazɔ bhú Edjipeto-o, ani atsia atima ongisi gba e, onguo ogbi ní oo bhɛtsibhɛtsi na bini. <sup>13</sup> U anɛ lie bhɛtsibhɛtsi na bhisi-e, Djodjefɔ atsia asuno lie pi ondaise e. Abhomɔ-o, Falao atsia ambila piga gba Djodjefɔ-o. <sup>14</sup> Pipita-a, Djodjefɔ atima okpála me u nɛ ha 'dyi ni Yakobho ne piga gba e hana. U adɛ nani ndɛ o hana okpála ndjikpa mananika ne ká bhuluvue. <sup>15</sup> Abhomɔ-o, Yakobho anɛ bhú dabili bini ne ongisi gba e, onguo ogbi ní, bhú Edjipeto. U atsia amu oo. <sup>16</sup> U abha kuo uo anɛ ne di bhú gɔdhɔ na Sikeme. Abhomɔ-o, u atsia azi bhú lata inde li Abalahama akala nani e ka ongisi gba Emola bhú Sikeme-o.

<sup>17</sup> Li nedhinga akolo lie masikpe ngɔbula me Ebhe mene engú inde ani apa nani e kalanɛ me ni améne e pi Abalahama, piga gba ní-e abe ndɛ e. Okpála atsia akolo bhelé bhú Edjipeto. <sup>18</sup> Pipita-a, ngámá koko aholo naɛ bhú Edjipeto. Ngámá ango-o mbila nani engú gba Djodjefɔ-o de. <sup>19</sup> Ani apite okpála gba ní-o, ani atsia amene onguo ogbi ní sisiti. Ani aholo uo ne kpéke me u 'o ká ongisi na ndjendje gba o-o, amba ongisi ango-o mu. <sup>20</sup> Li nedhinga bhomɔ-o, u azu Moidje . Ani adɛ babadha naali bhú djila Ebhe. U akɛ ani epe bata bhú 'bu 'ti gba 'dyi e. <sup>21</sup> Li u a'o ká ani lie, ndili na øøø gba Falao aha ani, ani atsia akɛ ani maka ndili gba e makpe. <sup>22</sup> U asuno ndɛ imbilangɔ hana gba okpála na Edjipeto pi Moidje. Ani atsia akolo kpekpeke bhú nagama 'ngú di ne namene 'he.

<sup>23</sup> Li Moidje akolo lie ne kalanga ndjikpa badha-a, ani atsia abhundja li bua e me ni nɛ tsia ondaise ni, omaɛsalaele. <sup>24</sup> Oo, ani au me maEdjipeto bini ngamene sɔka omaɛsalaele sisiti. Abhomɔ-o, ngú nagie siti 'ngú bhomɔ-o, ani atsia abhøø maEdjipeto ango-o. <sup>25</sup> Moidje adɛ abhundja naae me ondaise ni omaɛsalaele ambila me Ebhe alo ni ngú nakobho o. Engú bini ngauo-o, u mbila la mo-o de.

<sup>26</sup> Li ekpí aseke lie, Moidje abhaka me omaɛsalaele bhisi nde ngagɔ gbele sɔnda o.

Abhomu-o, ani akunda nayoko uo. Do ani de-e: <Wai, yi ne ondaise. Yi ngamene liyi sisiti ka ni?> <sup>27</sup> Engu bini, kpala bhende adu amene kilí e sisiti-e andjimba Moidje, ani atsia apa me: <A ko da inde a'o mu ngamá di ne kpala nakodho 'ngu gba ya-a? <sup>28</sup> Mo okunda nabhole ma, maka mo obhole lili maEdjipeto lie?†> <sup>29</sup> Li Moidje adje eli bhomu-o lie, ani ayie bhú Edjipeto, ani akpe, ani atsia anu adu bhú doto na Madiana. Oo, ani azu ongisi na obhosibhosi bhisi.

<sup>30</sup> Pita kalanga ndjikpa badha-a, andjelu bini akoto li Moidje bhú mili bili denge eta na Sinai. Andjelu ango-o akoto li ani bhú djua me a nde ngatsi bhú tsá 'pó.

<sup>31</sup> Ani angamba naali ka engu inde ani au e-o. Nedhinga ani adu adyudyo lie lie masakpe ngu natsitsia-a, ani atsia adje 'li Ngamá apa me: <sup>32</sup> <Ma ne Ebhe gba onguo ogbi mu, Ebhe gba Abalahama, Ebhe gba Isaka, Ebhe gba Yakobho.†> Moidje aholo naguku ka tsulu, ani le natsitsia de. <sup>33</sup> Abhomu-o, Ngamá atsia apa pi ani me: <Pandja maloké bhú 'dhu mu, anga bili mo olu lie inde-e, a ko bili na bubu. <sup>34</sup> Ma au maka u ngato mbolo li okpala gba ma bhú Edjipeto lie au. Ma atsia adje la di maka u ngalopolo lio lie adje. Ma ago ngu nagbegbe uo bhú bali ango-o. Mbia inde-e, ma ngatima mu bhú Edjipeto, nnu.†>

<sup>35</sup> A ko Moidje inde li omafalaele ayala e, inde u apa pi e me: <A'o mu ngamá di ne kpala nakodho 'ngu gba ya-a da?> Ebhe atima ani me ani du ngamá di ne mukobho. Andjelu apa pi ani li nedhinga inde ani akoto li ani lie bhú tsá 'pó inde adu atsi ko. <sup>36</sup> Moidje agbegbe omafalaele bhú doto na Edjipeto ngae. Ani amene ongu na ngbengbengbe di na ngangamba bhú doto ango-o, bhú 'ngbé 'ngu na Mbembe di ne bhú 'gu. Ani amene ongu ango-o bhú kalanga ndjikpa badha. <sup>37</sup> A ko mata bhadi Moidje inde apa pi omafalaele me: <Ebhe agbé polofeta pi yi maka ma bhú ka ondaise yi.†> <sup>38</sup> Li onguo ogbi ni apokobhe bhula o lie bhú 'gu-o, Moidje adu oo. Ani adu bhú dabili bini ne onguo ogbi ni. Ani adu la di bhú dabili

---

†7:27-28 Tsia bhú Eki. 2:14.

†7:32 Tsia bhú Eki. 3:6.

†7:33-34 Tsia bhú Eki. 3:5, 7, 8, 10.

†7:37 Tsia bhú Det. 18:15, 18.

bini ne andjelu inde adu agama 'ngú pi ani apí 'ta na Sinai-o. Ani asia eli na makobho-o ngú nakpokpokpo pi ní ngae.

<sup>39</sup> Engú bini, onguo ogbi ní du amene líli gba ani-e de, u adu ayala ani.

Abhomu-o, u adu akunda nagie lio bhú doto na Edjipeto. <sup>40</sup> U apa pi Alona me: <Bho oebhe pi ya, amba u du adholo kala ya. Padhá de, anga Moidje inde-e, inde apandja ya bhú doto na Edjipeto-o, ya mbila engú inde akolo li ani-e de.><sup>†</sup>

<sup>41</sup> Abhomu-o, u abho kulu ndili bagala, bhú oekpí bhomu, u atsia atsulu enu pi ani.

U amene anokomia kabula ehe inde u abho e ne 'kpa o-o. <sup>42</sup> Engú bini, Ebhe adjí 'ngbu e li uo, ani atsia a'o uo me u dhege oikupa, maka u aye lie bhú bhuku gba opolofeta me:

<Ngayi okpála na Isalaele-e, yi atsulu nani oenu muma uu?

Yi aha la di oehe koko muma uu sunda kalanga ndjikpa badha bhú 'gu-o?

A mo-o ade.

<sup>43</sup> Yi abi mangbo wema gba ebhe Moloko,

di ne kulu ikupa gba ebhe gba yi Lefana-o.

A bhomu-o kulu oehe na padhá padhá, inde yi abho o ngubula nadhege o-o.

Kaka-a, ma ambá yi tsutsu nane Babilona mane.<sup>†</sup>

<sup>44</sup> Onguo ogbi ní, bhú 'gu-o, adu nani ka uo ne 'ti ngbangbali li Ebhe adu asuno lie bhú e-o. Moidje abho nani maka bhende li Ebhe asuno nani e pi ani-o.

<sup>45</sup> Abhomu-o, u atsia aha 'ti ngbangbali ango-o pi ongisi gba onguo ogbi ní, inde adu li nedhinga li Djodjue adu lie ngamá-o. U atsia adu ali ne di bhú odoto gba opiga inde li Ebhe ato nani holo bhú 'dhu o kala uo-o. U adu oo akolo bhú nedhinga gba 'ngbé ngamá Davidi. <sup>46</sup> Engú gba Davidi inde asia nani bádha bhú 'bu gba Ebhe-e, adu bhú djila Ebhe ndjindji. Ani atsia ayo nani kpadji me ni yiki eti pi Ebhe gba Yakobho. <sup>47</sup> Engú bini, Salomo, ndili gba Davidi-e, ayiki mangbo nani eti pi ani ngae. <sup>48</sup> La-a, Ebhe Apí 'Kpí dudu bhú 'ti inde li okpála

---

<sup>†</sup>7:40 Tsia bhú Eki. 32:1.

<sup>†</sup>7:42-43 Tsia bhú Ams. 5:25-27.



ayiki e ne 'kpa o-o de. Maka li polofeta apa lie me:

<sup>49</sup> «Ngámá apa me: ekpí ne dabilí na ngámá gba ma-o.

Doto ne dabilí na sa 'dhu ma.

Mangua 'ti dho yi ayíki e muma?

Bili ma agúo lie su?

<sup>50</sup> Ma bho ndu 'he bhomu-o hana ngama di?†»

<sup>51</sup> Pipita-a, Etieni atsia apa me: «Ngayi-e, yi ne okpála na kpekpeke 'ndji! Bua yi agbigbite lie, 'dje yi atsia anini! Ndu 'kpí hana yi ngamene kpekebhe ne Bu Bhobua maka onguo ogbi yi! <sup>52</sup> A ko polofeta bhedho inde li onguo ogbi yi to mbolo li e de-e? U abhelo belegu obhende akpokpo 'ngú pindji nago ka Kpála na Ngbingbili-o. Mbia inde-e, kpála ango-o, yi apu ani, yi atsia abhelo ani. <sup>53</sup> Ngayi okpála inde asia líli gba Ebhe-e ka oandjelu-o, engú bini, yi mene la líli ango-o de!»

### U abhelo Etieni

<sup>54</sup> Li okpála inde adu li bili nakodho 'ngú-o adje engú li Etieni apa e lie, u abi 'gú li bua o. U atsia aholo nazu tate o ngubula ani. <sup>55</sup> Engú bini, Etieni inde adu me ani nde abedhe ne Bu Bhobua-a, atsia 'kpí ne abhúlá, ani au zi Ebhe. Ani atsia au di Yesu me ani nde alu li pá 'kpa na kokpa gba Ebhe-o. <sup>56</sup> Ani atsia apa me: «Yi djedje nga! Ma au kokpí abhulu lie, Ndili gba kpála alu li pá 'kpa na kokpa gba Ebhe!»

<sup>57</sup> Ndu okpála hana inde adu oo adje engú bhomu-o lie, u asula ne 'ue kpekpeke, u anini 'dje o. U anu ndu o hana bhú dabilí bini, u atsia atuko pí Etieni. <sup>58</sup> U agbe ani bhú gudhu-o, u atsia aholo natutulú ani ne oteme ngú nabhelo ani. Okpála inde adu apa 'ngú li ani ne eu-o, abhu nani makombi bini. U atsia abu obongo gba o-o bhú li 'dhu ani ngú nalilila. A adu 'li makombi ango-o me Saulo.<sup>n</sup>

<sup>59</sup> Nedhinga u adu atutulú Etieni lie ne teme ngú nabhelo ani-e, ani atsia ayo Ebhe

---

†7:49-50 Tsia bhú Isa. 66:1-2.

<sup>n</sup>7:58 *Saulo*: A ko 'ili na ebele. Polo: a ko 'ili na giliki. U aholo na'i ani me Polo li nedhinga ani aholo nakpokpo Bádha Ngali lie pi ogandji okpála ko.

me: «Ngámá Yesu, ha bua ma haha!»<sup>60</sup> Abhomu-o, ani akikita lipuku e kuto, ani asula kpekpeke me: «Ngámá, mo otsia siti 'ngú gba uo-o de!» Pita ani apa 'ngú bhomu-o lie, ani atsia andala 'kpa li bua e.

## 8

<sup>1</sup> Abhomu-o, Saulo atsia aziba me u bhelo Etieni.

### U aholo nato mbolo li okpála na Piga gba Ebhe

Bha li 'kpi angoo, u aholo nato mbolo naali li okpála na Piga gba Ebhe na gudhu na Yelusalema. Ndu omabhuka hana akpe, naneke bha bini obhulu titima gba Yesu-o . U atsia atsambala bhú ndu doto na Yudaya ne bhú ndu doto na Samalia. <sup>2</sup> Okpála koko bhende adu akpe Ebhe-e aku 'gbá Etieni naali. U aha kuo ani, u atsia anu azi. <sup>3</sup> La-a, Saulo aholo nato mbolo li Piga gba Ebhe-e ngú nabhebhelo. Ani adu nali bhú 'ti bini ne bini. Ani adu napandja omabhuka, olisi di ne obhosi, ani atsia adu namba uo bhú tikpu.

### Filipo akpokpo Bádha Ngali bhú Samalia

<sup>4</sup> Omabhuka inde atsambala adu anu ne ndu bili hana me u nde ne kpokpo Bádha Ngali . <sup>5</sup> Abhomu-o, Filipo anu bhú saka gudhu bini na Samalia. Oo-o, ani atsia akpokpo ngali gba Masiya-o . <sup>6</sup> Okpála bhelé ne bua bini abhuka 'li Filipo. Padhá de, anga u adu adje ngali ongú na ngangamba inde ani adu amene e-o. U atsia adu la di auu ne djila o. <sup>7</sup> Osisiti bua bhelé aze bhú okpála. Osisiti bua angoo adu aze me u nde ngatu 'ue kpekpeke. Okpála bhelé inde adu odukuto, di ne obhende adu ne eze li 'dhu o-o, atsia akobho. <sup>8</sup> Abhomu-o, djali atsia adu naali bhú gudhu angoo.

<sup>9</sup> Kpála bini adu nani bhú gudhu angoo, a adu 'li ani me Simo. Nayie didili naali, ani adu amene 'ngú na mambengu mambengu. Ndu okpála hana na ndu doto na Samalia adu angamba ka ani naali. Ani atsia adu apa me ni ne 'ngbé kpála. <sup>10</sup> Ndu okpála hana adu aha lio ngú nadije ani, nayie li okpála na padhá, akólo li okpála na ngbengbengbe. U adu napa me: «Kpála inde-e, a ko angu gba

Ebhe, angu inde u a'í e me «Angu na ngbéngbé.»» <sup>11</sup> U adu nakpata ani, anga nayie didili naali, ongú na mambengú gba ani-e adu angamba uo naali. <sup>12</sup> Engú bini, li Filipino adu akpokpo Bádha Ngali Naú gba Ebhe , di ne Yesu Kilisito lie pi uo-o, olisi ne obhosi abhuka. Pipita-a, u atsia asia batisimo. <sup>13</sup> Simo abhuka belegu di ngae, ani atsia asia batisimo. Ani du matá nayie de Filipino de. Ani adu nangamba naali li oehe di ne ongamba 'ngú na ngbengbengbe inde li Filipino adu namene e-o.

<sup>14</sup> Obhulu titima gba Yesu abhú gudhu na Yelusalema adje me okpála na ndu doto na Samalia asia eli gba Ebhe-o . Abhomu-o, u atima Piele di ne Djaa pi uo. <sup>15</sup> U akolo lie bhú ndu doto na Samalia oo, u atsia ayo Ebhe pi uo ngubula me u sia Bu Bhobua . <sup>16</sup> Padhá de, anga Bu Bhobua kè nga nani pí sùka uo bini de. U asia nga bha nani batisimo ne 'li Ngámá Yesu. <sup>17</sup> Abhomu-o, Piele ne Djaa a'o 'kpa o pí 'ndji uo, u atsia asia Bu Bhobua.

<sup>18</sup> Simo au me Bu Bhobua akè pí okpála inde li obhulu titima a'o 'kpa o pí 'ndji o-o. Abhomu-o, ani ago ne tia me ni ngaha makiso pi Piele ne Djaa. <sup>19</sup> Do ani de me: «Yi ha di angu angu-o mu, amba kpála bhende ma a'ó 'kpa ma pí 'ndji e, ani de sia Bu Bhobua.» <sup>20</sup> Engú bini, Piele agie pi ani me: «Siti de bhaka bhado bha mu bhú dabili bini ne tia gba mu-o! Padhá de, anga mo obhundja me mu ti da nakala ehe inde li Ebhe ngaha e padhá-a ne tia. <sup>21</sup> Ndu 'ngú inde ngakodho 'kpí inde-e hana, a pi mu ade. Mu ti la di da nali bhúbhú de. Padhá de, anga bua mu kala Ebhe ngbingbili ade. <sup>22</sup> La-a, dji bua mu ka siti 'ngú inde mo obhundja e li bua mu ko. Yo ka Ngámá ngubula me, i du me ani nde akunda-a, ani de 'e siti 'ngú angu-o. <sup>23</sup> Padhá de, anga ma au me mo obedhe bhú mu ne gamu 'he. Mu la di bhú 'kpú gba siti.» <sup>24</sup> Abhomu-o, Simo apa pi Piele ne Djaa me: «Ngayi makpe-e, yi yo mangbo Ngámá ngú ma ngayi, ngubula me ngua 'ngú yi apa e bhomu-o, akólo li ma de.»

<sup>25</sup> Pipita-a, Piele ne Djaa akpokpo ongú inde li Ngámá Yesu amene e li djila uo-o. U asuno eli gba ani-e pi okpála. Abhomu-o, u atsia agie lio bhú Yelusalema. Li kpadji-e, u akpokpo Bádha Ngali bhú okuti bhelé na ndu doto na Samalia.

## Kpála bini na Etiopi adji bua e

<sup>26</sup> Pípíta-a, andjelu bini gba Ngámá-a apa pi Filipino me: «Yie bhúlá, amba m̄ ke li pápá na yoyoko, li kpadji inde ayie bhú ḡdh̄ na Yelusalema, atsia ak̄e bhú Gadja ko. Kpadji ang-o ap̄e bhú mili bili.» <sup>27</sup> Abhom̄-o, Filipino ayie bhúlá, ani atsia aholo ne enú li kpadji ang-o. Li kpadji-e, bhoko bini akoto. A ad̄e nani eniki,<sup>o</sup> 'ngbé kpála na doto na Etiopi. Ani ad̄e nalila nd̄e tia hana gba Kandase, ngámá na ̄ēle na Etiopi-o. Ani an̄e nani bhú Yelusalema ngú nadh̄oḡe Ebhe, <sup>28</sup> ani atsia ad̄e nagie lie agba e. Ani ad̄e kuto bhú kpulukpulu gba e-o. Ani atsia ad̄e natanga bhuku gba polofeta Isaya.

<sup>29</sup> Bu Bhobua apa pi Filipino me: «N̄e de kpulukpulu bhom̄e, amba yi n̄e ne bh̄bh̄le-o.» <sup>30</sup> Filipino an̄e bhú holo, ani atsia adje kpála na Etiopi bhom̄e-o ngatanga bhú bhuku gba polofeta Isaya. Abhom̄-o, Filipino ayi ani me: «Engú inde m̄e ngatanga e bhom̄e-o, m̄e ngadje tata-a uu?» <sup>31</sup> Kpála ang-o agie me: «Ma ambíla la tata-a lele pi, i d̄e me kpála nde kpokpo kúkú m̄ma de-e?» Abhom̄-o, ani a'í Filipino me ani '̄e bhú kpulukpulu-o, amba ani d̄e de ni. <sup>32</sup> Eli inde ani ad̄e atanga e bhú bhuku gba Isaya ngae inde:

«U ad̄e nan̄e ne ani maka kand̄ēle inde u adji nabh̄ēle e,  
maka nd̄ili kand̄ēle inde agbite 'bh̄e e li nedh̄inga u ngaka su ani lie-o.  
Ani '̄e 'bh̄e e de.

<sup>33</sup> U ak̄e ani ne kuto, u kodho 'ngú gba ni-e ngbingbili de.

A ko da inde i ti da napa 'ngú gba ongisi gba ani-e?

Padhá de, anga u a'e m̄kobho gba ani-e p̄la doto a'e.†»

<sup>34</sup> Bhoko na Etiopi ang-o ayi Filipino me: «Ma ayo ka m̄e me pa nga m̄ma: polofeta ngapa 'ngú bhom̄e-o li da? Ne me ani ngapapa li e, ne me ani ngapapa li kpála koko?» <sup>35</sup> Abhom̄-o, Filipino aholo na'o'o tata pi ani li Bádha Ngali gba Yesu-o nayie li Eli inde ani ad̄e atanga e-o.

---

<sup>o</sup>8:27 *Eniki*: A ko bhoko inde i ti da nak̄nda ̄le de, anga angu na bhoko bhú ani ade. Tsia bhú Mat. 19:12.

†8:32-33 Tsia bhú Isa. 53:7-8.

<sup>36</sup> U adu anu lie li kpadji-e, u akolo li bili bini, adu oo ne engu. Abhomu-o, 'ngbé kpála angoo apa pi Filipino me: «Tsia nga engu ii! Nasia batisimo ka ma-a, a adha mbia inde-e li ni?» [ <sup>37</sup> Filipino atsia apa pi ani me: «I du me mu nde abhuka ne bua mu hana-a, mu ti da nasia batisimo.» Kpála angoo agie pi ani me: «Ma abhuka me Yesu Kilisito ne Ndili gba Ebhe.»] <sup>38</sup> Abhomu-o, ani atsia apa me kpulukpulu-o lulu. Pipita-a, ndu uo bhisi hana, Filipino ne kpála angoo, aké bhú 'ngu. Filipino atsia abatisa ani. <sup>39</sup> Li u aze lie bhú 'ngu-o me-e, Bua gba Ngámá-a atsia adhepe Filipino. Kpála na Etiopi u matá ani de. Kpála na Etiopi angoo aholo bha ibili enu kpi e kpi me ani nde ngakpi djali. <sup>40</sup> La pi Filipino-o, u anu au bha ibili ani bhú gudhu na Adjota. Pipita-a, ani apu bhú ndu ogudhu hana me ani nde ngakpokpo Bádha Ngali akólo bha bini li nedhinga ani akolo lie bhú Sedjale ko.

## 9

### Saulo adji bua e

*(Tsia bhú Kul. 22:6-16, 26:12-18.)*

<sup>1</sup> Li nedhinga bhomu-o, Saulo adu nagili omukpata gba Ngámá Yesu ngu nabhili uo. Ekpi koko ani anu nabhaka bhele kpála gba odimandé gba Ebhe-o. <sup>2</sup> Ani anu nayo balua me ni nu ne di ngu nali bhú oti nadjé líli gba Moidje inde bhú gudhu na Damasi. Ni nu oo, amba i du me ni nde abhaka okpála inde ngakpata 'ngú gba Yesu-o, obhosi di ne olisi, ni de holo uo, amba ni nu ne uo bhú gudhu na Yelusalema.

<sup>3</sup> Nedhinga ani adu anu lie, ani akolo lie de Damasi masikpe-e, má gala kolo me-e, zi 'kpi bini ayie abhúla, a ago asa ngo ani ngbalina. <sup>4</sup> Ani atsokodho ati kuto má ngbi! Ani atsia adje eli bini apa pi ani me: «Saulo, Saulo, mu ngato mbolo li ma ngu ni?» <sup>5</sup> Abhomu-o, Saulo atsia ayi me: «Ngámá, a ko mu da?» Eli atsia akoto matá pi ani me: «A ko ma Yesu, mu ngato mbolo e li ma. <sup>6</sup> La-a, yie bhúla yiyie, amba mu nu bhú gudhu. Engu inde ayo me mu mene e-e, u apa pi mu oo ko.»

<sup>7</sup> Okpála inde adu anu ne ani bhú dabili bini-e alulu. Bhú 'bhø uo akpina má ndje ka tsulu. U adu adje eli, engú bini, u du au kpála inde adu agama 'ngú-o de.

<sup>8</sup> Abhomu-o, Saulo ayie bhúlá, ani abhulu djila e, engú bini, ani u la 'kpí de. U atsia aholo 'kpa ani ngú nanu ne ani bhú Damasi. <sup>9</sup> Oo, ani amene ngbolo 'kpí bata. Ani u 'kpí de, ani zu 'he de, ani ndji la di ehe nandji mandji de.

<sup>10</sup> Múkpata bini adu bhú Damasi oo, a adu 'li ani me Anania. Ngámá a'i ani bhú ehe maka loto me: «Anania!» Anania atsia abhuka me: «Ma ii, Ngámá!»

<sup>11</sup> Abhomu-o, Ngámá atsia apa pi ani me: «Mbía inde-e, a ayo me mu nu li kpadji inde u a'i e me Ngbili kpadji bhú 'ti gba kpála bini inde u a'i e me Yuda. Yi Saulo, kpála na gudhu na Talasi. Li nedhinga inde-e, ani ngayo Ebhe. <sup>12</sup> Ani atsia au bhú 'he maka loto kpála bini, inde 'li e me Anania, ali bhú 'ti nganda ni. Kpála ango-o atsia a'o 'kpa e pí 'ndji ani ngú napa me ani u matá 'kpí.»

<sup>13</sup> Anania atsia agie me: «Ngámá, okpála bhelé apa 'ngú mu ma pindji bhoko bhomu. Ma mbila la di ndu siti 'ngú hana inde ani amene e li kute okpála na bububu gba mu bhú Yelusalema-o. <sup>14</sup> Ongbengbe odimandø aha la di kpadji pi ani me ani go ei ngú naholo ndu okpála hana inde ngabhuka mu-o.» <sup>15</sup> Engú bini, Ngámá apa pi ani me: «Nunu, anga bhoko bhomu-o, ma abhu ani ngú kulu gba ma-o. Ani anu nakpokpo engú gba ma-a pi opiga inde i mbila ma de, pi ongbengbe ongámási gba uo, di ne pi omafalaale. <sup>16</sup> Ma asúno pi ani, ngama makpe, ndu likabhu hana inde a ayo me ani zu e kabula 'li ma-o.»

<sup>17</sup> Abhomu-o, Anania anu, ani ali bhú 'ti oo, ani abhaka Saulo, ani a'o 'kpa e pí ani. Ani atsia apa me: «Ndai ma Saulo, Ngámá atima ma ngae. A ko Yesu inde akoto li mu li kpadji nedhinga mo odu nago lie-o. Ani atima ma, ngubula me mu u matá 'kpí, amba mu bedhe di ne Bu Bhobua .» <sup>18</sup> Kolo má gala me-e, ehe maka kudhu 'he ayie bhú djila Saulo, abala kuto. Ani atsia aholo nau matá 'kpí. Abhomu-o, ani ayie bhúlá, ani atsia asia batisimo. <sup>19</sup> Pipita-a, ani azu 'he, ani atsia asia angu.

### **Saulo akpokpo Bádha Ngali bhú gudhu na Damasi**

Saulo amene mbo ekpí bhú dabili bini ne omúkpata na Damasi. <sup>20</sup> Kolo má gala

me-e, ani aholo nakpokpo pi omaYuda bhú oeti nadje líli gba Moidje me Yesu ne Ndili gba Ebhe. <sup>21</sup> Ndú okpála hana inde adú nadje ani-e adú angamba naali. U adú nayi me: «A inde-e bhú nato mbolo li okpála inde ngabhuka Yesu abhú gúdhú na Yelusalema di? Ani go nako e ngú naholo uo, di ne nanú ne uo pi ongbengbe odimandé gba Ebhe di?»

<sup>22</sup> Engú bini, Saulo adú akolo ne angu bhú nasuno. Ani adú asuno mbámbá pi omaYuda na Damasi me Yesu ne Masiya . Kaka-a, u dú nambila matá engú inde u agie e pi ani-e de.

<sup>23</sup> Pita ekpí bhelé, omaYuda adje lio me o bhələ Saulo. <sup>24</sup> Engú bini, Saulo ambila siti mabhundja gba uo-o. U atsia adú di nalila obhoti na gúdhú-o sukpe ne ngbikpi ngúbula nato ani, amba o bhələ ani. <sup>25</sup> Sukpe bini-e, ngaani ne omákpata gba e, u anú li malilisa na aga na gúdhú-o. U ato ani bhú kili, u atsia aké ani ne di kuto akilidjo.

### **Saulo bhú gúdhú na Yelusalema**

<sup>26</sup> Li Saulo akolo lie bhú Yelusalema-a, ani adú nale nagbite lie li omákpata, engú bini, ndú uo hana adú nadje tsúli. Padhá de, anga u dú nabhuka de me a ko ndjú kúkúli mákpata-a de. <sup>27</sup> La-a, Balanabasi anú aha Saulo, ani atsia anú ne ani pi obhúli titima gba Yesu-o . Oo, Balanabasi akpokpo pi uo maka li Saulo au Ngámá Yesu lie li kpadji, di ne maka li Ngámá agama 'ngú lie pi ani-o. Ani atsia akpokpo di maka li Saulo dú nasuno 'ngú lie ne tsúli de ne 'li Yesu bhú Damasi-o. <sup>28</sup> Abhomú-o, obhúli titima atsia aziba Saulo. Nayie li nedhinga bhomú-o, Saulo dú matá na'o ká obhúli titima-a de. U adú adhúku bhú Yelusalema bhú dabili bini. Ani tsia dú nasuno ne 'li Yesu ne tsúli de. <sup>29</sup> Ani adú di nasuno pi omaYuda inde adú nadi eli na giliki-o, ani atsia adú namene kpekebhe ne uo. Engú bini, ngauo-o, u adú agili nabhələ ani. <sup>30</sup> Li ondaise Saulo, omabhuka adje lie, u anú na'o Saulo bhú Sedjale. Oo, u atsia atima ani bhú Talasi.

<sup>31</sup> Abhomú-o, omabhuka bhú ndu doto na Yudaya, bhú ndu doto na Galilaya, di ne bhú ndu doto na Samalia libhomu adú bhú guo 'ngú . U adú akolo kpekpeke

bhú nabhuka. U adu amanga Ngámá mamanga. U atsia adu nabe ndu o, ka angu gba Bu Bhobua.

### Piele akobho Ene

<sup>32</sup> Piele adu napu ne ndu bili hana. Abhomu-o, ekpí bini, ani anu natsia omabhuka inde adu bú gudhu na Lida-o. <sup>33</sup> Oo-o, ani abhaka bhoko bini, a adu 'li ani me Ene. Sunda kalanga madjina, ani adu me ani nde asi kuto pí kalagba gba e-o. Padhá de, anga adu nani dukuto. <sup>34</sup> Li Piele au ani lie, ani atsia apa pí ani me: «Ene, Yesu Kilisito akobho mu mbia inde akobho! Yie bhúlá, amba mu leke dabili gba mu-o, ngamu makpe.» Kolo má gala me-e, Ene ayie bhúlá. <sup>35</sup> Ndu okpála hana na Lida, di ne egu na Salona au lie mo-o, u adjí bua o, u atsia abhuka Ngámá

### Piele azuku Tabita

<sup>36</sup> Li nedhinga bhomu-o, mukpata bini na eole adu nani bú gudhu na Djope, a adu 'li ani me Tabita (bú eli gba oGiliki-e me «Dolokasi»), a akunda napa me «gbelende»). Ani adu amene obabadha 'ngú, ani atsia adu ateteke di obhulu ndibhili ndu 'kpí hana. <sup>37</sup> Ekpí bini, ani asi kuo, ani atsia akpi. U avulu kate kuo ani, u atsia a'o bú tina 'ti bini abhúlá.

<sup>38</sup> Gudhu na Lida masakpe de gudhu na Djope. Kaka-a, li omukpata adje lie me Piele bú Lida-a, u atsia atima okpála bhisi ngú napa pí ani me: «Kikiliako, ya ayo ka mu me go nga gba ya ei má gala!» <sup>39</sup> Piele ayie bhúlá kolo má gala, ani atsia anu bú dabili bini ne okpála inde u atima o-o. Ani akolo lie oo-o, u anu na'o ani bú tina 'ti inde abhúlá-o. Ndu okesi hana na gudhu ango-o ago de Piele me u nde ngaku 'gbá. U adu asuno obongo na mbulu, di ne okoti inde li Tabita adu amene e nedhinga ani adu lie bú mukobho-o pí ani.

<sup>40</sup> Piele apandja ndu okpála hana kilidjo, ani akikita lipuku e kuto, ani atsia ayo Ebhe. Pipita-a, ani adjí bhúla e ne apí kuo-o, ani atsia apa me: «Tabita, yie bhúlá!» Abhomu-o, Tabita a'u djila e. Li ani au Piele lie, ani atsia adu madu.

<sup>41</sup> Piele aholo 'kpa ani, ani atsia a'e ani bhúlá. Pipita-a, Piele a'i omabhuka koko di ne okesi na olisilisi, ani atsia asuno ani pí uo me ani nde mu. <sup>42</sup> Ndu okpála hana



na Djope adje engú inde akodho 'kpí-o. Abhomu-o, okpála bhelé atsia abhuka Ngámá. <sup>43</sup> Piele amene bhú Djope ekpí bhelé. Aní adu nadu gba kpála bini inde lí 'lì e adu me Simo. Kpála ango-o adu namene kulu na kó 'nu.

## 10

### Koloneli a'ì Piele agba e

<sup>1</sup> Kpála bini adu nani bhú gúdhá na Sedjale, a adu 'lì aní me Koloneli. Aní adu ngámá pí 'ndjì osúdhá kámá bini. Libi osúdhá ango-o inde u a'ì e bhú dabilì bini ne osúdhá koko-o me «Libi osúdhá na Itali.» <sup>2</sup> Kpála ango-o adu amanga Ebhe di ne nakpe Ebhe bhú dabilì bini ne piga gba e libhomu. Aní adu ateteke obhulu ndìbhìlì inde adu bhú ká omaYuda-a naali. Aní atsia adu ayo Ebhe pìko.

<sup>3</sup> Ekpí bini, masìkpe de saa na bata pìta tulukpe-e, aní au mbámá bhú 'he maka loto me andjelu bini gba Ebhe-e nde ngalì agba aní. Andjelu ango-o a'ì aní me: «Koloneli!» <sup>4</sup> Aní atsia andjelu ango-o ne tsulu hana. Aní atsia apa pí aní me: «A ko mangua 'ngú dho, Ngámá?» Andjelu-o agie pí aní me: «Ebhe adje nayo gba mu-o adje. Aní azìba di oehe inde mu ngaha e pí obhulu ndìbhìlì-o. Kaka-a, 'to aní 'lì lí mu de. <sup>5</sup> Mbia inde-e, tima okpála bhú Djope ngubula na'ì kpála bini inde u agisila 'lì e me Simo Piele-o. <sup>6</sup> Aní ngasì agba kpála bini inde 'lì e me Simo, kpála namene kulu na kó 'nu. Kùtì gba aní-e a de 'ngbé 'ngu.» <sup>7</sup> Pìpìta-a, andjelu inde agama 'ngú pí aní-e atapa. Abhomu-o, Koloneli atsia a'ì okpála na kulu gba e bhisi, di ne súdhá bini. Súdhá ango-o adu kpála nakpe Ebhe. Aní atsia asì di nani bhú kulu gba aní-e naali. <sup>8</sup> Koloneli akpokpo ndu 'ngú inde akodho 'kpí-e hana pí uo. Pìpìta-a, aní atsia atìma uo bhú Djope. Abhomu-o, u atsia agbida.

### Piele anu agba Koloneli

<sup>9</sup> Lí ekpí aseke lie, okpála u atìma o-o adu nga bha lie lí kpadjì-e, u akolo de gúdhá na Djope. A abhaka me Piele nde a'ù apí 'ngbu 'tì ngú nayo Ebhe masìkpe de tulukpe. <sup>10</sup> La-a, gumu aholo amene aní, aní adu akunda nazu 'he. Nedhinga u adu alu 'zu-o lie pí aní-e, aní atsia au engú maka loto. <sup>11</sup> Aní au kokpí abhulu lie. Aní au ehe bini maka 'ngbé 'kpá bongo . U ahoholo lí odjedje badha. A ayie

abhúlá, atsia adu akø kuto.

<sup>12</sup> Bhú 'ngbé 'kpá bongo ang-o, ndu djua onu hana na 'dhu badha, ne ndu djua onu inde ngagbele lio ne 'bu o kuto, di ne ndu djua odhu hana adu bhúbhú.

<sup>13</sup> Abhomu-o, ani adje eli bini inde apa pi ani me: «Piele, yie bhúlá! Bhøbhøø, amba mu zu!» <sup>14</sup> Engú bini, Piele agie me: «A mo-o ade, Ngámá! Padhá de, anga ma zu nga ezu inde li líli gba Moidje ayala e, di ne bhende na sisiti kala Ebhe belegu de bini.» <sup>15</sup> Ani adje matá eli ang-o bhatsibhatsi na bhisi-e me: «Ehe inde li Ebhe adji e akolo bubu-o, mo opá de me a sisiti-e de.» <sup>16</sup> Engú ang-o amene lie bhatsibhatsi bata. Pipita-a, má gala kolo me-e, bongo ang-o atsia agie lie abhúlá.

<sup>17</sup> Abhomu-o, mabhundja gba Piele atsia angbingi ka engú inde ani au e-o. Ani adu ayi bua e me: «Tata-a pi?» Bha li nedhinga li Piele adu ayi bua e lie bhomu-o, okpála inde li Koloneli atima o akolo li bhoti gba Simo-o. A adu me u nde ayi okpála me eti gba Simo-o su. <sup>18</sup> U a'i kpála bini, u atsia ayi ani me: «A inde-e bili li Simo u agisila 'li e me Piele asisi lie?» <sup>19</sup> Li nedhinga bhomu-o, Piele adu nga bha nabhundja pindji engú inde ani au e-o. Abhomu-o, Bu Bhobua atsia apa pi ani me: «Tsitsia nga, okpála bata<sup>p</sup> ngagili mu. <sup>20</sup> Yie bhúlá, kø akuto, amba yi nu bhú dabili bini ne uo. Mo odjidji limu de. Padhá de, anga ma atima uo ngama.»

<sup>21</sup> Abhomu-o, Piele akø, ani abhaka okpála ang-o. Do ani pi uo me: «Kpála inde yi ngagili e-e, a ko ma. Yi ago la ngú ni?» <sup>22</sup> U agie pi ani me: «Ngámá gba osudha, inde 'li e me Koloneli-e atima ya ngae. A ko kpála na ngbingbili, inde di ngadhøø Ebhe. Ndu omaYuda hana ngapa 'ngú gba ani-e ndjindji. Andjelu bini gba Ebhe-e akoto li ani, ani atsia apa pi ani me: «Tima okpála ngú na'i Piele, amba mu dje engú inde ani akpókpo e pi mu ko.»» <sup>23</sup> Abhomu-o, Piele ato okpála ang-o abhú 'ti. Ani atsia asuno dabili u asi lie pi uo. U atsia asi tété.

Li ekpí aseke lie, Piele anu bhú dabili bini ne uo. Abhomu-o, omabhuka koko

---

<sup>o</sup>10:14 Líli gba omaYuda adu nani nayala nazu onu koko maka pame mayala.

<sup>p</sup>10:19 U aye bhú obhuku koko me «kpála bini.» U aye bhú okoko me «okpála bhisi.» U atsia aye bhú okoko me «okpála.»

na Djope atsia anu na'o Piele. <sup>24</sup> Pita 'kpí bini-e, u atsia akolo bhú Sedjale. A abhaka me Koloneli nde apo bhúla omaha e di ne obi e na makúnda. Aní atsia adu adjeke uo oo. <sup>25</sup> Li Piele akolo lie, Koloneli ago nakə lio ne aní. Aní atí bhú lí 'dhu aní. Aní atsia atú bhúla e ne kuto ngú namanga aní. <sup>26</sup> Engú bini, Piele a'e aní bhúlá. Aní atsia apa pí aní me: «Lú malú! Padhá de, anga ngama-a, ma bhadi ne kpála na padhá!» <sup>27</sup> Aní adu agama 'ngú lie ne Koloneli-e, aní atsia alí abhú 'ti. Oo-o, aní abhaka me bhiti okpála nde apo bhúla o. <sup>28</sup> Aní apa pí uo me: «Yi ambíla ndjindji me líli ziba de me maYuda bini du bhú dabilí bini ne gandji kpála-a de. A ziba la di de me aní nu agba aní-e de. Engú bini, ngama-a, Ebhe asuno múma me ma a'í kpála bini de me a ko kpála na sisiti kala Ebhe-e de. <sup>29</sup> Kaka-a, mo o'í ma lie, ma yala de. Mbíá inde-e, ma akúnda nambíla ta 'ngú inde mo o'í ma ngú e-o.»

<sup>30</sup> Abhomu-o, Koloneli agie pí aní me: «A ane nga ekpí bata, masíkpe de lí ngua nedhinga inde, bhú saa na bata pita tulukpe, ma adu nayo Ebhe bhú 'ti gba ma-o. Kolo me-e, kpála bini alú kala ma. Aní adyi bongo inde adu lí e ne zizi. <sup>31</sup> Aní atsia apa múma me: «Koloneli, Ebhe adje nayo gba mu-o adje. Aní atsia abhundja di maka mu ngateteke obhulu ndibhili lie ko. <sup>32</sup> Mbíá inde-e, tima okpála bhú Djope ngú na'í Simo inde u agisila 'lí e me Piele. Aní ngadu gba Simo, inde adudu dengo 'ngbé 'ngu, kpála namene kulu na kó 'nu.» <sup>33</sup> Abhomu-o, ma atima bha kolo okpála ngú na'í mu má gala! Heni naali! A ndjindji maka mo ogo lie-o. Mbíá inde-e, ndu ní hana ní kala Ebhe si ngú nadjé ndu 'ngú hana inde lí Ngámá akpokpo e pí mu me mu pa e pí ya-o.»

### **Piele akpokpo Bádha Ngali pí ogandji okpála**

<sup>34</sup> Abhomu-o, Piele aholo nakpokpo me: «Mbíá inde-e, ma ambíla ndjindji me Ebhe gbogbo bhusu okpála de. <sup>35</sup> Engú bini, bhú ká ndu opiga hana, kpála inde ngamanga Ebhe, inde di ngamene engú na ngbingbili-e, kpála ango-o bhú djila Ebhe ndjindji. <sup>36</sup> Yi mbíla ndjindji me Ebhe atima eli gba e pí omaɽsalaele. A ko Bádha Ngali na guo 'ngú inde ní asia e ka Yesu Kilisito-o . Ngaani-e, a ko Ngámá gba ndu okpála hana. <sup>37</sup> Yi mbíla ndu 'ngú hana inde akodho 'kpí nayie

bhú ndu doto na Galilaya, akolo bhú ndu doto na Yudaya libhomu, píta lí Djaa akpokpo eli gba Ebhe , di ne nabatisa okpála lie ko.

<sup>38</sup> Yi mbíla hana me Ebhe abhú nani Yesu, kpála na Nadjaleta-a kalanú. Aní atsia aha Bu Bhobua di ne angu pí aní ngú namene kulu gba e-o. Aní apú ne ndú bíli hana me aní nde ngamene bádha 'ngú. Aní atsia adú di nakobho ndú okpála hana inde lí Djabúlú agbigbite o-o. Padhá de, anga Ebhe adú bhú dabilí bini ne aní. <sup>39</sup> Ngaya makpe, obhúlú titima gba Yesu-o , ya au ndú 'ngú hana inde aní amene e bhú kúti gba omaYuda di ne bhú Yelusalema ne djila ya. U abhøø aní me u nde agí aní lí kulusi. <sup>40</sup> Engú bini, Ebhe azuku aní bhú 'kpí na bata. Aní aha angu pí aní ngú napana lie pí okpála me ní úú.

<sup>41</sup> Aní pana lie pí ndú okpála hana de. Engú bini, aní apana bha lie pí ya okpála inde lí Ebhe abhú o kalanú, inde au 'ngú angoo ne djila o-o. Píta aní azuku lie, ya azú 'he, ya atsia andji di ehe bhe nandji mandji ne uo bhú dabilí bini.

<sup>42</sup> Abhomú-o, aní atsia atima ya me ya nú ne kpokpo Bádha Ngali pí okpála. Aní atima ya me ya apa pí okpála me, a ko kpála inde lí Ebhe a'o e ngú nakodho 'ngú gba okpála inde úú di ne okpála bhende amu-o. <sup>43</sup> Ndú opolofeta hana akpokpo 'ngú gba aní-o. U akpokpo me kpála ne kpála inde abhuka Yesu-o, Ebhe a'é siti 'ngú gba aní-e ka Yesu.»

### **Ogandji okpála asia Bu Bhobua**

<sup>44</sup> Bha lí nedhinga lí Piele adú akpokpo 'ngú bhomú-o lie, Bu Bhobua atsia akø pí ndú okpála hana inde adú adje aní-o. <sup>45</sup> OmaYuda koko inde abhuka Yesu-o, ago bhú dabilí bini ne Piele. U angamba naali, anga u au me Ebhe atuko di Bu Bhobua pí ogandji okpála. <sup>46</sup> Padhá de, anga u adú adje uo ngagama 'ngú bhú odikongú koko. U adú adhøø Ebhe maka aní nde lie ngbéngbé-o. Abhomú-o, Piele atsia apa me: <sup>47</sup> «Mbía inde-e, lí okpála inde asia di Bu Bhobua lie maka ní-e, kpála bini tí da nayoko me u abátisa uo ne engu dí?» <sup>48</sup> Aní aha líli me u batisa uo ne 'lí Yesu Kilisito. Abhomú-o, u atsia ayo ka aní me aní dú nga mbo ne o ngúbula mbo 'kpí bedi.

**Piele akpokpo maka li ogandji okpála asia Bu Bhobua lie ko**

<sup>1</sup> Obhɛlɛ titima gba Yesu , di ne omabhuka inde bhú ndu doto na Yudaya-a, adje me ogandji okpála asia di eli gba Ebhe , u atsia abhuka Yesu Kilisito . <sup>2</sup> Li Piele agie lie lie bhú gɛdhɛ na Yelusalema-a, omaYuda inde abhuka<sup>s</sup> aholo namene kpekebhe ne ani. <sup>3</sup> U adɛ apa me: «Lele pi ngamɛ kpála inde ali gandja mo oli lie bhú 'ti gba okpála inde i li gandja de-e, mo otsia azɛ belegɛ di 'he ne uo bhú dabilɛ bini-e?»

<sup>4</sup> Abhomɛ-o, Piele atsia aholo akpokpo kúkú pi uo nayie li lilita. Ani pi uo me: <sup>5</sup> «Ngama-a, ma adɛ bhú gɛdhɛ na Djope. Nedhinga ma adɛ ayo Ebhe lie, ma au engú maka loto. Ehe bini ayie abhúlá maka 'ngbé 'kpá bongo . U ahoholo li odjedje badha. A ayie abhúlá, atsia akɛ kuto li bilɛ ma adɛ lie-o. <sup>6</sup> Ma atsia 'kpí bhúbhú ne kpéke djila. Ma au onɛ na kɛti, ma au onɛ na bilɛ, ma au onɛ bhende ngagbele lio ne 'bu o kuto di ne odhu. <sup>7</sup> Ma atsia adje di eli bini inde apa mɛma me: «Piele, yie bhúlá! Bhɛbhɛle amba mɛ zɛ!» <sup>8</sup> Abhomɛ-o, ma atsia apa me: «A mo-o ade, Ngámá! Padhá de, anga ezɛ inde li líli gba Moidje ziba e de-e, di ne bhende na sisiti kala Ebhe li nga bhú 'bhɛ ma belegɛ de bini.» <sup>9</sup> Bhɛtsibhɛtsi na bhisi, ma adje matá eli ayie abhúlá, a apa mɛma me: «Ehe inde li Ebhe apa li e me a bubu-o, mo opá de me a sisiti-e de.» <sup>10</sup> Engú ango-o, amene lie bhɛtsibhɛtsi bata. Pipita-a, bongo ango-o ne ndɛ 'he inde bhúbhú-o hana atsia agie lie abhúlá.

<sup>11</sup> Bha li nedhinga bhomɛ-o, obhosi bata akolo li bilɛ inde ya adɛ li e-o. Kpála bini na gɛdhɛ na Sedjale atima uo me u go bhaka ma. <sup>12</sup> Abhomɛ-o, Bu Bhobua apa mɛma me: «Nɛ bhú dabilɛ bini ne uo, mo opá de me a ko ogandji okpála-a de.» Ondaise ma madhia inde-e atsia anɛ bhú dabilɛ bini ne ma. Ndɛ ya hana, ya

---

<sup>s</sup>11:2 Okpála koko na imbilangɛ adɛ nabhundja me té omaYuda bedi adɛ apa me a ayo me ogandji okpála li bhú gandja ngú nakolo omakilisito.

<sup>t</sup>11:3 Líli gba omaYuda ziba nani de me u dɛ bhú dabilɛ bini ne ogandji okpála de.

ali bhú 'ti gba kpála inde a'i ya-o. <sup>13</sup> Abhomu-o, ani akpokpo pi ya maka li andjelu akoto li ani lie abhú 'ti gba ani-o. Andjelu ango-o atsia apa pi ani me: <Tima okpála bhú gũdhũ na Djope ngú na'i Simo inde u agisila 'li e me Piele-o. <sup>14</sup> Ani akpókpo pi mũ, ngamu di ne okpála inde bhú 'ti gba mũ-o, eli gba Ebhe inde akóbho mũ-o.>

<sup>15</sup> Li nedhinga li ngama Piele, ma aholo nagama 'ngú lie, Bu Bhobua atsia akø pí uo maka ani akø nani di lie pí ní li 'kpí na Patekote ko. <sup>16</sup> Abhomu-o, ma atsia abhundja eli gba Ngámá inde apa me: <Djaa abatisa nani okpála ne engu, engú bini ngayi-e, yi asía batisimo na Bu Bhobua.> <sup>17</sup> Ma au mbámhá me Ebhe aha Bu Bhobua pi ogandji okpála bhomu-o, maka ani aha di nani koli Bu Bhobua bini bhomu-o pi ní, li nedhinga inde ní abhuka Ngámá Yesu Kilisito lie-o. La-a, ngama-a, ma ne da me ma yoko Ebhe li engú inde ani akũnda namene e?» <sup>18</sup> Li omaYuda inde abhuka bhomu-o adje lie, u adhøgø Ebhe, u atsia apa me: «A na paká me Ebhe aha di nadjí bua o pi ogandji okpála, amba u sia di mækobho na dũdũma.»

### **Lita Dadjua gba Ebhe na gũdhũ na Atiokia bhú ndu doto na Silia**

<sup>19</sup> Píta u abhølø Etieni lie, u aholo namene omabhuka sisiti. Abhomu-o, omabhuka bhelé atsia atsambala.<sup>u</sup> Okoko bhú ká uo agbida bhú ndu doto na Fenisia, di ne bhú kpømø na Sipele, di ne bhú gũdhũ na Atiokia. U atsia adũ nakpokpo Bádha Ngali gba Yesu-o bha bini pi omaYuda. <sup>20</sup> Okoko bhú ká uo adũ okpála na kpømø na Sipele, di ne gũdhũ na Silene. U anũ bhú gũdhũ na Atiokia. Abhomu-o ngauo, u atsia aholo nakpokpo Bádha Ngali gba Ngámá Yesu di pi ogandji okpála. <sup>21</sup> Angu gba Ngámá-a adũ bhú dabilí bini ne uo. Kaka-a, ogandji okpála bhelé abhuka, u atsia adji lio pi Ngámá.

<sup>22</sup> Omabhuka na Yelusalema adje engú ango-o. Abhomu-o, u atsia atima Balanabasi bhú Atiokia. <sup>23-24</sup> Balanabasi nani ne bádha kpála. Ani abedhe nani ne Bu Bhobua di ne nabhuka bedhe. Ani akolo oo, ani atsia au me Ebhe atuko bisagu

---

<sup>u</sup>11:19 Píta nabhølø Etieni-e, u adũ ato mbolo li omabhuka ane kalanga ndjikpa mane. Kaka-a, omabhuka bhelé atsia atsambala.

pí omabhuka. Abhomɛ-o, anɛ akpi djali, anɛ atsia ato masi bhú ndɛ uo hana me u ha lio pí Ngámá ne bua o bini. Abhomɛ-o, okpála bhelé atsia abhuka Ngámá.

<sup>25</sup> Pípita-a, Balanabasi anɛ nagili Saulo bhú gɛdhɛ na Talasi. <sup>26</sup> Li anɛ au anɛ lie, u atsia agie lio ne anɛ bhú gɛdhɛ na Atiokia. Ndɛ uo bhisi hana amene kalanga bini libhomu bhú ká omabhuka ango-o. U atsia adɛ asuno pí okpála bhelé. U agisila nani 'ili na omakilisito li omabhuka bhɛtsibhɛtsi na bini bhú gɛdhɛ na Atiokia.

<sup>27</sup> Li nedhinga bhomɛ-o, opolofeta koko ayie bhú gɛdhɛ na Yelusalema, u atsia ago bhú gɛdhɛ na Atiokia. <sup>28</sup> Abhomɛ-o, sɛka uo bini, a adɛ 'li anɛ me Agabusi ayie bhúlá. Anɛ akpokpo bhú angu gba Bu Bhobua me: «Adyindi na ngbéngbé alí píla doto libhomu.» (Atsia amene lie bhú nedhinga li Kolode adɛ lie 'ngbé ngámá-o.) <sup>29</sup> Omabhuka atsia apa me kpála ne kpála ha tia bhende li angu anɛ akólo lie, ngɛbula natitima me ateteke omabhuka inde bhú ndu doto na Yudaya ko. <sup>30</sup> Abhomɛ-o, u amene bhadi mo-o. U atsia atima tia ango-o pí obhelesi okpála bhú Yelusalema sa 'kpa Balanabasi ne uo ne Saulo.

## 12

### **Elode abhɛlɛ Djaki, anɛ atsia abhike Piele bhú tikpɛ**

<sup>1</sup> Bhú nedhinga bhomɛ-o, 'ngbé ngámá Elode Agilipa aholo amene okpála koko na Piga gba Ebhe-e sisiti. <sup>2</sup> Anɛ aha líli me u bhɛlɛ Djaki, ndai Djaa , ne mbotia. U atsia abhɛlɛ anɛ. <sup>3</sup> Li anɛ au lie me engú ango-o anga li omaYuda naali-e, anɛ atsia aha matá líli me u holo Piele. (A adɛ masikpe de nedhinga na anokomia na Pasika , di ne anokomia nazɛ mapa inde li levile nde bhú e ade ko.) <sup>4</sup> Li anɛ aholo Piele lie, anɛ abhike anɛ bhú tikpɛ. Abhomɛ-o, anɛ atsia a'o osɛdha badha badha bhú libi badha ngú nalila anɛ. Anɛ adɛ akɛnda nakodho 'ngú gba anɛ-e bhú ká djila ndɛ okpála hana píta anokomia na Pasika-o. <sup>5</sup> Li Piele adɛ lie bhú tikpɛ-o, okpála na Piga gba Ebhe-e adɛ ayo Ebhe ne bua o hana ngɛbula anɛ.

### **Piele akoto bhú tikpɛ maka ndjombe**

<sup>6</sup> Sukpe kala me Elode kodho 'ngú gba Piele, Piele adɛ ala sɛnda osɛdha bhisi.

A adu me u nde agbigbite ani ne ogbindjili bhisi. Omelila atsia adu alila obhoti na tikpu-o. <sup>7</sup> Má gala kolo me-e, andjelu bini gba Ngámá-a akoto. Zi djua aha bili bhú tina 'ti ang-o hana. Andjelu-o adula Piele li kala e, ani azuku ani. Ani atsia apa pi ani me: «Yie bhúlá má gala!» Abhomu-o, ogbindjili-e abhulu bhú 'kpa ani, atsia abala kuto.

<sup>8</sup> Pipita-a, andjelu-o apa pi ani me: «Gbite 'kpú ludu mu, mu toto la di maloko gba mu-o bhú 'dhu mu.» Piele amene bhadi moko. Andjelu-o atsia apa matá pi ani me: «To koti gba mu-o, amba mu kpata ma.» <sup>9</sup> Piele aholo nakpata andjelu-o, ani atsia akoto bhú tina 'ti inde ani adu bhú e ko. Ani du ambila de me engú inde li andjelu ngamene e-e, a ko kukulu 'ngú-o de. Ani adu abhundja naae me a ko ehe maka loto. <sup>10</sup> U ane libi osudha na bini inde adu nalila tikpu-o. Pipita-a, u ane libi osudha bhende na bhisi-o. U akolo li 'ngbé bhoti na kalase inde nakoto bhú gudhu-o. Bhoti ang-o a'u bha lie kala uo ne titi e, u atsia aze. U aholo 'nú, u akolo li kpadji bini. Má gala kolo me-e, andjelu-o angita li ani má pele!

<sup>11</sup> Abhomu-o, Piele ambila me engú inde amene lie-e, a ko kukulu 'ngú. Ani atsia apa me: «Mbia inde-e, ma ambila na paká me Ngámá atima andjelu gba e, ani atsia akobho ma sa 'kpa Elode di ne ndu osisiti 'ngú hana inde li omaYuda adu akanda namene e ngú ma ko.»

<sup>12</sup> Li imbilang gba Piele abhulu lie lie, ani atsia anu bhú 'ti gba Malia , 'hi Dja , kpála u agisila 'li e me Maloko-o. Oo, okpála bhelé apokobho nani bhúla o, u atsia adu ayo Ebhe. <sup>13</sup> Piele abhi bhoti na ngbéngbé-o. Abhomu-o, saka kpála bini na kulu na eole adu oo, a adu 'li ani me Lode. Ani atsia ago ngú na'u bhoti-o. <sup>14</sup> Li ani ambila 'li Piele lie, ani tsia 'u bhoti-e de ka djali. Engú bini, ani agie lie ne holo abhú 'ti, ani atsia apa pi okpála inde adu bhú 'ti oo me: «Piele alu li bhoti akilidjo!»

<sup>15</sup> Okpála ang-o atsia agie pi ani me: «Mu ne bhulu pele!» Engú bini, ani azi bha kekele tété me a ko kukulu 'ngú. Abhomu-o, u atsia apa pi ani me: «A ko andjelu gba ani ko.» <sup>16</sup> La-a, Piele adu bha nabhi bhoti-o. U a'u lie, u au ani, u atsia angamba naali. <sup>17</sup> Abhomu-o, Piele amene 'kpa e pi uo me u ndjili nga má bulu! Ani atsia akpokpo pi uo maka li Ngámá agbe ani lie bhú tikpu-o. Ani atsia



apa matá me: «Yi kpokpo pí Djaki<sup>#</sup> di ne pí ondaise ní koko-o.» Pípita-a, aní akoto, aní atsia atapa lí bíli koko.

<sup>18</sup> Lí ekpí aseke lie, osudha inde adu alila tikpu-o, aholo nazi tolo naali suda o. Abhomu-o, u atsia adu ayi lío me: «A akolo lí Piele ne mangua 'ngú dho?»

<sup>19</sup> Elode atima okpála me u gíli aní. Engú bini, u u aní de. Aní ayiyi osudha inde adu alila aní-o. Abhomu-o, aní atsia aha líli me u bhili uo. Pípita-a, Elode ayie bhú Yudaya, aní atsia anu bhú gudhu na Sedjale. Oo, aní adu mbo ngubula nedhinga.

### 'Ngbé ngámá Elode Agilipa akpi

<sup>20</sup> La-a, Elode adu adje siti bua naali pí okpála na gudhu na Tile di ne Sidona. Okpála ang-o adje lío. Pípita-a, u atima okpála ngú nanu nagama 'ngú ne 'ngbé ngámá Elode. Okpála ang-o adje ngaiza lío ne Balasitusi, kpála natsia 'kpí lí oehe gba 'ngbé ngámá Elode-o. U adu nayo ka 'ngbé ngámá guo 'ngú , anga ndu ezu gba uo-o hana adu nayie bhú doto gba aní-o.

<sup>21</sup> Abhomu-o, Elode a'o 'kpí ngú nagama 'ngú pí uo. Lí 'kpí ang-o, aní adyi bongo na ngámá, aní atsia adu pí kiti na ngámá gba e-o. Aní atsia aholo agama 'ngú pí uo bhú ká djila ndu okpála hana. <sup>22</sup> Ndu okpála hana asula me: «A ngagama 'ngú inde mboye ebhe, a ko kpála-kuti de!» <sup>23</sup> Lí Elode adje lie mo-o, aní atsia aziba, aní dhogè Ebhe de. Bha lí nedhinga bhomu-o, andjelu bini gba Ngámá-a asu aní. Padhá de, anga aní dhogè Ebhe de. Obangili aholo nazu aní, aní atsia akpi.

<sup>24</sup> Lí nedhinga bhomu-o, eli gba Ebhe-e adu ayangba naali. <sup>25</sup> Lí Balanabasi ne Saulo andjia kulu gba o-o lie bhú gudhu na Yelusalema-a, u atsia agie lío bhú Atiokia bhú dabilí bini ne Djaa inde u agisila 'lí e me Maloko-o.

## 13

---

<sup>#12:17 Djaki:</sup> A ko Djaki bhende ndai Yesu, nani akolo bhele kpála na Piga gba Ebhe na Yelusalema ko. Tsia bhú Kul. 15:13.

## U alo Balanabasi ne Saulo ngú kulu

<sup>1</sup> Opolofeta di ne omusuno inde adu nani bhú Piga gba Ebhe na Atiokia, a ko nani Balanabasi, Simeo (inde u a'i e me Negele<sup>v</sup>), Lukiusi (kpála na Silene), Manaene inde abhele bhú dabili bini ne ngámá Elode Atipasi, di ne Saulo. <sup>2</sup> Ekprí bini, nedhinga u adu nayo Ebhe lie di ne natse 'zɛ-o, Bu Bhobua atsia apa pi uo me: «Yi 'o Balanabasi ne Saulo mɛma kpi ngɛbula namene kulu inde ma a'i uo ngú e ko.» <sup>3</sup> Abhomɛ-o, pita natse 'zɛ di ne nayo Ebhe-e, u a'o 'kpa o pí 'ndji uo, u atsia aha kpadji pi uo me u nɛnɛ.

## Balanabasi ne Saulo anu bhú Sipele

<sup>4</sup> Li Bu Bhobua atima uo lie, u atsia anu bhú gɛdhɛ na Selusia. Oo, u a'u bhú 'ngbé zabɛ, u atsia atapa bhú Sipele. <sup>5</sup> U akolo lie bhú Salamine-e, u aholo nakpokpo eli gba Ebhe-e bhú oeti nadjɛ líli gba omaYuda-o . Djaa Maloko adu bhú dabili bini ne uo ngú nateteke uo. <sup>6</sup> U agulu kpɛmɛ-o hana, u atsia akolo bhú Pafosi. Oo, u abhaka maYuda bini, bhɛlɛ mambengɛ inde adu 'li e me Bale-Yesu. Ani adu apa me ni ne polofeta. <sup>7</sup> Ani adu nadɛ agba Selugio Polo, kpála na imbilangɛ, inde adu ngámá na ndu doto ang-o. Ngámá ang-o a'i Balanabasi ne Saulo, anga ani akɛnda nani nadjɛ 'li Ebhe. <sup>8</sup> Engú bini, bhɛlɛ mambengɛ Elimasi (anga 'li bhomɛ-o akɛnda napa bhú eli gba oGiliki moko) ayala. Ani adu agili me ni yoko ngámá na ndu doto ang-o me ani abhúka de.

<sup>9</sup> Abhomɛ-o, Saulo, inde li 'li e adu di me Polo-o,<sup>w</sup> abedhe ne Bu Bhobua, ani atsia ani ne kpéke djila. <sup>10</sup> Ani atsia apa me: «Ngamɛ siti kpála na kali inde ngapite okpála, ndili gba Djabɛlɛ, kpála nayala ndu 'ngú na babadha hana, mɛ 'ó nasiti okpadji na ngbingbili gba ngámá-a di! <sup>11</sup> Tsitsia, mbia inde-e, Ebhe asú mɛ. Djila mɛ aní. La di-e, mɛ ú matá zindjila de ngɛbula mbo oekprí.» Kolo me-e,

---

<sup>v</sup>13:1 *Negele*: U aye bhú obhuku koko me «Bibili.»

<sup>w</sup>13:9 *Polo*: 'Hi na Saulo bhú eli gba omaYuda, bhende na Polo bhú eli gba oGiliki. U agisila nani 'li na Polo li ani nedhinga inde ani abhɛ ka nakpokpo Bádha Ngali gba Yesu Kilisito lie pi oGiliki ko.

ndindi ani djila Elímasi. Biti atsia abuku ani hana, ani adu abubudha bili de e ngbalina nagili me kpála holo 'kpa ni ngú nateteke ni. <sup>12</sup> Li ngámá na ndu doto au engú akodho 'kpí-e lie me-e, ani atsia abhuka di ne nangamba naali ka nasuno inde u asuno e ne 'li Ngámá ko.

### **Polo ne Balanabasi bhú Atiokia inde abhú Pisidia**

<sup>13</sup> Polo di ne okpála inde adu adhuku bhú dabili bini ne ani-e, ayie bhú Pafosi ngú nanu bhú Peledje bhú ndu doto na Pamifilia. Engú bini, Djaa Maloko a'o ká uo oo, ani atsia agie lie abhú Yelusalema. <sup>14</sup> Ngauo-o, u akpata bha kpadji gba o-o. U ayie bhú Peledje, u atsia akolo bhú Atiokia inde bhú Pisidia ko. Bhú 'kpí nago gba omaYuda-a, Polo ngauo ne Balanabasi ali bhú 'ti nadje líli gba Moidje, u atsia adulu kuto. <sup>15</sup> Pita natanga líli di ne obhuku gba opolofeta-a, ongámási na eti nadje líli-e atsia atima eli pi uo me: «Ondaise ya, i du me yi nde ne engú ngú nateteke okpála ne di-e, yi de pa!»

<sup>16</sup> Polo ayie bhúlá, ani amene 'kpa e pi okpála, ani atsia apa me: «Ngayi okpála na Isalaele di ne yi okpála inde ngakpe Ebhe-e,<sup>y</sup> yi dje nga ma! <sup>17</sup> Ebhe gba okpála inde omaIsalaele, abhu nani onguo ogbi ní. Ani abe ndu uo bhú nedhinga u adu lie bhú bali bhú Edjipeto-o. Pipita-a, ne angu gba e-e, ani atsia agbe uo bhú doto na Edjipeto. <sup>18</sup> Ani akibila uo bhú mili bili ngubula kalanga masikpe de ndjikpa badha. <sup>19</sup> Pipita-a, ani abhili opiga mananika bhú doto na Kanana. Ani atsia aha doto gba uo-o pi onguo ogbi ní <sup>20</sup> ngubula kalanga masikpe de kámá badha ne ndjikpa bhuluvue.

Pipita-a, ani aha okpála nakodho mangimbo pi uo akolo bhú nedhinga gba polofeta Samuele. <sup>21</sup> Pipita-a, u ayo me o okunda 'ngbé ngámá. Abhomu-o, Ebhe atsia aha Saulo pi uo, ndili gba Kisi, bhú piga gba Bendjamé. Ani au nani pi 'ndji uo ngubula kalanga ndjikpa badha. <sup>22</sup> Pita li Ebhe ayala Saulo lie, ani atsia agbe 'ngbé ngámá Davidi pi uo. Ani atsia apa li 'ngú gba ani-e me: «Ma au Davidi, ndili gba Yese. A ko kpála na babadha bhú djila ma. Ani améne ndu 'ngú

---

<sup>y</sup>13:16 *Okpála inde ngakpe Ebhe*: A ko ogandji okpála inde abhuka Ebhe gba omaYuda ko.

hana maka ma akunda lie.<sup>†</sup> <sup>23</sup> Bhú piga gba Davidi-e, Ebhe agbe pi omaIsalaele Múkobho Yesu maka ani apa nani lie kalanu ko. <sup>24</sup> Kala nago ka ani-e, Djaa akpokpo Bádha Ngali pi ndu okpála na Isalaele hana. Ani adu ayo ka uo me u dji bua o, amba u sia batisimo. <sup>25</sup> Li Djaa akolo lie li 'so kulu gba e, ani adu apa me: <Yi ngabhundja me ma ne da? Ma ne kpála inde yi ngadjeke e ade! Engú bini, yi djedje, a ngago pita ma ne kpála. Ma ne tetele kpála ade ngubula me ma gbe malokè<sup>z</sup> bhú 'dhu ani.>

<sup>26</sup> Ondaise ma, ngayi okpála na piga gba Abalahama di ne yi okpála inde si-e, inde ngakpe Ebhe-e, Ebhe atima nani ngali na múkobho inde-e pi ní. <sup>27</sup> A na paká me okpála na Yelusalema di ne ongámási gba o-o mbila nani Yesu de. Bhú oekpí nago gba omaYuda bini ne bini hana-a, u adu atanga obhuku gba opolofeta. La-a, u du ambimbila de. Engú bini u akodho 'ngú gba Yesu lie me u bhelo ani-e, u amene bhomu-o engú inde li opolofeta apa e ko. <sup>28</sup> Belegu u u nani engú bini inde u ti da nabhelo Yesu ka e lie de-e, u ayo ka Pilato me u bhelo ani. <sup>29</sup> Pita u amene ndu 'ngú hana maka li 'li Ebhe apa lie li 'ngú gba ani-e, u a'e ani li kulusi, u atsia anu ato ani bhú lata.

<sup>30</sup> Engú bini, Ebhe atsia azuku ani bhú ká okpála inde amu-o. <sup>31</sup> Yesu asuno lie pi okpála inde adu adholo ne ani bhú dabili bini nayie bhú Galilaya akólo bhú Yelusalema ngubula 'kpí bhelé. Mbia inde-e, okpála ango-o ngakpokpo 'ngú gba ani-e pi okpála na Isalaele ngao. <sup>32</sup> Ngaya makpe-e, ya ago ngú nakpokpo Bádha Ngali inde-e pi yi, Bádha Ngali inde li Ebhe apa nani kalanu me ni apa e pi onguo ogbi ní-o. <sup>33</sup> Ani amene mbia inde-e pi ní ongisi gba uo-o, li kpadji nazuku Yesu bhú ká okpála inde amu, maka u aye nani lie bhú Etsi na bhisi gba omaYuda-a me:

<Mu ne ndili gba ma na bhobhoko,

---

<sup>†</sup>13:22 Tsia bhú 1 Sam. 8:5, 19, 10:21, 13:14, 16:12.

<sup>z</sup>13:25 *Nagbe malokè*: Nani agba omaYuda-a, kulu nagbe malokè bhú 'dhu ogomago ne navlu 'dhu uo-o, a ko nani kulu ka obalise di ne okpála na padhá.

Ma azu m̄ naki ngama makpe.†

<sup>34</sup> Ebhe apa nani me ni azúku Yesu bhú ká okpála inde amu-o mazuku, ngubula me ani akpí matá-a de. A ko engú inde ani apa nani e me:

⟨Ma ahá obisagu na bububu inde di na k̄k̄l̄l̄-o p̄i m̄,  
inde ma apana nani e p̄i Davidi ko.†⟩

<sup>35</sup> Kaka-a, ani apa matá li bili koko me:

⟨M̄ 'ó de me kpála na ngbingbili gba m̄-o zi bhú lata-a de.†⟩

<sup>36</sup> Padhá de, anga Davidi bhú nedhinga gba e, amene líli gba Ebhe-e hana. Pípita-a, ani akpi, u azi ani de onguo ogbi e, ani atsia azi. <sup>37</sup> Engú bini, kpála inde li Ebhe azuku e, ani zí naae de. <sup>38-39</sup> Ondaise ma, yi mbila ndjindji me u apa p̄i yi me u a'e osisiti 'ngú gba yi-e ka Yesu. Yi ti da nakobho ka namene líli gba Moidje-e de. Engú bini yi akóbho bha me yi nde abhuka Yesu. <sup>40</sup> 'E-e! Yi lila liyi uu me engú inde li opolofeta apa e akólo li yi de, engú inde me:

<sup>41</sup> ⟨Yi tsitsia nga, ngayi okpála na 'ngbé 'ndji, yi ngamba naali, amba yi  
ngingita má pele pele!

Padhá de, anga bhú nedhinga gba yi-e, ma améne engú bini inde  
yi ti da naziba e de,

abana i d̄ me kpála bini nde apa nani engú ango-o p̄i yi kalan̄.†⟩⟩

<sup>42</sup> Li Polo ne uo ne Balanabasi akoto lie bhú 'ti nadjé líli-e, u atsia ayo ka uo me u go bhú 'kpí nago na sidi, amba u kpokpo matá engú bini bhom̄-o. <sup>43</sup> U atsambala lie bhú bula-a, bhelé na omaYuda ne ogandji okpála inde ad̄ akpe Ebhe-e, akpata Polo ne uo ne Balanabasi. Abhom̄-o, Polo ne uo ne Balanabasi, bhú nagama 'ngú gba o ne uo-o, u ato masi bhú uo me u holo lío li bádha bhú 'bu gba Ebhe-e kpekpeke.

<sup>44</sup> Ekpí nago na sidi-e, masikpe de nd̄ okpála na ḡdh̄ hana apo bhúla o ngú

---

†13:33 Tsia bh̄ Ets. 2:7

†13:34 Tsia bhú Isa. 55:3.

†13:35 Tsia bhú Ets. 16:10.

†13:41 Tsia bhú Abk. 1:5.

nadje 'li Ebhe. <sup>45</sup> Li omaYuda au bhiti okpála ango-o lie, u asia siti bua , u atsia adu asobho Polo ka eli inde ani adu apa e ko. <sup>46</sup> La-a, Polo ne uo ne Balanabasi du nani nagama 'ngú pi uo ne tsulu de. U adu apa me: «A ayo nani me ya kpo ngaiza nakpokpo eli gba Ebhe-e kalanu pi yi. Engú bini, maka yi ayala lie, yi au la di me yi ti da nasia mukobho na duduma de. Kaka mbia inde-e, ya anu ibili agba ogandji okpála. <sup>47</sup> Padhá de, anga líli inde ya asia e ka Ngámá-a ngae inde:

«Ma a'lo mu eke pi opiga,  
ngubula me mu gapa ngali na mukobho  
akólo bha bini ali 'dje doto!†»»

<sup>48</sup> Li ogandji okpála adje lie mo-o, u akpi djali, u atsia aholo nadhege 'li Ngámá. Ndu okpála hana li Ebhe alo o ngú nasia mukobho na duduma atsia abhuka.

<sup>49</sup> Abhomu-o, 'li Ngámá atsia adhuku bhú ndu doto ango-o libhomu. <sup>50</sup> Engú bini, omaYuda ato 'ngú bhú 'ndji olisi na tia inde adu adhege Ebhe di ne obhelesi okpála na kuti-o. Abhomu-o, u aholo amene Polo ne uo ne Balanabasi sisiti, u atsia agbe uo bhú doto gba o-o. <sup>51</sup> Abhomu-o, okpála bhisi ango-o apulu doto na kuti gba uo inde adhedhe li 'dhu o, ngubula nasuno pi uo me u amene siti 'ngú. U atsia agbida bhú Ikoniomu. <sup>52</sup> Engú bini, pi omukpata-a, u abedhe ne djali di ne Bu Bhobua bedhe.

## 14

### Polo ne Balanabasi bhú Ikoniomu

<sup>1</sup> Bhú Ikoniomu-o, a amene bhadi lie moko. Polo ne uo ne Balanabasi ali bhú 'ti nadje líli gba omaYuda . OmaYuda bhelé di ne okpála inde ne omaYuda ade-e, akolo omabhuka ka engú inde u agama e ko. <sup>2</sup> Engú bini, omaYuda bhende i bhuka nani de-e, a ato bhú ogandji okpála mabhundja na sisiti pindji ondaise ní, omabhuka. <sup>3</sup> La-a, Polo ne uo ne Balanabasi abhue mbo nani bhú Ikoniomu naali. U du agama 'ngú ne tsulu de anga u adu ne nabhuka bhú Ngámá, inde adu asuno

---

†13:47 Tsia bhú Isa. 49:6.

me eli inde u adu akpokpo e pindji bádha bhú 'bu gba ni-e, adu kúkulu 'ngú. Padhá de, anga ani adu aha angu pi uo ngú namene okiaka 'ngú di ne ongú na ngangamba. <sup>4</sup> Kaka-a, okpála na gudhu ang-o atsia agbo bhusu o: okoko adu pi omaYuda, okoko atsia adu pi obhulu titima gba Yesu .

<sup>5</sup> Abhomu-o, omaYuda di ne ogandji okpála bhú dabili bini ne ongamási gba o-o, atsia aleke lio ngú namene Polo ne Balanabasi sisiti, ngú nabhili uo ne teme. <sup>6</sup> Li okpála bhisi bhomu-o ambila 'ngú ang-o lie, u atsia akpe agbida bhú ogudhu na Lisitele ne Delebe, la di ne bhú okuti na ngongo, bhú ndu doto na Likaonia. <sup>7</sup> Oo di-e, u aholo akpokpo Bádha Ngali pi okpála.

### **Polo ne Balanabasi bhú Lisitele**

<sup>8</sup> Bhú Lisitele-e, kpála inde li eze adu li 'dhu e adu oo. Ani dhuku de nayie maka nani u azu ani lie-o. <sup>9</sup> Ani adu adje engú inde li Polo adu apa e ko. Polo atsia ani ne kpéke djila. Ani au me kpála ang-o abhuka me ni ti da nasia mukobho.

<sup>10</sup> Abhomu-o, Polo atsia apa pi ani ne kpéke 'li me: «Yie bhúla, lu ngbingbili!» Kpála ang-o ayie bhúla, ani a'ulu aké má kprii! Ani atsia aholo nadhuku. <sup>11</sup> Li okpála bhelé au engú li Polo amene e lie, u asula bhú eli na kuti gba okpála na ndu doto na Likaonia me: «Oebhe akolo maka okpála-kuti, u atsia ago gba ní!»

<sup>12</sup> U a'o 'ili li Balanabasi me Djeusi,<sup>a</sup> u atsia a'o 'li Polo me Elemesi, anga ani adu agama 'ngú-o ngae. <sup>13</sup> Dimandé gba ebhe Djeusi, inde li 'ti ebhe gba e adu li 'bhe gudhu-o, ago ne obagala na obhosibhosi li 'bhe bhoti na gudhu-o. Ani aha di 'i felele, bhú dabili bini ne okpála na kuti-o, ani atsia adu akunda me ni bhelé onu ang-o ngú nahaha pi Balanabasi ne uo ne Polo.

<sup>14</sup> Li obhulu titima gba Yesu adje engú bhomu-o lie, u asidha obongo li kate o má tsue tsue!<sup>b</sup> U anu ne holo bhú ká okpála ne nasusula me: <sup>15</sup> «Ondaise ya, yi ngamene bhomu-o ni? Ya bha ne okpála maka yi. Ya ago pi yi ne Bádha Ngali me yi 'o ká oebhe inde na padhá padhá bhomu-o, inde li mbinimbini nde bhú o

---

<sup>a</sup>14:12 *Djeusi*: Bhú mabhundja gba oGiliki-e, Djeusi nani ne ngamá gba oebhe na eu. Elemesi atsia adu bhulu titima gba uo ko.

<sup>b</sup>14:14 Li bili inde-e, nasidha bongo li kate akunda nasuno me nayala 'ngú.

ade ko. La di me yi ha liyi pi Ebhe na mukobho inde abho ekpi, abho doto, abho 'ngbe 'ngu ne ndu 'he inde bhubhu-o hana ko. <sup>16</sup> Bhu nedhinga gba okpala na kalanu-o, ani a'o me u kpata kpadji gba o makpe ko. <sup>17</sup> Engu bini, ani 'ili 'to e li napana lie ne namene babadha 'ngu pi uo de. Padha de, anga ani ngatima pi yi ebha di ne onguwa bhu nedhinga gba o-o. Ani ngaha ezu pi yi. Ani la di ngabedhe yi ne djali.» <sup>18</sup> Abana u adu apapa lie mo-o, da me u yoko bhiti okpala adu kpekpeke me u abhole onu pi o de ko.

<sup>19</sup> Li nedhinga bhomu-o, omaYuda inde ayie bhu Atiokia, bhu ndu doto na Pisidia, di ne bhu Ikoniomu, apite bhiti okpala bhomu-o me, u tutulu Polo ne teme ngu nabhole ani. U agbe ani ali ngo gudhu anga u adu abhundja me ani akpi. <sup>20</sup> Engu bini, li omabhuka ago asa lio lie denge ani-e, ani ayie bhula, ani atsia agie mata lie bhu gudhu. Li ekpi aseke lie, ngauo ne Balanabasi-e, u atsia atapa bhu Delebe.

### **Polo ne Balanabasi agie lio bhu Atiokia bhu ndu doto na Silia**

<sup>21</sup> Bhu gudhu na Delebe, u akpokpo Bada Ngali pi okpala, u atsia asia omukpata bhibhiti. Pipita-a, u agie lio bhu Lisitele, bhu Ikoniomu di ne bhu Atiokia bhu ndu doto na Pisidia. <sup>22</sup> U a'e tsulu li bua uo, u ato masi bhu uo me u lu kpekpeke bhu nabhuka. U adu apa pi uo me: «A ayo me ni dje likabhu naali ngu nali bhu kuti na Nau gba Ebhe ko.» <sup>23</sup> Bhu Dadjua gba Ebhe bini ne bini hana, u adu alo obhelesi okpala . Pita u atse ezu ngu nayo Ebhe lie, u atsia a'o uo sa 'kpa Ngama inde u abhuka e ko.

<sup>24</sup> U agulu Pisidia lie, u atsia akolo bhu Pamifilia. <sup>25</sup> Pita u akpokpo 'li Ebhe lie pi okpala bhu Peledje-e, u atsia anu bhu Atalia. <sup>26</sup> U ayie lie oo, u ali bhu zabu, u atsia anu bhu Atiokia. A bhomu-o bili inde u a'o nani uo lie me u sia bada bhu 'bu gba Ebhe ngubula kulu inde u amene e mbia inde-e ko.

<sup>27</sup> U akolo lie oo, u apo bhula okpala na Dadjua gba Ebhe-o. U atsia akpokpo pi uo ndu 'ngu hana inde li Ebhe amene e bhu dabili bini ne uo-o. U atsia akpokpo di pi uo maka li Ebhe abhulu kpadji pi ogandji okpala lie ngu nabhuka di ani Ebhe ko. <sup>28</sup> Polo ne Balanabasi asi nani mbo ekpi bhele bhu dabili bini ne



omukpata na Atiokia.

## 15

### Kpekebhe pindji nakodho gandja

<sup>1</sup> Okpála koko inde ayie bhú Yudaya-a, akolo bhú Atiokia. U adu asuno pi omabhuka me: «Yi ti da nasia mukobho de, i du me u nde kodho yi bhú gandja maka li líli gba Moidje apa lie de ko.» <sup>2</sup> Abhomu-o, Polo ne Balanabasi agbe bhayiki, u atsia aholo amene kpekebhe ne uo naali pindji engú angu-o. U atsia adje lio me Polo ne Balanabasi, la di ne okpála koko na Atiokia, nu bhú Yelusalema, amba u kpokpo 'ngú pindji 'ngú angu-o bhú dabili bini ne obhulu titima gba Yesu di ne obhelesi okpála .

<sup>3</sup> Abhomu-o, ndu okpála hana na Dadjua gba Ebhe atsia anu a'lo uo li kpadji. U apu bhú ndu doto na Fenisia di ne bhú Samalia. U adu akpokpo maka li ogandji okpála akolo omakilisito lie ko. Ngali angu-o aha djali naali pi ndu omabhuka hana. <sup>4</sup> U akolo lie abhu Yelusalema-a, ndu okpála hana na Dadjua gba Ebhe, ne obhulu titima gba Yesu di ne obhelesi okpála-a, atsia asia uo. U atsia akpokpo pi uo ndu 'ngú hana inde li Ebhe amene e bhú dabili bini ne uo-o. <sup>5</sup> Engú bini, okpála bini bini bhú ká omuFalisai , obhende akolo omabhuka-a, ayie bhúlá, u atsia apa me: «A ayo me omabhuka inde ne omaYuda de-e, u to uo bhú gandja, amba u pa pi uo me u mene líli gba Moidje ko.»

<sup>6</sup> Abhomu-o, obhulu titima gba Yesu di ne obhelesi okpála apo bhúla o ngú natsia 'kpí li engú angu-o. <sup>7</sup> Pita u amene kpekebhe lie naali-e, Piele ayie bhúlá, ani atsia apa me: «Ondaise ma, yi mbila hana me Ebhe abhu nani ma bhú ká yi bhutode ngubula me ma akpokpo Bádha Ngali pi okpála inde ne omaYuda ade ko. U dje, amba u bhuka di Ngali angu-o. <sup>8</sup> La di-e, Ebhe inde ambila bua okpála-a, asuno me ni aziba uo anga ani aha Bu Bhobua pi uo maka ani aha nani di lie pi ní ko. <sup>9</sup> Ani gbo bhusu ní ne uo de. Ani avulu bua uo anga u abhuka. <sup>10</sup> Mbia inde-e, ka ni yi ngale Ebhe lie ne na'lo tili 'ngú pí omabhuka? Engú inde li onguo ogbi ní, abana nganí makpe, ní ti nani da nabi e de-e! <sup>11</sup> A mo-o ade! Engú bini, ní abhuka

mangbo me ní akobho maka uo ka bádha bhú 'bu gba Ngámá Yesu.»

<sup>12</sup> Abhomu-o, ndu okpála hana andjili má bulu! U atsia adu adje engú inde li Balanabasi ne Polo adu akpokpo e ko. U adu adje okiaka 'ngú di ne ongú na ngangamba inde li Ebhe amene e bhú dabili bini ne uo bhú ká ogandji okpála ko.

<sup>13</sup> U andjia nagama 'ngú lie, Djaki atsia apa me: «Ondaise ma, yi dje nga ma!

<sup>14</sup> Simo akpokpo maka li Ebhe amene nani lie nayie li lilita pi okpála inde naao ne omaYuda ade-e, maka ani alo piga bini lie bhú ká uo ngú nakolo piga gba e-o.†

<sup>15</sup> La di-e, engú inde li opolofeta apa e aviti bini ne di, anga u aye bhú Bhuku gba Ebhe-e me:

<sup>16</sup> «Pita bhobhomu-o, ma agó matá, Ngámá apa moko,  
ngú nayiki eti gba Davidi inde atuko-o.

Ma aléke obili bhende asisiti-e,  
ma atsia líli ngbingbili.

<sup>17</sup> Ndu okpála koko hana aglí ma, Ngámá,  
bhú dabili bini ne ndu okpála hana inde nani ma alo o-o.

<sup>18</sup> A bhomu-o eli inde li Ngámá apa nani e ko.

Ngaani inde i ngamene engú inde ani apa nani e didili-o.†»

<sup>19</sup> Djaki atsia apa matá me: «Kaka-a, ma abhundja me, a ayo nani kpadji pi ogandji okpála inde ngabhuka Ebhe-e de. <sup>20</sup> Engú bini, ní ye mangbo balua pi uo amba ní yo ka uo me, u 'o nazu so 'nu inde u abhelo e pi oebhe na padhá padhá-a ma'o. U 'o nakanda olisi di ne obhosi ngangá ma'o. U 'o di nazu so 'nu inde akpi ne ngute bhú e hana, amba u 'o di nazu ngute ma'o.† <sup>21</sup> Padhá de, anga nani bhutode, bhú ogudhu bini ne bini hana, okpála ngasuno líli gba Moidje. U la di ngatatanga bhú oti nadje líli-e ndu 'kpi nago hana.»

### **Balua pi omabhuka inde naao ne omaYuda ade**

<sup>22</sup> Abhomu-o, obhulu titima gba Yesu ne obhelesi okpála, bhú dabili bini ne ndu

---

†15:14 Tsia bhú Kul. 10:34-48.

†15:16-18 Tsia bhú Ams. 9:11-12.

†15:20 Tsia bhú Eki. 34:15-16, di ne bhú Lev. 18:6-20, 17:10-14.

okpála na Dadjua gba Ebhe hana, atsia aziba me u gbe okpála koko bhú ká o. U tima uo bhú Atiokia bhú dabilí bini ne Polo ne Balanabasi. U atsia alo Djude inde u a'í e me Balasabasi, di ne Sila, okpála bhisi inde lí ndu okpála koko hana adu amanga o ko. <sup>23</sup> Balua u atima uo ne e, a ngae inde:

«Obhulu titima gba Yesu di ne obhelesi okpála na Dadjua gba Ebhe, ondaise yi-e, u apa me o yi ondaise o inde naao ne omaYuda ade inde ngadulu bhú Atiokia, bhú Silia di ne bhú Silisia mayi. <sup>24</sup> Ya adje me okpála koko inde ayie bhú ká ya ei-e, ato kpekebhe bhú ká yi ne 'li o, u atsia angbingi bua yi. Engu bini, yi mbila ndjindji me ya tima uo ngaya de.

<sup>25</sup> Kaka-a, ya adje liya ne bua bini me ya alo okpála, amba ya tima uo gba yi oo. U anu bhú dabilí bini ne ondaise ya na mukunda, Balanabasi ne Polo.

<sup>26</sup> Okpála inde aha lio libhomu ngubula kulu gba Ngamá gba ní Yesu Kilisito ko.

<sup>27</sup> Kaka-a, ya atima pi yi Djude ne uo ne Sila, u akpokpo ndu 'ngu hana inde ya aye e si-e pi yi ndjindji. <sup>28</sup> Padhá de, anga Bu Bhobua di ne ya makpe-e, ya abhundja me, a ayo na'o tili 'ngu koko pi yi de, bha bini bhende a ayo me yi mene e ko: <sup>29</sup> yi azu so 'nu inde u abhelo e pi oebhe na eu-o de. Yi azu ngate de. Yi azu so 'nu inde akpi ne ngate bhú e hana-a de. Yi adu akunda olisi di ne obhosi ngangá de. I du me yi nde alila liyi makpe ne ndu 'ngu bhomu-o hana-a, bhobhomu-o du ndjindji. Yi du ndjindji.»

<sup>30</sup> Abhomu-o, u aha kpadji pi uo, u atsia agbida bhú Atiokia. Oo, u apo bhula omabhuka hana, u atsia aha balua pi uo. <sup>31</sup> U atanga balua-o. Ndu uo hana akpi djali naali ka masi inde li balua ango-o ato e bhú uo ko. <sup>32</sup> La-a, li Yuda ne Sila adu di lie ngao makpe opolofeta-a, u agama 'ngu pi omabhuka ngengele ngubula nato masi bhú uo, di ne naha angu pi uo. <sup>33</sup> Mbo pita 'kpi bedi-e, omabhuka atsia a'o uo me u gie lio ne guo 'ngu agba okpála inde atima uo ko. [ <sup>34</sup>d ] <sup>35</sup> Abhomu-o, Polo ne Balanabasi atigala bhú Atiokia. U atsia adu asuno di ne nakpokpo Bádha

---

<sup>d</sup>15:34 Lukuluku inde-e, a bhú obhuku koko na didili u aye e bhú eli na giliki ade. [Engu bini, Sila atsia au ndjindji me ni tigala ne ani oo.]

Ngali gba Ngámá-a bhú dabilí bini, di ne okpála koko bhelé.

### **Polo ne Balanabasi agbo bhúsu o**

<sup>36</sup> Píta mbo 'kpí masudha, Polo apa pí Balanabasi me: «Ní gie liní bhú ndu okuti hana inde ní akpokpo nako eli gba Ngámá-a bhú e-o, amba ní mbila maka lí omabhuka nde lie oo ko.» <sup>37</sup> Balanabasi adu akunda me o nu bhú dabilí bini ne Djaa inde u agisila 'lí e me Maloko-o. <sup>38</sup> Engú bini, Polo tsia ziba naha aní de, anga aní a'o nani ká uo bhú Pamifilia. Aní tsia du di matá namene kulu ne uo bhú dabilí bini de. <sup>39</sup> U amene kpekebhe sunda o naali. Kaka-a, u atsia agbogbo bhúsu o. Abhomu-o, Balanabasi aha Maloko, u a'u bhú zabu, u atsia agbida bhú Sipele. <sup>40</sup> Píta lí omabhuka ayo lie me Polo sia bádha bhú 'bu gba Ebhe-e , aní aha Sila, aní atsia atapa. <sup>41</sup> Aní apu bhú ndu doto na Silia di ne Silisia. Aní atsia adu nateteke omabhuka na oDadjua gba Ebhe-o.

## **16**

### **Timoté anu bhú dabilí bini ne Polo di ne Sila**

<sup>1</sup> Abhomu-o, Polo akolo bhú Delebe, pípita-a, bhú Lisitele. Mukpata bini adu nani oo, a adu 'lí aní me Timoté. 'Hi aní adu ne maYuda inde abhuka Ebhe. Engú bini, 'dyi aní nani naae ne Giliki. <sup>2</sup> Omabhuka na Lisitele di ne Ikoniomu adu apa 'ngú gba aní-e ndjindji naali. <sup>3</sup> Polo adu akunda me ni ha aní ngú nadhuku bhú dabilí bini ne aní. Aní aha aní, aní atsia ato aní bhú gandja. Aní amene nani mo-o ka omaYuda inde adu oo, anga ndu okpála hana adu ambila ndjindji me 'dyi Timoté nani ne Giliki.<sup>e</sup> <sup>4</sup> Bhú ndu ogudhu inde u adu apu bhú e hana-a, u adu akpokpo pí omabhuka lílí inde lí obhulu titima gba Yesu di ne obhelesi okpála na Yelusalema aha e-o. U atsia adu ayo ka uo me u mene lílí ango-o ko. <sup>5</sup> ODadjua gba Ebhe-e adu akolo kpekpeke bhú nabhuka . Alo gba omabhuka atsia adu abe ndu e ndu 'kpí hana.

---

<sup>e</sup>16:3 'Dyi Timoté nani ne maYuda ade. Kaka-a, Timoté lí nga nani bhú gandja kalanu de.

## **Polo apu bhú Adjia**

<sup>6</sup> La li Bu Bhobua ayoko uo lie me u akpokpo 'ngú gba Ebhe bhú ndu doto na Adjia de-e, u atsia apu bhú ndu doto na Filidjia di ne Galatia. <sup>7</sup> U akolo lie de ndu doto na Misia-a, u adu ale nanu bhú Bitinia. Engú bini, Bua gba Yesu atsia ayoko uo. <sup>8</sup> Abhomu-o, u agulu Misia, u atsia aké bhú gudu na Tuluasi. <sup>9</sup> A akolo lie sukpe-e, Polo au engú maka loto: kpála bini na Makedonia alu kala ani. Ani atsia adu akikiliki lie pi ani me: «Kodho 'ngbé 'ngu-o, nu bhú Makedonia, amba mu teteke ya!» <sup>10</sup> Pita engú inde li Polo au e, ya agili bha kolo má gala me ya anu bhú Makedonia. Padhá de, anga ya ambila na paká me Ebhe a'i ya ngú nakpokpo Bádha Ngali pi okpála na kuti ango-o.

## **U akolo bhú gudu na Filipoi**

<sup>11</sup> Ya a'u bhú zabu bhú Tuluasi, ya anu ngbingbili bhú Sametalasi. Li ekpí aseke lie, ya atsia anu bhú Neapolisi. <sup>12</sup> Ya ayie lie oo, ya atsia akolo bhú gudu na Filipoi, gina kuti na ndu doto na Makedonia inde adu sa oLoma-o . Ya amene mbo ekpí bhelé bhú gudu ango-o. <sup>13</sup> Bhú 'kpí nago gba omaYuda-a , ya akoto bhú gudu ngú nanu ali ngo 'ngu. Padhá de, anga ya adu abhundja me dabili gba omaYuda ngú nayo Ebhe oo. Ya adulu kuto, ya atsia akpokpo 'ngú pi olisi inde apékèbhè bhúla o oo. <sup>14</sup> A adu 'li saka olisi ango-o me Lidia. Ani ayie nani bhú gudu na Tiatile. Ani adu nani atsindji ombembe obongo na mase naali. Ani adu nani adhege Ebhe. Maka ani adu adje ya lie, Ngámá atsia abhulu bua ani ngú nabhuka engú inde li Polo adu apa e-o. <sup>15</sup> Abhomu-o, ani atsia asia batisimo bhú dabili bini ne piga gba e-o. Pipita-a, ani atsia ayo ka ya me: «I du me yi nde au me ma abhuka Ebhe kuku-o, yi de go du gba ma.» Ani atsia agbite ya ne kpéke ngú naziziba.

## **U aholo Polo ne Sila**

<sup>16</sup> Ekpí bini, ya adu anu lie li bili nayo Ebhe-e, ndili na eole bini na kulu ago abhaka ya. Bua na madhoko adu bhú ani. Ani atsia adu asia tia pi omakulasi e naali. <sup>17</sup> Ngaya ne Polo-o, ani aholo akpata ya. Ani atsia adu asusula me: «Okpála

inde-e, a ko okpála na kulu gba Ebhe Apí 'Kpí! U ngasuno pi yi kpadji na makobho.»<sup>18</sup> Ani amene engú ang-o ngubula ekpí bhelé. Li engú ang-o andala Polo lie naali-e, ani adji lie, ani atsia apa pi bua ang-o me: «Ne 'li Yesu Kilisito, ma apa pi ma me: koto bhú ani!» Abhomu-o, bua na madhoko ang-o atsia akoto bha kolo bhú ani bhú nedhinga ang-o.<sup>19</sup> Li omakulasi ani au lie me o sía matá tia ka ani de-e, u aholo Polo ne Sila, u atsia agbele uo bhú mbadhasu kala okpála nakodho 'ngú.<sup>20</sup> U atsia anu ne uo kala ongámási na Loma, do uo de-e: «Okpála inde-e, a ko omaYuda. U ngato mbedhembedhe bhú gudhu gba ya-o.<sup>21</sup> U ngasuno ongú. La-a, líli gba ní okpála na Loma ziba nasia ongú ang-o ne namemene de.»<sup>22</sup> Abhomu-o, ndu okpála hana atsia abi di 'gú ne uo. Ongámási aha líli me u pandja bongo li kate uo, amba u bhi uo ne fimbo.<sup>23</sup> Pita u abhi uo lie ne fimbo naali-e, u atsia abhike uo bhú tikpu. U atsia aha líli pi mulila na tikpu-o me ani lila uo ndjindji.<sup>24</sup> Li mulila asia líli ang-o lie, ani ato uo bhú tina tikpu bhe na tatu-o. Ani atsia atoto 'dhu uo bhú kpokpe.

### **Polo ne Sila aze bhú tikpu**

<sup>25</sup> Masikpe de tutu sukpe-e, Polo ne Sila adu ayo Ebhe di ne nadhogu ani bhú etsi. Okpála koko na tikpu-o adu adje uo.<sup>26</sup> Má gala kolo me-e, doto adyiki ne adjigidjo na ngbéngbé má djigi djigi, masikpe de me tikpu-o tuko kuto! Ndu obhoti na tikpu-o hana akolo abhubhulu lie. Ogbindjili inde u agbigbite ndu okpála hana na tikpu-o ne e-e, atsia abhubhulu di lie.

<sup>27</sup> Li mulila agbungbua lie lie tila-a, ani au me ndu obhoti-e hana baba. Abhomu-o, ani agbe mbotia me ni ngabhelo lini ne di, anga ani adu abhundja me ndu okpála na tikpu-o hana akpekpe.<sup>28</sup> Engú bini, Polo atsia asula pi ani kpekpeke me: «Mo oméne limu sisiti de, anga ndu ya hana bha si!»<sup>29</sup> Abhomu-o, mulila-a ayo eke, ani ali kolo má gala abhú 'ti me ani nde ngaguku ka tsulu má kpi kpi kpi! Ani atsia ati bhú li 'dhu Polo ne Sila.<sup>30</sup> Pipita-a, ani apandja uo kilidjo. Ani atsia ayi uo me: «Odyi ma, a ayo me ma mene pi ngubula me ma kobho?»

<sup>31</sup> U atsia agie pi ani me: «Bhuka Ngámá Yesu, amba ma kobho, ngamu di ne

piga gba m̄-o hana.»<sup>32</sup> Abhom̄-o, u atsia akpokpo eli gba Ngámá Ebhe-e pi ani, di ne pi nd̄ okpála hana inde ad̄ bhú 'ti gba ani-o.<sup>33</sup> Bha sukpe bhom̄-o, m̄lila na tikp̄-o abha uo, ani atsia av̄l̄ oeka gba uo-o. P̄p̄ita-a, ani asia bha kolo batisimo má gala, bhú dabil̄i bini ne okpála gba e hana.<sup>34</sup> P̄p̄ita-a, ani an̄ ne uo agba e. Ani atsia aha ez̄ pi uo. Ngaani ne piga gba e-e, u akpi djali naali, anga u abhuka Ebhe.

<sup>35</sup> Li ekp̄í aseke lie, ongámási gba okpála na Loma atima okpála me u n̄ pa pi m̄lila na tikp̄-o me: «Pandja okpála bhom̄-o bhú tikp̄-o, amba m̄ 'o uo, u gbida.»<sup>36</sup> Abhom̄-o, m̄lila atsia ago apa pi Polo me: «Ongámási atima eli me ma apandja yi bhú tikp̄ papandja. Yi zeze, amba yi n̄ ne guo 'ngú .»<sup>37</sup> Do Polo pi okpála ang-o me: «Ya ne okpála na Loma! U aha líli me u bh̄i ya bhú ká djila okpála me u nde kpokpo 'ngú li 'ngú gba ya-a de. U abhike ya bhú tikp̄. La mbia inde-e, u ngak̄nda napandja ya bhú pepe? Beleḡ de bini, u go gbegbe bha ya ngao makpe!»<sup>38</sup> Okpála ang-o atsia an̄ apa eli ang-o pi ongámási na Loma. Li ongámási na Loma adje lie me Polo ne Sila a ko okpála na Loma-a, u atsia adje tsul̄.<sup>39</sup> Abhom̄-o, ongámási ago nakikiliki lío pi uo. U atsia ayo ka uo me u yie bhú kuti ang-o yiyie.<sup>40</sup> Li Polo ne Sila aze lie bhú tikp̄-o, u atsia an̄ agba Lidia. P̄ita u au omabhuka lie, u ato masi bhú uo, u atsia agbida.

## 17

### Polo ne Sila bhú ḡdh̄ na Tesalonike

<sup>1</sup> Li Polo ne Sila agulu ḡdh̄ na Afipolisi ne Apolonia lie, u atsia akolo bhú ḡdh̄ na Tesalonike. A bhom̄-o bil̄i inde li omaYuda ad̄ ne eti nadje líli gba Moidje lie ko.<sup>2</sup> Polo amene maka ani amemene lie-o. Ani ad̄ an̄ abhaka uo bhú 'ti nadje líli-e nḡbula poso bata bhú 'kp̄í naguo gba omaYuda-o . Ani atsia ad̄ amene kpekebh̄e ne uo p̄indj̄i Bhuku gba Ebhe-o .<sup>3</sup> Ani ad̄ abhulu tata pi uo mbámá, di ne nasuno pi uo me bhuku apa me a ayo me Kilisito z̄ líkabhu, amba ani zuku. Ani ad̄ apa pi uo me: «Yesu inde ma ngakpokpo 'ngú gba e pi yi-e, a ko Kilisito ngae.»<sup>4</sup> Okpála koko bhú ká uo abhuka, u atsia akpata Polo ne

Sila. OGiliki bhelé, inde adu adhogè Ebhe-e, amene bhadi moko bhú dabilì bini ne bhiti olisi inde adu ne tia naali-o.

<sup>5</sup> Engú bini, omaYuda abi 'gú naali. U abha okpála koko na sisiti inde adu adjakadha li okpadji, u apøkèbhè bhúla uo. U agbe tolo bhú ká okpála, u atsia ato mbedhembedhe bhú 'ndji okpála bhú gudhu. U anu nagili Polo ne Sila bhú 'ti gba Djasone ngabula me o gbe uo kala okpála na kuti bhomu-o. <sup>6</sup> U bhaka la uo lie de-e, u aha Djasone di ne omabhuka koko, u atsia anu ne uo kala ongámási. U aholo asusula me: «Okpála inde angbingi 'ndji okpála pía doto libhomu. Mbia inde-e, u akolo ibili si! <sup>7</sup> Djasone asia uo agba e! Ndu uo hana ngayala namene líli gba 'ngbé ngámá Kaisala . U ngapa me ngámá koko uu! A 'li ani me Yesu.» <sup>8</sup> Li bhiti okpála di ne ongámási na kuti angó-o adje eli angó-o lie, bua uo atsia ake. <sup>9</sup> Pita li Djasone di ne okpála koko akakala lio lie ka uo, u atsia atse 'kpa li uo.

### **Polo ne Sila bhú gudhu na Beloya**

<sup>10</sup> A akolo lie sukpe-e, omabhuka anu a'o bha kolo Polo ne Sila bhú Beloya má gala! U akolo lie oo, u atsia ali bhú 'ti nadge líli gba Moidje-o. <sup>11</sup> Okpála angó-o adu ne bádha bua nane okpála na Tesalonike. U asia eli gba Ebhe-e ne gugumu naali. Ndu 'kpí hana, u adu atsia 'kpí bhú Bhuku gba Ebhe ngú nambila me ongú angó-o, a ko 'ngú na paká. <sup>12</sup> Abhomu-o, okpála bhelé bhú ká uo atsia abhuka. Olisi na Giliki inde adu ne tia naali-e abhuka. Bhiti obhosi inde adu oo atsia abhuka di. <sup>13</sup> Engú bini, li omaYuda na Tesalonike adje lie me Polo ngakpokpo eli gba Ebhe-e di bhú Beloya-a, u atsia ago di oo. U ato mbedhembedhe bhú ká okpála bhomu-o, u atsia angbingi di 'ndji uo. <sup>14</sup> Abhomu-o, omabhuka anu bha kolo a'o Polo me ani nu ali ngo 'ngbé 'ngu. Engú bini, Sila ne Timoté atsia atigala naao abhú Beloya. <sup>15</sup> Obhende anu na'o Polo-o, u akolo ne ani bhú gudhu na Atene. Pipita-a, u adu agie lio lie, Polo atsia atima eli me Sila ne Timoté kpata ni má gala! U atsia agbida.

### **Polo akolo bhú gudhu na Atene**

<sup>16</sup> Bhú nedhinga li Polo adu adjeke Sila ne Timoté lie bhú Atene-e, ani au me gudhu angó-o abedhe ne oebhe na eu bedhe. Kaka-a, bua ani adu ne likabhu naali.



<sup>17</sup> Abhomu-o, ani adu amene kpekebhe ne omaYuda di ne okpala koko inde adu adhogo Ebhe bhú 'ti nadje líli gba Moidje-o. Ndu 'kpí hana, ani adu amene bhadi moko ne okpala inde ani adu aké lie ne o oo. <sup>18</sup> Okpala na imbilangu koko oEpikulo<sup>f</sup> ne oSatua<sup>g</sup> adu di agama 'ngú ne ani. Okoko adu ayi me: «Bhulu agele inde-e ngapa-e pí?» Li okpala koko adje Polo ngakpokpo 'ngú pindji Yesu di ne nazuku ka ani-e lie, u atsia adu apa me: «A amana mugito me ani ngasuno bhomu-o oebhe na gandji gandji.»

<sup>19</sup> Abhomu-o, u aholo ani, u anu ne ani kala okpala inde adu atsia 'kpí li 'ngú na gudhu na Atene-o. U adu a'i uo me Aliopadje.<sup>h</sup> U atsia apa pí ani me: «Ya ti da nambila engú na mbia inde mu ngasuno e uu? <sup>20</sup> Ya akunda nambila tata-o. Padhá de, anga mu ngandala 'dje ya ne ndu 'ngú na gandji gandji.» <sup>21</sup> (Ndu okpala na Atene hana di ne okpala na gandji gandji inde adu nadu oo, adu abhelo nedhinga gba o-o bha li nakpokpo 'ngú di ne nadje engú na mbia.)

<sup>22</sup> Abhomu-o, Polo ayie bhúla tu Aliopadje-o, ani atsia apa me: «Ngayi okpala na Atene, ma au me yi kpekpeke li engú gba oebhe ane ndu 'ngú hana. <sup>23</sup> Padhá de, anga ma adu aduku lie bhú gudhu gba yi-e, ma atsia okulu oebhe gba yi-o. Ma au belegu bili bini inde u ngatsulu enu lie pí Ebhe. U aye tété me: «PÍ EBHE INDE YA AMBILA E DE.» A moko, ma ago asuno pí yi ebhe inde yi ngadhogo e me yi nde mbila e de ko. <sup>24</sup> Ebhe inde abho doto di ne ndu 'he inde bhúbhú-o hana-a, a ko Ngamá na abhúla di ne Ngamá na doto. Ani dudu bhú oeti inde li okpala ayiki e ne 'kpa o-o de. <sup>25</sup> Ani ne gumu ade me okpala mene ehe pí ni-e de, anga

---

<sup>f</sup>17:18 *OEpikulo*: A ko nani omakpata gba Giliki bini inde adu 'li e me Epikulo. Ani adu asuno me engú na ngbéngbé bhú mukobho gba kpala, a ko nadu ndjindji, nadu ne likabhu de.

<sup>g</sup>17:18 *OSatua*: A ko nani omakpata gba Giliki bini inde adu 'li e me Djeno. U adu nani nau engú nadu bhú djali bhú djila o padhá. U atsia adu bha bini akpata 'ngú pindji imbilangu inde bhú kpala.

<sup>h</sup>17:19 *Aliopadje*: A adu nga nani kalanu 'li eta inde li okpala ango-o adu apekebhe bhúla o pí e-o.

ani ne gũmũ 'he bini ade. Ani ngaha mækobho, ewo di ne ndũ 'he koko pi ndũ okpála hana ngae. <sup>26</sup> Ani abho kpála bini inde li ndũ opiga hana aze bhú e-e ngae. Ani atsia abu uo pála doto libhomu. Ani agbo bhũsũ kalanga ne gbokokpi. Ani atsia akokodho okozie li bili inde ayo me u sili kati lie ko.

<sup>27</sup> Ebhe amene mo-o ngũbula me okpála gili ni amba u le nau ni, i dũ me u nde ti da nau ni uu ko. A na paká me Ebhe de ní bini ne bini tsutsu ade. <sup>28</sup> Padhá de, anga ani ngaha mækobho ne angu ngú namene ehe di ne maka ní nde lie pi ní ngae. La di maka li okpála koko na etsi gba yi-e apa lie me: «Ní di ne ongisi gba ani.» <sup>29</sup> La-a, ka ní nde lie ne ongisi gba Ebhe-e, a ayo nabhundja de me Ebhe maka ebhe na padhá u abho e li olo, li aladja di ne teme-e de. A ayo la di nabhundja de me Ebhe maka ebhe inde akoto li kulu di ne mabhundja gba kpála-a de.

<sup>30</sup> Nani-e, okpála dũ ambila Ebhe de. Ani tsia matá 'kpí li nedhinga ang-o de. Engú bini mbia inde-e, ani nga'i ndũ okpála hana ne ndũ bili hana me u dji bua o. <sup>31</sup> Padhá de, anga ani a'o ekpí bini inde ani akódho 'ngú gba okpála na doto libhomu lie ngbingbili ko. Ani abhũ kpála bini inde akódho 'ngú ang-o. Ani asuno engú ang-o pi ndũ okpála hana li nedhinga inde ani azuku kpála ang-o lie ko!»

<sup>32</sup> U adje Polo lie apa me okpála inde amu-o azúku mazuku-o, u aholo amũ ani. Okoko atsia apa me: «Ya adjé nga matá mũ pindji 'ngú ang-o li 'kpí koko.»

<sup>33</sup> Abhomũ-o, Polo atsia a'o ká uo. <sup>34</sup> Abana mo-o, okpála koko aziba ani, u atsia abhuka. Bhú ká uo adũ nani Denisi, sũka okpála na Aliopadje, ne ølø bini inde adũ 'li e me Damalisi di ne okpála koko.

## 18

### Polo akpo lita Dadjua na gũdhũ na Kolito

<sup>1</sup> Pipita-a, Polo ayie bhú gũdhũ na Atene, ani atsia atapa bhú gũdhũ na Kolito.

<sup>2</sup> Oo, ani abhaka maYuda bini, a adũ 'li ani me Akuila, kpála na ndu doto na Pote. Ngaani-e, ani ayie nani bhú Itali, bhú dabili bini ne wala e Pilisila, anga 'ngbé

ngámá Kolode aha nani líli me ndu omaYuda hana ze bhú Loma maze. Abhomu-o, Polo atsia anu nabhaka uo. <sup>3</sup> Ani adu la lie amene ngua kulu bini ne uo (u adu abho eti inde u a'i e me 'ti ngbangbali), ani adu nandu agba uo, u atsia adu amene kulu bhú dabili bini. <sup>4</sup> Polo adu nasuno eli gba Ebhe-e bhú ndu 'kpi nago gba omaYuda hana bhú eti naje líli gba Moidje-o . Ani atsia adu di namene ne kpeke me omaYuda di ne oGiliki ziba 'li ni.

<sup>5</sup> Li Sila ne uo ne Timote ayie lie bhú ndu doto na Makedonia, u atsia akolo bhú gudu na Kolito. Polo aha nedhinga gba e hana ngu nakpokpo Bádha Ngali gba Ebhe-e pi okpála. Ani adu asuno pi omaYuda me Yesu ne Masiya . <sup>6</sup> Engu bini, omaYuda adu ayayala, u atsia adu di nasobho Ebhe. Abhomu-o, ani apulu doto li bongo gba e, ani atsia apa pi uo me: «A ayo me ngute gba yi-e, tuko pi 'ndji yi. A ko matá naama 'ngu de. Nayie pi mbia inde-e, ma anu ibili agba ogandji okpála .» <sup>7</sup> Abhomu-o, Polo ayie oo, ani atsia anu agba kpála bini inde li 'li e adu me Tito Djusitusi. Kpála ango-o adu kpála nadhogu Ebhe. Kuti gba ani-e adu de eti naje líli gba Moidje-o. <sup>8</sup> Kilisipisi, ngámá na eti naje líli-e, abhuka Ebhe di ne piga gba e libhomu. Okpála bhelé na gudu na Kolito adje Polo lie, u abhuka, u atsia asia di batisimo.

<sup>9</sup> Ekpí bini sukpe-e, Ebhe apa pi Polo bhú ehe maka loto me: «Mo odje tsulu de. Engu bini, du bha nagama 'ngu, mo ondjili má bulu de. <sup>10</sup> Padhá de, anga ma bhú dabili bini ne mu. Kpála bini bú 'kpa e li mu ngu namene mu sisiti de, anga okpála gba ma bhú gudu inde-e bhelé.» <sup>11</sup> Abhomu-o, Polo asi bhú gudu na Kolito oo kalanga bini ne epe madhia. Ani adu asuno eli gba Ebhe-e pi ndu okpála hana.

### **OmaYuda asungula Polo pi ongámasi**

<sup>12</sup> Bhú nedhinga inde li okpála na Loma a'o Galio lie ngámá na ndu doto na Akai-e, omaYuda adje lio bhú dabili bini me o mene Polo sisiti. Abhomu-o, u atsia agbe ani kala okpála nakodho 'ngu. <sup>13</sup> Do uo de me: «Kpála inde ngagili nagbele okpála ngu nadhogu Ebhe li kpadi bhende li líli ziba e de.» <sup>14</sup> Li Polo di me gama 'ngu lie, Galio atsia apa pi omaYuda me: «Ngayi omaYuda-a, i du igini

me kpála inde-e bhélø kpála, ani méne di engú na sisiti naali-e, ma de adje yi ndjindji. <sup>15</sup> La-a, i nde lie me yi nde ngamene kpekebhe pindji oeli ne o'ili di ne líli gba yi makpe-e, atsia bha-a yi! Ma akúnda naama nakodho 'ngú lí ngua 'ngú bhómú-o de!» <sup>16</sup> Ani atsambala uo lí bíli nakodho 'ngú-o. <sup>17</sup> Abhomú-o, ndú uo hana aholo Sosekene, ngámá na eti nadjé líli gba Moidje, u atsia aholo nabhi ani bhú mbadhasú lí bíli nakodho 'ngú-o. Engú bini, Galio adú bha au 'ngú ango-o bhú djila e padhá.

### **Polo agie lie bhú gúdhú na Atiokia**

<sup>18</sup> Polo adú matá mbo ngengele bhú gúdhú na Kolito. Pipíta-a, ani a'o ká omabhuka , ani a'ú bhú zabú, ani atsia atapa bhú ndu doto na Silia bhú dabilí bini ne Pilisila di ne Akuila. Kala me ani 'ú bhú zabú-o, u aka ngaíza 'ndji ani bhú gúdhú na Sekele, anga ani asili nani ndjinga me ní aha líni pí Ebhe. <sup>19</sup> U akolo bhú gúdhú na Efeso. Oo, Polo a'o ká Pilisila ne Akuila. Ani alí bhú 'tí nadjé líli gba Moidje, ani atsia adú akpokpo 'ngú ne omaYuda.

<sup>20</sup> La-a, u ayo ka ani lie me o dú nga matá mbo ne ani ngengele-e, ani atsia ayala. <sup>21</sup> Engú bini, nedhinga inde ani adú a'e ne enú lie, ani atsia apa me: «Í dú me Ebhe nde akúnda-a, ma agó matá agba yi mago.» Ani a'ú bhú zabú. Ani ayie bhú gúdhú na Efeso, <sup>22</sup> ani atsia atapa bhú gúdhú na Sedjale. Oo, ani a'ú bhú gúdhú na Yelusalema ngú nabhana lie pí omabhuka. Pipíta-a, ani atsia aké bhú gúdhú na Atiokia. <sup>23</sup> Ani abhue oo mbo ekpí bedí, abhomú-o, ani atsia atapa. Ani agulu ndu doto na Galatia ne ndu doto na Filidjia me ani nde ngato masi bhú omabhuka.

### **Apolosi anú bhú gúdhú na Efeso, di ne bhú gúdhú na Kolito**

<sup>24</sup> MaYuda bini akolo bhú gúdhú na Efeso, a adú 'lí ani me Apolosi, kpála na gúdhú na Alekidjandíli. Ani mbíla nani nagama 'ngú ndjindji. Ani mbíla di nani Bhuku gba Ebhe-e ndjindji. <sup>25</sup> U asuno nani kpadji gba Ngámá pí ani ndjindji. Ani adú ne bua na masi, ani atsia adú akpokpo di ne nasuno engú pindji Yesu ngbingbili. Engú bini, ani ambíla bha nani naae batisimo gba Djaa-o .

<sup>26</sup> Abhomú-o, ani aholo nakpokpo 'ngú ango-o bhú 'tí nadjé líli gba Moidje. Ani dú ne tsúlú de. Lí Pilisila ne Akuila adje engú ani apa e lie, u aha ani, u anú ne

ani. U atsia asuno kpadji gba Ebhe-e pi ani ndjindji. <sup>27</sup> Pipita-a, Apolosi adu akunda nanu bhu ndu doto na Akai. Abhomu-o, omabhuka ato masi bhu ani, u atsia aye balua pi omabhuka na ndu doto ango-o me, u sia ani ndjindji. Ani akolo lie oo, ani ateteke okpala inde abhuka ka badha bhu 'bu gba Ebhe-e ndjindji naali. <sup>28</sup> Padha de, anga ani adu asuno mbamba ne angu hana bhu ka djila ndu okpala hana me omaYuda li ngbili kpadji ade. Ani atsia adu apana pi uo bhu Bhuku gba Ebhe-e me Yesu ne Masiya.

## 19

### Polo akpokpo 'ngú gba Ebhe-e bhu gudhu na Efeso

<sup>1</sup> Nedhinga li Apolosi adu lie bhu gudhu na Kolito-o, Polo agulu ndu doto na ndu ka eta na Adjia, ani atsia akolo bhu gudhu na Efeso. Ani abhaka omakpata koko oo. <sup>2</sup> Ani atsia ayi uo me: «Yi akolo omabhuka lie, yi asia Bu Bhobua uu?» U atsia agie pi ani me: «Ya adje nga engu pindji Bu Bhobua belegu de bini.» <sup>3</sup> Abhomu-o, Polo atsia ayi uo me: «Yi asia la mangua batisimo dho?» U agie pi ani me: «Batisimo bhende gba Djaa ko.» <sup>4</sup> Polo atsia apa pi uo me: «Djaa adu abatisa okpala inde adu aziba nadji bua o. Ani atsia adu apa pi okpala na Isalaele me: «Yi bhuka kpala inde ngago pita ma ko.» A akunda napa me Yesu.» <sup>5</sup> U adje engu bhomu-o lie, Polo atsia abatisa uo ne 'li Ngama Yesu. <sup>6</sup> Pipita-a, ani a'o 'kpa e pi 'ndji uo, u atsia asia Bu Bhobua. U aholo agama 'ngú bhu odikongu koko di ne nakpokpo 'ngú maka opolofeta . <sup>7</sup> Ndu obhosi bhomu-o hana adu masikpe de ndjikpa ne ka bhisi.

<sup>8</sup> Polo adu ali piko bhu 'ti nadjé líli gba Moidje , sunda epe bata, ani du akpokpo 'ngú pindji Nau gba Ebhe-e ne tsulu de. Ani atsia adu amene ne kpeke ngubula me okpala bhuka Yesu. <sup>9</sup> Engu bini, okpala koko adu ne kpeke 'ndji. U ayala nabhuka . U atsia adu apa sisiti 'ngú li kate okpala inde adu akpata kpadji gba Yesu-o kala ndu okpala hana. Abhomu-o, Polo a'o ka uo, ani anu ne omakpata-a bhu 'ti balua gba Tulanisi. Oo, ani atsia adu asuno pi uo ndu 'kpi hana. <sup>10</sup> Ani amene mo-o ngubula kalanga bhisi. Abhomu-o ndu okpala hana na

ndu doto na Adjia, omaYuda di ne oGiliki, atsia adje eli gba Ngámá-o.

### **Engú inde akolo li ongisi na obhosibhosi gba Seva**

<sup>11</sup> Ebhe adu amene ongamba 'ngú na ngbengbengbe pi okpála bhú Polo.

<sup>12</sup> Kaka-a, okitambala di ne obongo inde atun lie li kute Polo-o, u adu ago ne di, a'o'o li kute okpála na kuo. Abhomu-o, okpála na kuo ang-o adu akobho, osisiti bua atsia adu di aze bhú uo.

<sup>13</sup> OmaYuda koko, inde adu anu li obili koko hana ngubula napandja osisiti bua bhú okpála-a, ale di napandja osisiti bua ne 'li Ngámá Yesu. U adu apa pi osisiti bua ang-o me: «Ma aha líli pi yi ne 'li Yesu, inde li Polo ngakpokpo 'ngú gba e me, yi zeze.» <sup>14</sup> Ongisi na obhosibhosi mananika gba Seva, saka 'ngbé dimandé bini gba omaYuda-a adu amemene moko. <sup>15</sup> Engú bini, siti bua-a agie pi uo me: «Ma mbila Yesu hana. Ma mbila la di hana me Polo ne da-ie. Ngayi-e, yi la naayi ne oda?»

<sup>16</sup> Abhomu-o, kpála inde li siti bua adu bhú e, ati pi uo ne gbele, angu gba ani ane bhende gba uo-o mane. Ani amene uo sisiti naali. Kaka-a, u atsia aze bhú 'ti ang-o ndumbu di ne oeaka li kute o. <sup>17</sup> Ndu okpála na gudhu na Efeso hana, omaYuda di ne oGiliki, adje engú ang-o. Ndu uo hana adje tsulu naali. Abhomu-o, u atsia adhoge 'li Ngámá Yesu. <sup>18</sup> Bhiti okpála inde abhuka adu ago ambamba ta osisiti 'ngú inde u amene e ko. <sup>19</sup> Bhelé bhú ká uo adu obhulu mambeng. U ago ne obhuku gba o-o, u atsia atsulu kala ndu okpála hana. U ako masemase-e lie, u atsia au me a akoto olí falanga kutu ndjikpa bhuluvue.

<sup>20</sup> Abhomu-o, ka angu gba Ngámá-a, eli-e adu ayangba, atsia adu akolo kpekpeke.

### **Tolo akoto bhú ká okpála na gudhu na Efeso**

<sup>21</sup> Pita ongú bhomu-o, Polo atsia abhundja me ni gulu ondu doto na Makedonia di ne Akai ngú nanu bhú gudhu na Yelusalema. Ani adu apa me: «I du me ma nde akolo oo, a ayo me ma akolo di bhú gudhu na Loma .» <sup>22</sup> Abhomu-o, ani atima okpála bhisi bhú ká okpála inde adu ateteke ani-e, Timoté di ne Elaste, bhú gudhu na Makedonia. Engú bini, ani atsia adu mbo matá naae bhú ndu doto na Adjia ngubula nedhinga bedi.

<sup>23</sup> Bha li nedhinga bhomɔ-o, tolo na ngbéngbé atsia akoto bhú gɔdhɔ na Efeso pɔndji kpadji gba Ngámá Yesu-o. <sup>24</sup> Kpála bini adɔ oo, a adɔ 'li ani me Demetiliusi. Ani adɔ abho djedje kulu eti gba ebhe na øøø Alatemi li teme inde u a'í e me aladja. Okpála na kulu ango-o adɔ asia tia tété naali.

<sup>25</sup> Abhomɔ-o, ani apo bhúla uo bhú dabili bini ne okpála inde adɔ amene di ngua kulu ango-o. Ani atsia apa pi uo me: «Ondaise ma, yi mbila ndjindji me ní ngakobho ka kulu inde. <sup>26</sup> Yi ngauu, yi la di ngadjedje, engú li Polo inde-e ngamene e-o. Ani ngapa me oebhe inde li okpála amene e ne 'kpa-a, a ko oebhe de. Ani agbele okpála nganda e bhelé. Ani mene mo-o, bha bini bhú gɔdhɔ na Efeso sii de, engú bini, masikpe de bhú ndu doto na Adjia libhomu. <sup>27</sup> Eli ango-o ti da nasiti bha bini kulu gba ní-e de, engú bini, a ti da nayaka di sa eti gba 'ngbé ebhe na øøø Alitemi. Abhomɔ-o, li okpála 'ó nadhøøø Alitemi, ebhe na øøø inde li okpála na ndu doto na Adjia di ne píla doto libhomu ngadhøøø e-o.»

<sup>28</sup> Li okpála inde adɔ oo adje engú bhomɔ-o lie, u abi 'gú naali. U atsia aholo nasusula me: «Alitemi gba okpála na gɔdhɔ na Efeso-o ngbéngbé!» <sup>29</sup> Abhomɔ-o, tolo aha gɔdhɔ libhomu. U aholo Gayusi, ngauo ne Alisitaluka, okpála bhisi na gɔdhɔ na Makedonia inde adɔ adhukú bhú dabili bini ne Polo-o. U atsia anɔ ne uo bhú holo li bili li okpála apøkøbhø bhúla o lie ko. <sup>30</sup> Kaka-a, Polo me ni ngakoto kala ndɔ okpála hana, engú bini, omakpata atsia ayoko ani. <sup>31</sup> Okpála koko di na ndu doto na Adjia inde adɔ akɔnda ani-e, atima eli pi ani me, ngaani makpe-e, ani anú li bili li okpála apøkøbhø bhúla o lie de.

<sup>32</sup> Li nedhinga ango-o, tolo adɔ naali. Abhomɔ-o, okpála dje lio de. Okoko adɔ asusula ne engú kpi, okoko atsia adɔ di asusula ne engú koko. Bhelé na uo dɔ ambila ta 'ngú inde u apøkøbhø bhúla o ngú e de. <sup>33</sup> Okpála koko bhú ká bhiti okpála bhomɔ-o, akpokpo pi Alekidjandele inde adɔ bhú ká uo-o, u atsia adyudyo ani ne akalanɔ. Abhomɔ-o, ani a'e 'kpa e bhúlá, ngɔbula nasuno me ni ngakɔnda nagama 'ngú kala okpála. <sup>34</sup> Engú bini, li okpála ambila lie me a ko maYuda-a, ndɔ uo hana aholo asusula bhú dabili bini ngɔbula nedhinga masikpe de saa bhisi me: «Alitemi gba okpála na gɔdhɔ na Efeso-o ngbéngbé!»

<sup>35</sup> Ali soso-o, ndombi bini na gɔdhɔ ango-o ayoko uo, ani atsia apa me: «Ngayi

okpála na gũdhũ na Efeso-o, ndũ okpála hana mbila ndjindji me gũdhũ na Efeso ngalila 'ti ebhe gba 'ngbé ebhe na øelø Alitemi, di ne kulu ani inde ayie nani abhũlá atsia ati kuto-o. <sup>36</sup> Kpála bini ti da nayayala de. Kaka-a, a ayo me yi 'o bua yi kuto. Yi améne 'ngũ bhũ holo de.

<sup>37</sup> Yi ago ne okpála inde-e ei. Ngauo-o, u zi 'he bhũ 'ti ebhe na øelø gba ní-e de. U tsia sobho la di ani de. <sup>38</sup> I dũ me Demetelisi ne okpála na kulu gba e nde ne engũ sũnda o ne kpála bini-e, a ne oekpí di ne ongámási ngũ nakodho 'ngũ ango-o. A bhomũ-o bìli inde a ayo me u nũ kpokpo 'ngũ sũnda o lie ko. <sup>39</sup> I dũ me a nde matá ne engũ koko inde a ayo me u gama 'ngũ lie, ya apékøbhe bhũla ya maka li líli apa lie, ya tsia kpókpo 'ngũ tété. <sup>40</sup> Atigala bedi me u pa li ní me, ní ngaha kpéke 'ndji pi okpála li 'ngũ inde akodho 'kpí naki-o. Padhá de, anga tata li napekøbhe bhũla ní me-e ade. Ní ti la di da nakpokpo 'ngũ tété pi okpála ndjindji de.» [ <sup>41</sup> i]

## 20

### Polo ayie bhũ gũdhũ na Efeso

<sup>1</sup> Li tolo andjia lie, Polo a'í omũkpata-o, ani atsia ato masi bhũ uo. Pipita-a, ani abhana lie pi uo, ani atsia atapa bhũ ndu doto na Makedonia. <sup>2</sup> Ani agulu ndu doto ango-o, ani ato masi bhũ omabhuka ne oeli bhelé. Pipita-a, ani atsia akolo bhũ ndu doto gba oGiliki. <sup>3</sup> Oo, ani asi epe bata. Li nedhinga inde ani adũ akũnda lie naha 'ngbé zabũ ngũ nanũ bhũ ndu doto na Silia, ani adje me omaYuda apo bhũla o ngũ namene ni sisiti. Abhomũ-o, ani atsia au ndjindji me ni gie lini, amba ni pũ ne abhũ ndu doto na Makedonia. <sup>4</sup> Okpála inde adũ nani adhũkũ ne ani bhũ dabili bini-e, adũ nani: Sopatolosi, ndili gba Pilusi, kpála na gũdhũ na Beloya; Alisitaluka ngauo ne Sekundusi, okpála na gũdhũ na Tesalonike; Gayusi, kpála na gũdhũ na Delebe, ne uo ne Timoté; Tisike ngauo ne Tolofime, okpála na ndu doto

---

<sup>1</sup>19:41 Lukuluku inde-e, a bhũ obhuku koko na didili u aye e bhũ eli na giliki ade. [Pita li ani andjia nakpo 'ngũ bhomũ-o lie, ani atsia aha kpadji pi okpála.]



na Adjia. <sup>5</sup> Okpála bhomu-o agbida kalanu, u atsia adu adjeke ya bhú gudhu na Tuluasi. <sup>6</sup> Engú bini, ngaya-a, ya aha 'ngbé zabu bhú gudhu na Filipoi. Pita anokomia nazu mapa inde li levile nde bhú e ade-e , ya atsia anu abhaka uo bhú gudhu na Tuluasi, pita ekpí bhuluvue. Oo, ya asi poso bini.

### **Polo akpokpo 'ngú gba Ebhe-e bhú gudhu na Tuluasi**

<sup>7</sup> Bhú 'kpí kulu madhia tagolo-o,<sup>i</sup> ya apo bhúla ya ngú nazu mapa-o. Polo adu agama 'ngú pi uo, anga ani adu akunda nanu pita 'kpí ango-o. Ani atsia agama 'ngú ngengele akolo tutu sukpe. <sup>8</sup> Ya apo bhúla ya bhú tina 'ti bhende na abhúla-o. Oo, oeke adu bhelé. <sup>9</sup> Makombi bini, a adu 'li ani me Etikusi, ani adu li malilisa. Li Polo adu la lie agama 'ngú ngengele-e, ani ati ne ela má kolio! Abhomu-o, ani atsokodho abhúla bhú tina 'ti na bata-a, ani atsia ati kuto má kpu! U a'e bha ibili ani me ani nde akpi. <sup>10</sup> Polo akə, ani angumba pí ani, ani aha ani, abi ani sa 'kpa e. Ani atsia apa me: «Yi adjé tsulu de. Ani kpi de.» <sup>11</sup> Pipita-a, Polo agie matá lie abhúla, ani aha mapa-o, ani agumu, ani atsia azu. Abhomu-o, ani agama matá 'ngú ngengele akolo bhú sikikpi. Pipita-a, ani atsia atapa. <sup>12</sup> La-a, pi makombi bhomu-o, u anu ne ani me ani nde nu. Engú bhomu-o ateteke okpála naali.

### **Polo anu bhú gudhu na Milete**

<sup>13</sup> Ya ayie kalanu, ya aha 'ngbé zabu ngú nanu bhú gudhu na Asosa. A bhomu-o bili inde a ayo lie me ya ha Polo bhú 'ngbé zabu-o. Padhá de, anga ani apa pi ya mo-o ngae me, ni anú naani ne 'dhu ni. <sup>14</sup> Ani ago abhaka ya lie bhú gudhu na Asosa-a, ya aha ani bhú 'ngbé zabu, ya atsia atapa bhú gudhu na Mitilene. <sup>15</sup> Li ekpí aseke lie, ya ayie oo, ya akolo bhúla kpeme na Kio. Ekpí na bhisi-e, ya akolo bhú kpeme na Samosi. Ekpí na bata-a, ya atsia akolo bhú gudhu na Milete. <sup>16</sup> Polo abhundja me ni lú bhú gudhu na Efeso de. Padhá de, anga ani du akunda

---

<sup>i</sup>20:7 *'Kpí kulu madhia tagolo:* U aye bhú obhuku koko me «Ekpí na kalanu.» Pi omaYuda-a, ekpí na kalanu-o, a ko 'kpí kulu madhia. La pi ní-e, ekpí na kalanu-o, a ko 'kpí yinga.

de me ni bhue bhú ndu doto na Adjia ngengele-e de. Aní adu agbene lie ngubula me, i du me nedhinga nde u-o, ni de du bhú gudhu na Yelusalema bhú anokomia na Patekote .

### **Polo abhana lie pi obhelesi okpála na gudhu na Efeso**

<sup>17</sup> Li Polo adu lie bhú gudhu na Milete-e, aní atima okpála bhú gudhu na Efeso me u nu 'i obhelesi okpála na Dadjua gba Ebhe-o. <sup>18</sup> U akolo lie de aní-e, aní atsia apa pi uo me: «Yi mbila maka ma adu nadu lie bhú ká yi, nayie li 'kpí ma akolo lie bhú ndu doto na Adjia hana. <sup>19</sup> Ma amene kulu gba Ngámá me ma nde aké lima ne kuto. Ma adu aku 'gbá, ma atsia adu di adje likabhu ka li omaYuda adu adje lio lie ngú namene ma sisiti-o. <sup>20</sup> Yi mbila hana me ma wo 'he bini inde i ti da nadu pi yi ndjindji-e belegu de bini. Ma akpokpo Bádha Ngali gba Yesu-o. Ma atsia asuno la di pi yi mbámhá bhú ká okpála, ne bhú oeti gba yi-o. <sup>21</sup> Ma apa pi omaYuda di ne oGiliki me u dji lio pi Ebhe, amba u bhuka Yesu Ngámá gba ní ko.

<sup>22</sup> Mbia inde-e, ma adji bhú gudhu na Yelusalema maka li Bu Bhobua aha líli muma lie ngú namemene ko. Ma mbila de me abháka ma oo ne mangua 'ngú dho-ie de. <sup>23</sup> Ma ambila bha bini me Bu Bhobua ngapa muma me bhú gudhu bini ne bini-e, tikpu di ne likabhu ngadjeke ma. <sup>24</sup> La-a, makobho gba ma makpe-e, bhú djila ma ngbéngbé ade. Padhá de, anga ma akunda namene kulu inde li Ngámá Yesu aha e muma-a, akólo bha bini alí soso: nakpokpo Bádha Ngali na bádha bhú 'bu gba Ebhe ko.

<sup>25</sup> Ma apu bhú okuti gba yi, ma akpokpo 'ngú pindji Nau gba Ebhe . Engú bini mbia inde-e, ma ambila me yi ú matá ma de. <sup>26</sup> Kaka-a, ma apa pi yi naki me: i du me kpála bini bhú ká yi nde angita-a, a ko matá naama 'ngú de. <sup>27</sup> Padhá de, anga ma akpokpo ndu 'ngú gba Ebhe-e pi yi hana. Ma wo engú belegu de bini. <sup>28</sup> Yi lila liyi ngayi makpe, di ne ndu piga hana inde li Bu Bhobua a'o e sa 'kpa yi me yi lila e ko. Yi lila Piga gba Ebhe inde aní akala e ne ngute Ndili gba e makpe ko. <sup>29</sup> Padhá de, anga ma ambila ndjindji me pita ma-a, okpála inde maka onute-e alí bhú ká yi. U tsia bhólø piga gba Ebhe-o. <sup>30</sup> Abana bha bhú ká yi makpe-e, okpála

koko azé, u adú apa eu, u tsia gbéle omabhuka bhelé nganda o. <sup>31</sup> 'E-e! Yi lila liyi, amba yi bhundja la di me, bhú sɔnda kalanga bata, sukpe ne ngbikpi, ma ndala li nasuno pi kpála bini ne bini de. Ma adu asuno belegu ne ngula bhú djila ma.

<sup>32</sup> Mbia inde-e, ma nga'o yi sa 'kpa Ebhe, di ne eli na bádha bhú 'bu gba ani-o. A ko ani inde ngateteke yi ngubula me yi lu kpekpeke-o. Ani di ne angu ngu naha pi yi obabadha 'ngú inde ani awo e pi ndu obubu okpála gba e hana-o. <sup>33</sup> Ma du ne gumu tia de. Ma du ne gumu olo de. Ma du di ne gumu bongo gba kpála bini de. <sup>34</sup> Ngayi makpe, yi ambila ndjindji me ma amene kulu ne 'kpa ma ngubula me ngaya ne obi ma-a, ya sia 'he inde ya adu ne gumu e ko. <sup>35</sup> Ma apana pi yi bhú ndu 'ngú hana me a ayo namene kulu ngubula nateteke okpála bhende bhú ndibhili-o. Yi bhundja di eli inde li Ngámá Yesu apa e ngae makpe me: <Djali naali pi kpála inde ngaha 'he ane kpála inde ngasia 'he ko!>>

<sup>36</sup> Pita ani apa 'ngú bhomu-o lie, ani atutu lipuku e kuto, ani atsia ayo Ebhe bhú dabili bini ne uo. <sup>37</sup> Ndu uo hana aholo naku 'gbá. U aga ngulu ani. U atsia apa pi ani me, ani nu ndjindji. <sup>38</sup> U adu ne likabhu naali, anga Polo apa pi uo me u ú matá ni de. Abhomu-o, u atsia anu a'o ani ade 'ngbé zabu-o.

## 21

### Polo atapa bhú gudhu na Yelusalema

<sup>1</sup> Pita ya agbo bhusu ya ne uo lie, ya aha 'ngbé zabu, ya anu bhú kpeme na Kosi. Li ekpi aseke lie, ya akolo bhú kpeme na Lodosi. Ya ayie lie oo, ya atsia anu akolo bhú gudhu na Patala. <sup>2</sup> Oo, ya abhaka me 'ngbé zabu bini nde adji bhú ndu doto na Fenisia. Abhomu-o, ya a'u bhúbhú, ya atsia atapa. <sup>3</sup> Ya akolo lie lingo kpeme na Sipele-e, ya nde ibili ngauu hana-a, ya a'o káká ne li pápá na gali ngu nanu li pápá na ndu doto na Silia. Ya akolo bhú gudhu na Tile, li bili inde a ayo lie me u pandja 'he bhú 'ngbé zabu-o. <sup>4</sup> Ya abhaka la omabhuka lie oo, ya amene ne uo poso bini. Abhomu-o, Bu Bhobua atsia apa pi uo me, u pa pi Polo me ani anu bhú gudhu na Yelusalema de. <sup>5</sup> Engu bini, li ekpi gba ya ale lie, ya atsia agbida. Ndu uo hana, ne olisi di ne ongisi gba o-o, anu na'o ya. Ya akoto bhú

gudhɔ-o. Ya akolo lingo 'ngbé 'ngu, ya atutu lipuku ya kuto, ya atsia ayo Ebhe.

<sup>6</sup> Kala me ya agbo bhusu ya ne uo-o, ya aholo 'kpa uo. Ya anu a'u bhú 'ngbé zabu-o. Abhomu-o, u atsia agie lio agba o.

<sup>7</sup> Ya ayie bhú gudhɔ na Tile, ya akodho 'ngbé 'ngu-o, ya atsia akolo bhú gudhɔ na Potolemaisí. Ya akolo lie oo, ya aholo 'kpa ondaise ya, ya atsia adu ne uo ekpí bini. <sup>8</sup> Li ekpí aseke lie, ya aholo ne enú, ya atsia akolo bhú gudhɔ na Sedjale. Oo, ya ali bhú 'ti gba Filipino, musuno na Bádha Ngali gba Ebhe, saka okpála mananika nani inde u abhu o bhú gudhɔ na Yelusalema ko. Ya atsia adu agba ani. <sup>9</sup> A adu nani ka ani ne ongisí na olisilisi badha inde i mbila nga nani engú na obhosi de. U adu nani akpokpo 'li Ebhe pi okpála.

<sup>10</sup> Ya adu oo ngubula ekpí bhelé. Li nedhinga ango-o, polofeta Agabusí ayie bhú ndu doto na Yudaya atsia ago oo. <sup>11</sup> Ani ago abhaka ya. Ani abhulu ekpí na ludu Polo. Ani agbigbite 'kpa e di ne 'dhu e ne di. Do ani de me: «Bu Bhobua apa me: «Bhuu ekpí inde-e, bhú gudhɔ na Yelusalema-a, omaYuda agbigbite bhadi ani moko, u tsia pí ani pi ogandji okpála .» <sup>12</sup> Ya adje engú bhomu-o lie, ngaya, di ne omabhuka na gudhɔ na Sedjale-e, ya akikiliki liya pi Polo me ani anú bhú gudhɔ na Yelusalema de. <sup>13</sup> Engú bini, Polo atsia agie me: «Yi ngamene bhomu-o ni? Yi ngaku 'gbá, di ne nangbingi bua ma lie mo-o! Ma bha bini bedhe ade ngubula me u mbimbi ma ne ekpu, engú bini, ma bedhe ngubula me ma kpi bhú gudhɔ na Yelusalema ngubula 'li Ngámá Yesu.» <sup>14</sup> Ya ale la nadjí mabhundja gba ani-e lie pima-a, ya tsia zi kekele tété de. Ya apa bha ibili me: «A ayo me Ngámá mene maka ani akunda lie ko!»

<sup>15</sup> Pita ekpí ya amene e li bili bhomu-o, ya aleke liya. Abhomu-o, ya atsia agbida bhú gudhɔ na Yelusalema. <sup>16</sup> Omukpata koko na gudhɔ na Sedjale anu bhú dabili bini ne ya. U anu a'o ya gba kpála bini inde a ayo me ya adu gba e-o. A adu 'li ani me Menaso, kpála na kpemə na Sipele, saka omukpata na kalanu ko.

### **Polo anu natsia obhelesi okpála bhú gudhɔ na Yelusalema**

<sup>17</sup> Ya akolo lie bhú gudhɔ na Yelusalema-a, omabhuka asia ya ne djali. <sup>18</sup> Li ekpí aseke lie, Polo anu bhú dabili bini ne ya agba Djaki. Oo, ndu obhelesi okpála

hana na Dadjua gba Ebhe-e, atsia apəkəbhə bhúla o. <sup>19</sup> Polo aholo 'kpa uo. Abhomu-o, ani atsia akpokpo ndu 'ngú hana bini ne bini maka li Ebhe adu amemene lie bhú kulu gba ani bhú ká ogandji okpála ko. <sup>20</sup> Li u adje lie-e, u atsia adhəgə Ebhe. Pipita-a, u atsia apa pi ani me: «Ndai ya, mu ngauu! A ko omaYuda kətə ne kətə inde abhuka Ebhe, ndu uo hana agbite lio li líli. <sup>21</sup> La-a, u adje li 'ngú gba mu-o me, mu ngasuno pi ndu omaYuda hana inde ngadulu bhú ká ogandji okpála me, a ayo me u 'o nakpata líli gba Moidje-o . U adje di me mo opa di pi uo me, u 'o nato ongisi gba o-o bhú gandja, amba u 'o di nakpata dasundu gba omaYuda-o. <sup>22</sup> A ayo me ya mene pi? A na paká me, u adjé madje me mo okolo si.

<sup>23</sup> Mene bhende ya apá e pi mu ko. A ka ya si ne obhosi badha inde asili ndjinga me, o aha lio pi Ebhe. <sup>24</sup> Ha uo, yi nu ne uo, yi vulu liyi ngubula me yi kolo bubu kala Ebhe, amba mu ha tia ngubula me u ka 'ndji uo. Abhomu-o, li ndu okpála hana tsia mbíla me engú inde u apa e li mu-o, a ko kuku 'ngú de. Engú bini ngamu di-e, mu ngakpata líli gba Moidje ko. <sup>25</sup> La pi ogandji okpála inde abhuka-a, ya aye pi uo líli gba ya-o: u 'o nazu so 'nu inde u abhəle e pi oebhe na eu-o ma'o. U 'o nazu ngute di ne so 'nu inde akpi ne ngute bhú e hana, amba u 'o nakunda olisi di ne obhosi ngangá ma'o.»

<sup>26</sup> Abhomu-o, li ekpí aseke lie, Polo abha obhosi ango-o, ani anu avulu lie ne uo bhú dabili bini ngubula me o kolo bubu kala Ebhe. Pipita-a, ani ali bhú 'ngbé 'ti Ebhe gba omaYuda, ani atsia a'o ekpí inde li mavulu ango-o andjía lie, u tsia bhəle enu pi Ebhe ngubula ndu uo hana bini ne bini.

### **U aholo Polo bhú 'ngbé 'ti Ebhe gba omaYuda**

<sup>27</sup> A akolo lie masikpe de me oekpí mananika-a ndjia, omaYuda koko na ndu doto na Adjia au Polo bhú 'ngbé 'ti Ebhe gba omaYuda. Abhomu-o, u ato siti 'ngú bhú 'ndji ndu okpála hana. U atsia aholo ani. <sup>28</sup> U adu asusula me: «Ngayi omafala-e, yi go teteke ya! Yi tsia nga kpála inde ngasuno ne ndu bili hana pi ndu okpála hana me, u yala omafala-e, u yala líli gba Moidje, di ne 'ngbé 'ti Ebhe gba omaYuda-o. Ani amba belegu oGiliki bhú 'ngbé 'ti Ebhe.

Abhomu-o, ani atsia asiti di bili na bubu ang-o.»<sup>29</sup> (U adu apa mo-o, anga kalanu-o, u au Tolofime, kpala na gudhu na Efeso, bhú dabili bini ne Polo abhú gudhu. Kaka-a, u adu abhundja me Polo ato ani bhú 'ngbé 'ti Ebhe gba omaYuda.)

<sup>30</sup> U aholo amene tolo bhú gudhu libhomu. Abhomu-o, okpala ayie ne ndu bili hana, u ago apokobhe bhála o. U aholo Polo, u agbele ani akilidjo, u atsia anini kolo obhoti na 'ngbé 'ti Ebhe gba omaYuda-o. <sup>31</sup> Li u adu agili nabhelo Polo lie, ngali ang-o atsia akolo li 'ngbé ngamá gba osudha na gudhu na Loma me okpala bhú gudhu na Yelusalema libhomu ngazi tolo. <sup>32</sup> Kolo má gala me-e, ani abha ongamási gba osudha di ne osudha, ani anu ne uo li bili li okpala adu azi tolo lie-o. U au 'ngbé ngamá di ne osudha-a lie, u atsia a'o nabhi Polo.

<sup>33</sup> Abhomu-o, 'ngbé ngamá-a adyudyo lie de Polo. Ani me u holo ani, ani atsia aha líli me u gbigbite ani ne gbindjili bhisi. Pipita-a, ani ayi me: «A ko naae da, ani amene la di ni?» <sup>34</sup> Bhú ká bhiti okpala bhomu-o, okpala adu asusula ne engú ngangá, u dje lio de. Li tolo adu lie naali-e, 'ngbé ngamá-a tsia dje ta 'ngú ang-o de. Abhomu-o, ani atsia aha líli me u nu ne Polo bhú 'ti inde li osudha nalila gudhu adu lie ko.

<sup>35</sup> Ani akolo lie li ngba 'ti-e, osudha atsia abi ani ka li bhiti okpala bhomu-o adu amene ani lie sisiti-o. <sup>36</sup> Padhá de, anga ndu uo hana adu akpata ani. U atsia adu atu 'ue me u bhelo ani.

### **Polo akpokpo 'ngú gba e-o**

<sup>37</sup> Nedhinga u adu akunda nato Polo lie abhú 'ti-e, Polo apa pi 'ngbé ngamá-a me: «Mu ti da naziba uu me ma pa mbo engú pi mu?» 'Ngbé ngamá-a atsia ayi ani me: «Mu mbila eli gba oGiliki-e hana? <sup>38</sup> A ko ndi mu di maEdjipeto inde ato kpeke 'ndji bhú okpala sunda 'kpi inde-e? Ani atsia anu di ne okpala keto badha bhú 'gu-o?» <sup>39</sup> Abhomu-o, Polo agie me: «Ngama-a, ma ne maYuda. U azu ma bhú gudhu na Talasi bhú ndu doto na Silisia. Ma ne kpala na gudhu na padhá padhá ade. Kikiliako, ha kpadji mu, ma gama 'ngú pi okpala.» <sup>40</sup> 'Ngbé ngamá-a atsia aziba pi ani. Abhomu-o, Polo alu li ngba 'ti-o, ani amene 'kpa e me

ní akúnda nagama 'ngú pí okpála. Ndú okpála hana andjili má bulu! Abhomú-o, Polo aholo nagama 'ngú pí uo bhú eli gba omaYuda me:

## 22

<sup>1</sup> «Odyi ma, di ne ondaise ma, yi dje engú inde ma adji apa e pí yi mbia inde-e ndjindji, amba yi mbila me ma mene 'ngú bhomú-o de.» <sup>2</sup> Li u adje lie me aní ngagama 'ngú pí o bhú eli gba omaYuda-a, u atsia andjili la matá má bulu! Polo atsia apa me: <sup>3</sup> «Ngama-a, ma ne maYuda. U azu ma bhú gúdhú na Talasi, bhú ndu doto na Silisia. Ma abhele bhú gúdhú na Yelusalema inde. Músuno gba ma Gamaliele asuno nambila líli gba onguo ogbi ní-e muma ndjindji. Ma aha nani lima pí Ebhe ne bua ma bini maka ndú yi hana yi ngamemene lie naki ko.

<sup>4</sup> Ma adú ato mbolo lí okpála inde adú akpata kpadji gba Ngámá-o, ma atsia adú agíli nabhili uo. Ma azumú obhosi di ne olisi, ma atsia amba uo bhú tikpú. <sup>5</sup> Bhele kpála gba odimandé gba Ebhe di ne obhelesi okpála mbila ndjindji me ma ngapa e kúkulú 'ngú. U aha belegú obalú muma ngúbula me ma nù ne di pí ondaise ní inde bhú gúdhú na Damasi. Ma anú oo me ma holo omabhuka inde oo, ma gbigbite uo ne gbíndjili, amba ma mba uo bhú gúdhú na Yelusalema ngúbula me u mene uo sisiti.»

### **Polo akpokpo maka aní adji bua e lie ko**

*(Tsia bhú Kul. 9:1-19, 26:12-18.)*

<sup>6</sup> «Abhomú-o, ma adú lie lí kpadji-e, masikpe de nakolo bhú gúdhú na Damasi de tulukpe-e, kolo me-e, zì 'kpí na kpekpeke ayie abhúlá, a ago asa ma ngbalina. <sup>7</sup> Ma agú 'li ma kuto má gbwé! Ma atsia adje eli bini inde apa muma me: «Saulo, Saulo, mú ngato mbolo lí ma ngú ní?» <sup>8</sup> Abhomú-o, ma atsia agie me: «A ko mú da, Ngámá?» Aní atsia agie muma me: «A ko ma Yesu, kpála na kúti na Nadjaleta, inde mú ngato mbolo lie ko.» <sup>9</sup> Okpála inde adú bhú dabilí bini ne ma-a, au zì 'kpí angó-o. Engú bini, u dje 'li kpála inde adú agama 'ngú muma-a de. <sup>10</sup> Abhomú-o, ma atsia ayi matá me: «Ngámá, a ayo la me ma mene pí?» Ngámá agie muma me:

«Yie bhúlá, n̄ bhú gúdh̄ na Damasi. Oo, u apá pí m̄ nd̄ 'ngú hana inde li Ebhe akúnda me m̄ mene e ko.» <sup>11</sup> La-a, ma d̄ au 'kpí ka kpéke zi 'kpí bhom̄-o lie de-e, okpála inde ad̄ bhú dabili bini ne ma-a, aholo 'kpa ma, u atsia an̄ ne ma bhú gúdh̄ na Damasi.

<sup>12</sup> Kpála bini ad̄ nani oo, a ad̄ 'li ani me Anania. Ani ad̄ akpe Ebhe, ani atsia ad̄ di akpata líli gba ní-e ndjindji. Nd̄ omaYuda hana na gúdh̄ na Damasi ad̄ apa 'ngú gba ani-e ndjindji. <sup>13</sup> Ani ago natsia ma. Ani akolo lie de ma-a, ani atsia apa m̄ma me: «Ndai ma Saulo, u matá 'kpí uu!» Bha li nedhinga bhom̄-o, djila ma abhulu, ma atsia au ani. <sup>14</sup> Abhom̄-o, ani atsia apa m̄ma me: «Ebhe gba onguo ogbi ní abh̄ nani m̄ didili ngúbula me m̄ mbila engú inde ani akúnda e-o. Ani abh̄ m̄ ngúbula me m̄ mbila Kpála inde ngbingbili-o, amba m̄ dje di 'li ani makpe. <sup>15</sup> Padhá de, anga pí ani-e, mo odú akpokpo ongú gba ani bhende mo ou e, di ne bhende mo odje e pí nd̄ okpála hana. <sup>16</sup> Mbía inde-e, m̄ matá ngadjeke ní? Yie bhúlá, sia batisimo, m̄ yo Ebhe, amba ani 'e siti 'ngú gba m̄ ko.»

### **Polo akpokpo maka li Ebhe atima ani lie agba ogandji okpála-o**

<sup>17</sup> Abhom̄-o, ma agie líma bhú gúdh̄ na Yelusalema. Ekpí bini, ma ad̄ ayo Ebhe bhú 'ngbé 'ti Ebhe gba omaYuda, ma atsia au engú maka loto. <sup>18</sup> Ma au Ngámá, ani atsia apa m̄ma me: «Yaka! Koto bhú gúdh̄ na Yelusalema má gala, anga okpála na gúdh̄ inde-e, u zíba engú gba ma inde mo opá e pí uo-o de.»

<sup>19</sup> Abhom̄-o, ma atsia apa me: «Ngámá, u mbila hana me ma ad̄ nako nan̄ bhú oti nadjé líli gba Moidje , ma ad̄ aholo okpála inde abhuka m̄-o. Ma ad̄ amba uo bhú tikp̄, ma atsia ad̄ di abhi uo ne fimbo. <sup>20</sup> Nedhinga u ad̄ abhøø Etieni, kpála nakpokpo Bádha Ngali gba m̄-o lie, ma ad̄ di oo. Ma azíba okpála inde ad̄ abhøø ani-o. Ma atsia ad̄ alila obongo gba uo-o.» <sup>21</sup> Abhom̄-o, Ngámá atsia apa m̄ma me: «N̄n̄, anga ma atíma m̄ tsutsu agba ogandji okpála .»»

### **Polo apa me, ní ne kpála na gúdh̄ na Loma**

<sup>22</sup> Bhiti okpála bhom̄-o ad̄ nga bha nadjé ani akolo li engú inde ani apa e bhom̄-o. Abhom̄-o, u atsia aholo asúsula me: «Yi bhøø kpála bhom̄-o



mabhələ! Ani ti da nadu pɪla doto de!»<sup>23</sup> U adu asusula kpekpeke. U adu ape obongo gba o, u atsia adu abala ndju doto ne abhɪlɪ. <sup>24</sup> Abhomu-o, 'ngbɛ ngámá gba osudha aha líli me u to Polo abhɪ 'ti gba osudha. Ani atsia apa me u bhi ani ne fimbo, amba ani pa ta 'ngú inde lí okpála ngasusula lie me u mene ani sisiti-o. <sup>25</sup> Li u agbigbite ani lie ne ekpɪ ngubula nabhi ani ne fimbo-o, abhomu-o, ani atsia apa pi ngámá gba osudha inde adu oo me: «A ayo bha ndju uu me, yi bhi ndili na kuti na Loma ne fimbo me, u nde kodho nga 'ngú gba ani-e di?»

<sup>26</sup> Li ngámá bhomu-o adje engú li Polo ayi e lie, ani atsia anu abhaka 'ngbɛ ngámá gba osudha-o. Ani atsia ayi ani me: «Mo oméne pi, anga kpála bhomu-o, a ko ndili na kuti na Loma!» <sup>27</sup> 'Ngbɛ ngámá-a ago abhaka Polo, ani atsia ayi ani me: «Pa nga muma, mu ne ndili na kuti na Loma na paká?» Polo atsia agie pi ani me: «Heni, a na paká.» <sup>28</sup> Abhomu-o, 'ngbɛ ngámá-a atsia apa me: «Ma aha nani tia bhelé ngubula me ma kolo kpála na kuti na Loma.» Polo atsia apa naae me: «Ngama-a, u azu ma kpála na kuti na Loma.» <sup>29</sup> Kolo má gala me-e, okpála inde i di me bhi ani ngubula me ani gama 'ngú-o, u atsia atsambala de ani. Abhomu-o, 'ngbɛ ngámá gba osudha-a aholo adje tsulu, li ani ambila lie me ni aha líli ngani me u gbigbite ndili na kuti na Loma-o.

### **Polo kala Libi okpála natsia 'kpí li 'ngú gba omaYuda**

<sup>30</sup> Abhomu-o, 'ngbɛ ngámá gba osudha-a adu akunda me, ni mbila kukulu ta 'ngú inde lí omaYuda asungula Polo lie pi ongámási-o. Kaka-a, li ekpɪ aseke lie, ani aha líli me u bhuhulu Polo, di me ongbengbe odimandə gba Ebhe , di ne Libi okpála natsia 'kpí li 'ngú gba omaYuda pekəbhə bhúla o. Pipita-a, ani ago ne Polo, ani atsia a'o ani kala uo.

## **23**

<sup>1</sup> Abhomu-o, Polo atsia Libi okpála natsia 'kpí li 'ngú gba omaYuda ne kpéke djila. Do ani de-e: «Ondaise ma, nakolo pi mbia inde-e, ma adhuku kala Ebhe ndjindji.» <sup>2</sup> Engú bini, bhele kpála gba odimandə Anania aha líli pi okpála inde

adɛ de ani-e me u sɛ 'bhɛ ani. <sup>3</sup> Abhomɛ-o, Polo atsia apa pi ani me: «Ebhe asɛ maŋgae, ngamɛ kpála inde maka pabu 'ti inde u ato embú lie! Mo odɛ oo ngú nakodho 'ngú gba ma-a maka li líli apa lie. Engú bini, mo ogumɛ líli anga mo opa me u sɛ ma!» <sup>4</sup> Abhomɛ-o, okpála inde adɛ de Polo atsia apa pi Polo me: «Mɛ ngasobho bhele kpála gba odimandɛ gba Ebhe!» <sup>5</sup> Polo agie me: «Ondaise ma, ma mbila igini de me a ko bhele kpála gba odimandɛ gba Ebhe-e de. Padhá de, anga Bhuku gba Ebhe-e apa me: «Mo osóbho ngámá gba okpála na doto gba mɛ-o de.†»»

<sup>6</sup> Li Polo ambila la nani lie me bhú ká okpála inde apo bhúla o bhomɛ-o, okoko adɛ oSadukai , okoko adɛ omɛFalisai-e , ani atsia asɛla bhú ká uo me: «Ondaise ma, ma ne mɛFalisai, ndili gba omɛFalisai. I dɛ me u nde nga'o 'ngú pí ma me-e, a ko anga ní ne 'to ní me okpála inde amu-o, azúku mazuku.» <sup>7</sup> Li ani apa 'ngú bhomɛ-o lie, omɛFalisai ne oSadukai aholo natsi sɛnda o. Abhomɛ-o, okpála atsia agbo bhɛsɛ o bhisi. <sup>8</sup> (Padhá de, anga oSadukai ziba nani naao de me okpála azúku mazuku-o de. U atsia apa di nani matá me andjelu ade, bua di ade. Engú bini, omɛFalisai atsia aziba nani naao ndɛ 'ngú bhomɛ-o hana.) <sup>9</sup> Abhomɛ-o, tolo atsia akolo naali. Omɛsuno na líli koko inde adɛ bhú ká omɛFalisai-e ayie bhúlá, u atsia apa ne angu hana me: «Ya u siti 'ngú bhú kpála inde-e belegɛ de bini. A mana mɛgito me andjelu bini, i dɛ di-e bua, agama 'ngú pi ani ngae!»

<sup>10</sup> Li okpála adɛ alo 'bhɛ lie sɛnda o naali-e, 'ngbé ngámá gba osɛdha-a aholo adje tsɛlɛ me u adji adolo Polo. Kaka-a, ani aha líli pi osɛdha-a me, u kɛ, u nɛ ha Polo bhú ká uo, amba u gie ani abhú 'ti gba osɛdha inde ngalila gɛdhɛ-o.

<sup>11</sup> Sukpe-e, Ngámá akoto li Polo, ani atsia apa pi ani me: «Atou! Padhá de, anga maka mo okpokpo 'ngú gba ma lie bhú gɛdhɛ na Yelusalema-a, a ayo bhadi me mɛ nɛ kpokpo bhú gɛdhɛ na Loma moko.»

### OmaYuda adje lio ngú nabhele Polo

<sup>12</sup> Li ekpí aseke lie, omaYuda adje lio pindji Polo, u atsia atɛ silika me o zú bha bini 'he, li o ndjí la bhadi 'he bhe nandji mandji-e me, o nde abhele bha bini ani

---

†23:5 Tsia bhú Eki. 22:27.

kalanu. <sup>13</sup> Okpála inde nani adje lio bhomu-o ane nani ndjikpa badha mane. <sup>14</sup> U anu abhaka ongbengbe odimandø di ne obhelesi okpála, u atsia apa pi uo me: «Ya atu silika me ya azu bha 'he me ya nde abhølo Polo kalanu. <sup>15</sup> Mbia inde-e, a ayo me ngayi ne Libi okpála natsia 'kpí li 'ngú gba omaYuda-a, yi yo ka 'ngbé ngámá gba osudha-a me, ani go ne Polo kala yi si. Yi mene mugito me yi akunda atsia 'kpí li engú gba ani-e ndjindji. La pi ya-a, ya bedhe ngú nabhølo ani me ani nde kolo nga de.»

<sup>16</sup> Engú bini, ndili na bhobhoko gba ndai Polo na øølo-o adje engú ango-o. Ani anu, ani ali bhú 'ti gba osudha inde ngalila gudhu-o. Ani atsia apa pi Polo.

<sup>17</sup> Abhomu-o, Polo a'i suka ongámási gba osudha-o. Do ani pi ani me: «Nu ne makombi inde-e pi 'ngbé ngámá gba osudha-o. Padhá de, anga ani ne engú napapa pi ani.» <sup>18</sup> Ngámá gba osudha-a aha ani, ani anu ne ani pi 'ngbé ngámá gba osudha-o. Ani atsia apa me: «Bhulu 'kpú Polo a'i ma, ani atsia ayo ka ma me, ma go ne makombi inde-e pi mu. Padhá de, anga ani ne engú napapa pi mu.»

<sup>19</sup> Abhomu-o, 'ngbé ngámá gba osudha-a aha 'kpa makombi-o. Ani anu ne ani ne li ngongo, ani atsia ayi ani me: «Mo okunda napa muma mangua 'ngú dho?»

<sup>20</sup> Ani atsia apa me: «OmaYuda adje lio me, o yo ka mu me ha Polo, amba mu go mambi ne ani kala Libi okpála natsia 'kpí li 'ngú gba omaYuda-o. U améne mugito me u ngakunda atsia 'kpí li 'ngú gba ani-e ndjindji. <sup>21</sup> Engú bini, mo obhúka uo de. Padhá de, anga okpála nane ndjikpa badha bhú ká uo, adje lio ngú namene ani sisiti. U atu silika me o zu bha bini 'he, li o ndji la bhadi 'he bhe nandji mandji-e me, o nde abhølo bha bini Polo kalanu. Mbia inde-e, uo bedhe. U ngadjeke bha maka mo opa lie ko.» <sup>22</sup> 'Ngbé ngámá gba osudha-a apa pi makombi ango-o me: «Mo opa pi kpála bini de me, ni apa engú inde-e muma apa-a de.» Pipita-a, 'ngbé ngámá gba osudha-a atsia agie ani sidi.

### **U atima Polo bhú gudhu na Sedjale**

<sup>23</sup> Pipita-a, 'ngbé ngámá gba osudha-a a'i ongámási na sudha gba e-e bhisi. Ani atsia apa pi uo me: «Yi po bhúla osudha kámá bhisi, di ne obhende ndjikpa mananika inde adhudhuku pí 'ngbu opunda, amba yi po la di bhúla obhende na

mandambi-e kámá bhisi. Ndụ yi hana yi dụ bedhe ngú nanụ bhú gụdhụ na Sedjale tagolo bhú saa na odukpabini. <sup>24</sup> Yi leke di punda ngú nabi Polo. Yi mene me anị kolo li bili li ngámá Felikisi nde lie ndjindji me ehe bini nde mene anị de.»

<sup>25</sup> Abhomụ-o, anị atsia aye balụa me:

<sup>26</sup> «Kolode Lisiasi apa me, ni yi Felikisi, ngámá na asasaua, mayi.

<sup>27</sup> OmaYuda aholo nako kpála inde ma atima e pi mụ inde-e ngao. U adụ akụnda nabhөлө anị. La-a, ma adje lie me a ko ndili na kati na Loma-a, ngama ne osudha gba ma-a, ya atsia agbụlụ anị ka uo. <sup>28</sup> Maka ma adụ akụnda nambila ta 'ngú inde u aholo anị ngú e lie, ma atsia anụ ne anị kala Libi okpála natsia 'kpí li 'ngú gba uo-o. <sup>29</sup> Ma au me, u aholo anị pindji ongú inde atsia líli gba uo-o. La-a, ma u anị ne engú bini inde u ti da nabhөлө anị, di ne bhende u ti da naholo anị ka e de. <sup>30</sup> Li u apa mụma lie me u adụ agili nabhөлө anị-e, ma atsia atima anị pi mụ kolo má gala! Ma atsia apa di pi okpála inde a'o 'ngú pí anị-e me, u nụ kpokpo 'ngú gba anị-e pi mụ.»

<sup>31</sup> Abhomụ-o, osudha-a atsia amene maka li 'ngbé ngámá gba uo apa pi uo lie ko. U aha Polo, u atsia anụ bha ne anị sukpe bhomụ bhú gụdhụ na Atipatilisí. <sup>32</sup> Li ekpí aseke lie, osudha bhende adhụkụ ne 'dhụ o agie lio li bili li osudha nalila gụdhụ-o adụdụ lie ko. U atsia a'o obhende adụ adhụkụ pí 'ngbụ opunda-a me, u nụ ne Polo. <sup>33</sup> U akolo lie bhú gụdhụ na Sedjale-e, osudha-a aha balụa pi ngámá na ndu doto ango-o. U atsia a'o di Polo sa 'kpa anị. <sup>34</sup> Abhomụ-o, ngámá-a atanga balụa-o. Anị atsia ayi me Polo ne kpála na ndu doto bhedho. Anị adje la lie me a ko kpála na ndu doto na Silisia-a, <sup>35</sup> anị atsia apa pi anị me: «Ma adjé engú gba mụ-o me okpála inde yi nde ne o bhú 'ngú-o nde akolo.» Abhomụ-o, anị atsia aha líli me u lila Polo bhú eti gba 'ngbé ngámá Elode. <sup>j</sup>

## 24

---

<sup>j</sup>23:35 *Eti gba 'ngbé ngámá Elode:* A adụ nani bhú Sedjale. Elode Ngbéngbé ayiki nani ngae. Ongámási na Loma atsia adji nani dabilí nadụ ka o tété.

## OmaYuda agbe Polo kala ngámá Felikisi

<sup>1</sup> Píta ekpí bhuluvue, bhele kpála gba odimandø Anania akolo bhú gũdhũ na Sedjale, bhú dabilí bini ne obhelesi okpála koko di ne avũka bini inde adũ 'lĩ e me Teletulusi. U atsia ato siti 'ngú ne 'lĩ Polo pĩ Felikisi, ngámá na ndu doto ango-o. <sup>2</sup> U a'ĩ Polo. Abhomũ-o, Teletulusi atsia aholo akpokpo lĩ anĩ me: «Ngámá na asasaua, Felikisi, mo oto guo 'ngú bhú ndu doto inde-e ngamũ. Mũ di aleke ongú bhelé bhú doto gba ya ne imbilangũ gba mũ-o. <sup>3</sup> Ndũ 'kpí hana di ne ndũ bilĩ hana, ngámá na asasaua, Felikisi, ya ngagie heni ngú ndũ 'ngú bhomũ-o hana. <sup>4</sup> Engú bini, ma kũnda nabhøle nedhinga gba mũ-o de. Kaka-a, ma ayo ka mũ me dje nga mbo ya bedĩ ne bádha bua.

<sup>5</sup> Ya au me kpála inde-e, a ko kpála na mũgwe. Anĩ ngato kpéke 'ndjĩ bhú 'ndjĩ ndũ omaYuda hana pĩla doto libhomu. A ko la di ngámá na Dadjua bini na Ebhe gba okpála na kũti na Nadjaleta. <sup>6</sup> Anĩ ale belegũ nasiti 'ngbé 'tĩ Ebhe gba omaYuda-o. Abhomũ-o, ya atsia aholo anĩ. [Ya akũnda nako me kodho 'ngú gba anĩ-e maka lĩ lílĩ gba ya apa lie-o. <sup>7</sup> Engú bini, Lisiasi, 'ngbé ngámá gba osũdha-a, atsia ayoko. Anĩ atsia agbulũ anĩ ka ya. <sup>8</sup> Pípĩta-a, anĩ atsia aha lílĩ pĩ ya me ya go ne anĩ kala mũ.] I dũ me mũ nde ayi anĩ ngamũ makpe-e, mũ tsia mbĩla me ndũ 'ngú hana inde ya apa e lĩ anĩ-e, a ko kũkũlũ 'ngú.» <sup>9</sup> OmaYuda atsia azĩba di ongú ango-o. Do uo me: «A ko kũkũlũ 'ngú.»

## Polo akpokpo 'ngú gba e kala ngámá Felikisi

<sup>10</sup> Abhomũ-o, ngámá Felikisi amene 'kpa e pĩ Polo me anĩ kpokpo 'ngú gba e-o. Polo atsia apa me: «Ma mbĩla ndjĩndjĩ me, ngũbula kalanga bhelé-e, mũ ngakodho 'ngú gba ya okpála na kũti inde-e ngbingbili. Kaka-a, ma ne djali naali ngú nakpokpo 'ngú gba ma-a pĩ mũ. <sup>11</sup> Mũ tĩ da nambila bha ngamũ makpe me ane nga ekpí ndjikpa ne ká bhisi de maka ma anũ nako lie bhú gũdhũ na Yelusalema ngú nadhøgø Ebhe-o. <sup>12</sup> Kpála bini bhaka ma namene kpekebhe ne kpála bini na 'ngbé 'tĩ Ebhe gba omaYuda-a de. Kpála bini bhaka la di ma nato kpéke 'ndjĩ bhú 'ndjĩ okpála bhú 'tĩ nadjĩ lílĩ gba Moidje , di ne lĩ kpadjĩ de.

<sup>13</sup> Okpála ago ne ma kala mũ inde-e ne engú bini ade inde i tĩ da nasuno me

engú inde u ngapa e li ma inde-e, a ko kúkúlé 'ngú. <sup>14</sup> Ma aziba kala m̄ si me ma ngakpata kpadji na mbia inde ngauo, u ngau e me a sisiti-o. La-a, ma ngadhège Ebhe gba onguo ogbi ní. Ma la di ngabhuka nd̄ 'ngú inde u aye e bhú obhuku na líli di ne bhe gba opolofeta-a hana. <sup>15</sup> Ma ne nabhuka bhú Ebhe bhadi maka uo me, okpála na ngbingbili di ne obhende ngbingbili ade-e azúku mazuku. <sup>16</sup> Kaka-a, ma ngamene nd̄ 'kpí hana ne kpéke me, bua ma d̄ ndjindji kala Ebhe, di ne kala okpála.

<sup>17</sup> Ma d̄ lie de bhú ḡdh̄ na Yelusalema nḡbula kalanga bhelé-e, ma atsia agie lima oo ngú nateteke obh̄lé ndibhili na doto gba ma-a ne tia, di ne naha makiso gba ma-a pi Ebhe. <sup>18</sup> Kaka-a, u abhaka ma bhú 'ngbé 'ti Ebhe gba omaYuda me, ma nde av̄lé lima ngú nakolo bubu kala Ebhe av̄lé. Ma bha ká okpála de. Ma to la di kpéke 'ndji bhú 'ndji okpála de. <sup>19</sup> OmaYuda koko bhú ká obhende ayie bhú ndu doto na Adjia, ad̄ oo. A ayo nako me u gbe ma kala m̄ ngao, i d̄ me u nde ne engú li pápá gba ma-o. <sup>20</sup> I d̄ mo-o de-e, a ayo me okpála inde si-e suno siti 'ngú inde u au ma ne e, nedhinga inde u agbe nako ma lie kala Libi okpála natsia 'kpí li 'ngú gba omaYuda-o .

<sup>21</sup> Padhá de, anga ma amene bha koli 'he bini. Ma apa kpekpeke kala uo me: <Yi agbe naki ma kala yi ngú nakpokpo 'ngú anga ma abhuka me okpála inde amu-o, azúku mazuku!>> <sup>22</sup> La-a, pi ngámá Felikisi-e, ani ad̄ ambila kpadji gba Yesu-o ndjindji. Abhom̄-o, ani agie engú ango-o me ni akódho sidi. Ani atsia apa pi uo me: «Ma akódho 'ngú gba yi-e, li nedhinga li 'ngbé ngámá gba os̄dha Lisiasi agó lie ko.» <sup>23</sup> Ani atsia aha líli pi ngámá gba os̄dha-a me u lila Polo, kpála na 'kp̄-o, malila. Engú la bini, u 'o ani me ani d̄ mbo bhú nḡ e. U ayóko di omaha ani ngú nateteke ani de.

### **U agbe matá Polo kala ngámá Felikisi ne Dulusile**

<sup>24</sup> Pita mbo ekpí bedi-e, ngámá Felikisi ago ne wala e Dulusile. Òlè ango-o ad̄ maYuda. Ngámá Felikisi atima okpála me u n̄ 'i Polo. Abhom̄-o, ani atsia adje engú li Polo akpokpo e pindji nabhuka Yesu Kilisito-o . <sup>25</sup> Pipita-a, Polo aholo akpokpo lele maka a ayo lie nad̄ ngbingbili , ne nane ḡm̄ k̄te di ne me ekpí

koko akólo makolo, ekpí inde li Ebhe akódho 'ngú gba okpála lie ko. Abhomu-o, ngámá Felikisi aholo adje tsulu. Ani atsia apa me: «Mbia inde-e, ma ti da nanu. I du me ma nde asia nedhinga-a, ma tsia 'í matá ma.»<sup>26</sup> Ani adu di ne 'to e me ni asia tia ka Polo. Kaka-a, ani adu a'i Polo piko ngú nakpokpo 'ngú ne ani.

<sup>27</sup> Pita kalanga bhisi-e, Polosiusi Fesitisi akolo ngámá bhú da ngámá Felikisi. Engú bini, ngámá Felikisi a'o ká Polo bhú tikpu, anga ani adu amene me omaYuda u ni ndjindji.

## 25

### **Polo ayo me 'ngbé ngámá Kaisala kodho 'ngú gba ni-e ngae**

<sup>1</sup> Li ngámá Fesitisi akolo lie bhú ndu doto ang-o, pita 'kpí bata-a, ani ayie bhú gudhu na Sedjale, ani atsia anu bhú gudhu na Yelusalema. <sup>2</sup> Ongbengbe odimandø , di ne ongámási gba omaYuda-a , ago kala ani. U atsia ato siti 'ngú ne 'li Polo pi ani. U akikiliki lio pi ani me, <sup>3</sup> ani ziba pi o me o nu ne Polo bhú gudhu na Yelusalema. U adje lio me, li o kolo li kpadji-e, o de bhøle ani. <sup>4</sup> Engú bini, ngámá Fesitisi agie pi uo me: «Bili na tikpu gba Polo-o, a ko Sedjale. La-a, ngama makpe-e, ma adji bhadi oo mbia inde.» <sup>5</sup> Ani atsia apa matá me: «A ayo me ongbengbe okpála gba yi-e nu bhú dabili bini ne ma. I du me kpála bhomu-o nde amene siti 'ngú-o, u de kpokpo oo ko.»

<sup>6</sup> Ngámá Fesitisi amene agba uo ekpí nayie bhú madjina masikpe de nakolo bhú ndjikpa. Pipita-a, ani atsia agie lie bhú gudhu na Sedjale. Li ekpí aseke lie, ani atsia anu li bili nakodho 'ngú-o. Abhomu-o, ani atsia aha líli me u go ne Polo. <sup>7</sup> Li Polo ago lie, omaYuda inde ayie bhú gudhu na Yelusalema-a, asa lio dengo ani. Abhomu-o, u aholo apa osisiti 'ngú na ngbengbengbe li ani bhelé bhelé. La-a, u du ambila nakpokpo ta ongú ang-o de, anga a adu eu. <sup>8</sup> Abhomu-o, Polo atsia aholo nakpokpo 'ngú gba e me: «Ma mene siti 'ngú bini de. Ma gumu líli gba omaYuda-a de. Ma siti 'ngbé 'ti Ebhe gba omaYuda-a de. Ma mene la di siti 'ngú li 'ngbé ngámá Kaisala de.» <sup>9</sup> Ngámá Fesitisi adu amene me omaYuda u ni ndjindji. Kaka-a, ani atsia ayi Polo me: «Mo kunda nanu bhú gudhu na

Yelusalema, ngɔbula me u kodho 'ngú gba mɛ-o kala ma oo?»

<sup>10</sup> Engú bini, Polo agie me: «Ma alɛ e bhú ndende gba 'ngbé ngámá Kaisala-o. A ayo me u kodho 'ngú gba ma-a bha si. Ma mene siti 'ngú li omaYuda belegɔ de bini. Ngamɛ makpe-e, mo ombila 'ngú tété ndjindji. <sup>11</sup> I dɛ me ma nde atɛ 'ngú, i dɛ di me ma nde amene siti 'ngú inde ayo me u bhøle ma ka e-e, ma yala nakpi de. Engú bini, i dɛ la me, kɛkɛlɛ 'ngú nde bhú ká ongú inde u ngapa e li ma ade-e, kpála bini ti da natse 'kpa li ma pi uo de. Ma ayo me 'ngbé ngámá Kaisala kodho bha 'ngú gba ma-a ngae.» <sup>12</sup> Abhomɛ-o, pita li ngámá Fesitusi agama 'ngú ne obhelesi okpála gba e lie, ani atsia apa me: «Mo oyo lie me 'ngbé ngámá Kaisala kodho bha 'ngú gba mɛ-o ngae, mo onú agba ani.»

### **Polo akpokpo 'ngú gba e kala 'ngbé ngámá Agilipa**

<sup>13</sup> Pita mbo oekpí, 'ngbé ngámá Agilipa ne ndai e na øle Belenise, akolo bhú gɔdhɛ na Sedjale. U anɛ natsia ngámá Fesitusi. <sup>14</sup> U asi oo mbo ekpí bhelé. Abhomɛ-o, ngámá Fesitusi atsia akpokpo 'ngú gba Polo pi 'ngbé ngámá Agilipa me: «Kpála bini bhú tikpɛ si, ngámá Felikisi a'o nani ka ani ngae. <sup>15</sup> Ma anɛ nako lie bhú gɔdhɛ na Yelusalema-a, ongbengbe odimandø gba Ebhe di ne obhelesi okpála gba omaYuda-a, ato siti 'ngú ne 'li ani mɛma. U atsia apa mɛma me, ma 'o 'ngú pí ani. <sup>16</sup> Ma agie pi uo me: «Agba ya okpála na Loma-a, kala me u 'o 'ngú pí kpála-a, ayo me u dɛlɛ ngaiza kala ongámási ne okpála inde agbe ani kala uo-o bhú dabilí bini. Ani kpokpo 'ngú gba e ngú nagbegbe lie bhú 'ngú ango-o ko.»

<sup>17</sup> Ya atsia ago si ne uo bhú dabilí bini. Ma djeke de, li ekpí aseke lie, ma aha líli me u go ne kpála ango-o kala ma li bilí nakodho 'ngú-o. <sup>18</sup> Okpála inde ato siti 'ngú li ani pi ongámási-e ago. Engú bini, ma u siti 'ngú inde u asungula ani pi ongámási ngú e maka bhende ma adɛ abhundja e de. <sup>19</sup> La-a, u adɛ amene kpekebhe pindji 'ngú na Ebhe gba o di ne pindji 'ngú gba kpála bini inde 'li e me Yesu. Padhá de, anga kpála ango-o akpi, engú bini, Polo la ngapa me ani ɛɛ.

<sup>20</sup> Mɛma-a, ma mbila 'ngú ma akódho e li ngua 'ngú bhomɛ-o de. Kaka-a, ma ayi Polo atigala ani zɛba nanɛ bhú gɔdhɛ na Yelusalema, amba u kodho 'ngú gba



ani-e oo. <sup>21</sup> Engú bini, Polo ayo me 'ngbé ngámá na gúdhú na Loma kodho bha engú gba ni-e ngae. Abhomú-o, ma atsia aha lílí me u lila ani bhú tikpú akolo li 'kpí ma atíma ani lie pí 'ngbé ngámá Kaisala ko.» <sup>22</sup> 'Ngbé ngámá Agilipa atsia apa pí ngámá Fesitisi me: «Ngama di-e, ma akúnda nga di me ma dje kpála ango-o.» Ngámá Fesitisi atsia agie pí ani me: «Mo odjé ani mambi.»

<sup>23</sup> Abhomú-o, li ekpí aseke lie, 'ngbé ngámá Agilipa ne Belenise ago bhú asasaua ne bhiti okpála. U ali bhú 'tí nakodho 'ngú bhú dabilí bini ne ongámási gba osúda di ne ongbengbe okpála na gúdhú-o. Ngámá Fesitisi atsia aha lílí me u go ne Polo. <sup>24</sup> Pípíta-a, ngámá Fesitisi atsia apa me: «'Ngbé ngámá Agilipa di ne ndú yi okpála hana inde bhú dabilí bini ne ya sí-e, yi tsia nga kpála inde. Ndú omaYuda hana ago akpokpo 'ngú gba ani-e múma. U abhaka ma bhú gúdhú na Yelusalema, u atsia ago belegú ei ne nasúsula me: «A ayo me u bhələ ani!»

<sup>25</sup> Múma-a, ma u siti 'ngú inde ayo me u bhələ ani ka e de. La-a, ani ayo lie me 'ngbé ngámá na Loma kodho bha 'ngú gba ni-e ngae, ma atsia aziba me ma tima ani pí ani. <sup>26</sup> Ma mbila engú inde ma tí da naye e pí 'ngbé ngámá li engú gba ani-e de. Kaka-a, ma agbe ani kala yi, la ndjú makpe kala mú, 'ngbé ngámá Agilipa. Yi ani, amba ma sia engú inde ma ayé e ko. <sup>27</sup> Padhá de, anga a ko múma engú na ngingi me, ma tima kpála na tikpú pí 'ngbé ngámá Kaisala me, ma nde suno ta 'ngú inde u aholo ani ngú e pí ani de ko.»

## 26

### Polo akpokpo 'ngú gba e kala 'ngbé ngámá Agilipa

<sup>1</sup> 'Ngbé ngámá Agilipa atsia apa pí Polo me: «Mú tí da nakpokpo 'ngú gba mú-o.» Abhomú-o, Polo a'e 'kpa e, ani atsia akpokpo 'ngú gba e me: <sup>2</sup> «'Ngbé ngámá Agilipa, naki-e, ma ne djali naali ngúbula nakpokpo 'ngú gba ma kala mú li ndú 'ngú hana inde li omaYuda apa e li ma ko. <sup>3</sup> Padhá de, anga mú mbila dasúndú di ne kpekebhe gba omaYuda hana. Kaka-a, ma ayo ka mú me, dje nga mbo ma ne 'ndjá bua.

<sup>4</sup> Ndú omaYuda hana mbila múkobho gba ma-a ndjindji nayie li nedhinga ma

adụ lie makombi-o. U mbila maka ma adụ akobho lie bhú ká okpála na doto gba ma di ne bhú gụdhụ na Yelusalema ndjindji. <sup>5</sup> U ambila nani ma didili. U ti da napapa ngao, i dụ me u nde akunda-o. Ma dụ nani ne sụka omụFalisai inde adụ alila lili nadhөгө Ebhe gba ní-e ndjindji-o. <sup>6</sup> La mbia inde-e, u agbe ma li bili nakodho 'ngú-o anga ma ne 'to ma 'to engú inde li Ebhe apa nani kalanụ me ni améne e pi onguo ogbi ní-o. <sup>7</sup> Okpála na piga ndjikpa ne ká bhisi gba ní-e, nga'o 'to o me engú ang-o améne lie mamene. Ka 'ngú ang-o, u ngamene kulu kpekpeke pi Ebhe, sukpe ne ngbikpi. 'Ngbé ngámá Agilipa, ngama di-e, ma bhadi ngabhuka moko. Kaka-a, omaYuda atsia ato siti 'ngú ne 'li ma pi ongámási. <sup>8</sup> Ka ni ngayi omaYuda, yi ti da nabhuka lie de me, Ebhe azúku okpála inde amu-o mazuku-o?

<sup>9</sup> Ngama makpe, ma adụ abhundja nani me, ma mene ne kpéke me okpála abhúka Yesu, kpála na kúti Nadjaleta de. <sup>10</sup> A ko engú inde ma amene di-e bhú gụdhụ na Yelusalema ko. Ongbengbe odimandө aha kpadji mụma ngao. Ma amba omabhuka bhelé bhú tikpụ. U adụ akodho 'ngú gba uo lie me u bhili uo, ma atsia adụ aziziba. <sup>11</sup> Ma adụ apụ piko bhú oti nadjе lili gba Moidje-o . Ma adụ amene uo sisiti ngubula me u sobho Yesu. Bhú nabi 'gú gba ma-a, ma adụ belegụ nakpata uo bhú ogụdhụ gba ogandji okpála .»

### **Polo akpokpo maka ani adji bua e lie-o**

<sup>12</sup> Kaka-a, ekpí bini ma adụ anụ bhú gụdhụ na Damasi. Ongbengbe odimandө aha angu mụma, u atsia atima ma oo. <sup>13</sup> Li kpadji-e, bhú nedhinga na tulukpe-e, 'ngbé ngámá Agilipa, ma au zi 'kpí ayie abhúlá. Zi 'kpí ang-o adụ kpekpeke naali ane zi ela mane. Zi 'kpí ang-o aholo aziga ma ngbalina bhú dabili bini ne okpála inde ya adụ ne o ko. <sup>14</sup> Ndụ ya hana, ya atuko kuto má dhululu! Abhomụ-o, ma atsia adje eli bini apa mụma bhú eli gba omaYuda me: «Saulo, Saulo, mụ ngato mbolo li ma ka ni? Mụ ngaha likabhu pi mụ makpe maka enụ inde atụ lie li ndula gba mụlila gba e-o.» <sup>15</sup> Ma atsia ayi me: «A ko mụ da, Ngámá?» Abhomụ-o, Ngámá atsia agie mụma me: «Ngama-a, ma ne Yesu inde mụ ngato mbolo lie ko.

<sup>16</sup> Engú bini, yie bhúlá, amba m̄ l̄ mal̄. Padhá de, anga ma akoto li m̄ nḡbula me m̄ kolo kpála na kulu gba ma-o. Mo okpókpo pi okpála me mo ou ma naki. Mo okpókpo di matá pi okpála nd̄ 'ngú hana inde ma asúno e pi m̄ sidi ko. <sup>17</sup> Ma alíla m̄ ka omaYuda di ne ogandji okpála inde ma atíma m̄ agba o-o. <sup>18</sup> Mo obhúlu djila uo, u zé bhú bití, u tsia lí li zi 'kpí. U d̄ matá sa líli gba Satana de. Engú bini, u adjí ibili lío pi Ebhe. I d̄ me u nde abhuka ma-a, u tsia sía nambu li siti 'ngú gba o-o. U tsia d̄ la di bhú dabilí bini ne okpála na bububu gba Ebhe-o.»

### **Polo akpokpo 'ngú pindji engú inde aní amene e-o**

<sup>19</sup> «Kaka-a, 'ngbé ngámá Agilipa, nayie li nedhinga bhom̄-o, ma yala titima na engú ma au e inde ayie ka Ebhe-e de. <sup>20</sup> Engú bini, ma akpokpo ngaíza pi okpála na ḡdh̄ na Damasi, ne okpála na ḡdh̄ na Yelusalema, ne okpála na ndu doto na Yudaya libhomu, la di ne pi nd̄ okpála hana na gandjigandji. Ma akpokpo pi uo me: «Yi dji bua yi, amba yi gie liyi li pápá gba Ebhe.» La matá di me: «Yi mene bádha kulu inde asúno me yi adjí bua yi k̄k̄l̄.» <sup>21</sup> Ka 'ngú ang-o, omaYuda aholo ma bhú 'ngbé 'ti Ebhe gba omaYuda, u di me bhele ma. <sup>22</sup> Engú bini, Ebhe alila ma nakolo pi naki. Padhá de, anga ma ngakpokpo engú gba Yesu-o pi nd̄ okpála hana, pi ongisi di ne pi obhelesi okpála. Ma pa 'ngú koko de, bha bini bhende li opolofeta di ne Moidje apa nani e me akólo makolo-o. <sup>23</sup> U apa nani me Masiya azú líkabhu, aní tsia d̄ kpála na bini inde azúku bhú ká okpála inde amu-o. Aní akpókpo pi nd̄ okpála na piga gba ní-e hana di ne pi ogandji okpála ngali na zi 'kpí na m̄kobho.»

### **Eli gba Polo ale nagbele bua 'ngbé ngámá Agilipa**

<sup>24</sup> Li nedhinga li Polo ad̄ akpokpo 'ngú gba e lie, ngámá Fesitusi atsia asula me: «Polo, m̄ ne bh̄l̄ pele! Bal̄a mo omene e naali-e ato bhú djila m̄ pele!» <sup>25</sup> Abhom̄-o, Polo atsia agie pi aní me: «Ngámá Fesitusi, ma ne bh̄l̄ pele ade. Engú inde ma ngapa e, a ko 'ngú na k̄k̄l̄ di na imbilanḡ. <sup>26</sup> 'Ngbé ngámá Agilipa mbila nd̄ 'ngú bhom̄-o hana ndjindji. Kaka-a, ma ngakpokpokpo pi aní ne ts̄l̄ ade. Ma aziba me aní mbu li s̄s̄ka bini de. Padhá de, anga nd̄ 'ngú

bhomɔ-o hana mene lie bhú pepe de. <sup>27</sup> 'Ngbé ngámá Agilipa, mo obhuka engú inde li opolofeta apa e uu? Ma ambila me mo obhuka!»

<sup>28</sup> Abhomɔ-o, 'ngbé ngámá Agilipa ayi Polo me: «Mo obhundja naamɔ me ni ti da nadji ma makilisito bhú nedhinga bedi mo-o?» <sup>29</sup> Polo atsia agie me: «Belegɔ i dɔ ngɔbula nedhinga bedi, belegɔ i dɔ di ngɔbula nedhinga bhelé-e, ma ngayo Ebhe bha ngɔbula mɔ kpi mɔ kpi ade. Engú bini, ma ngayo Ebhe ngɔbula ndɔ yi okpála hana inde ngadje ma li 'kpí na naki. Ma ngayo Ebhe ngú yi me, yi kolo di maka ma nde lie, naneke bha bini ogbindjili inde bhú 'kpa ma inde.»

<sup>30</sup> Abhomɔ-o, 'ngbé ngámá Agilipa, ne ngámá Fesitisi, ne Belenise di ne ndɔ okpála hana inde adɔ bhú dabili bini ne uo-o, ayie bhúlá. <sup>31</sup> U agbe lio ne li ngongo, u atsia akpokpo sɔnda o me: «Kpála inde-e mene siti 'ngú bini de inde ayo me, u to ani bhú tikpɔ di me u bhøø ani ka e-o.» <sup>32</sup> 'Ngbé ngámá Agilipa apa pi ngámá Fesitisi me: «Í dú me kpála inde-e yó nako de me 'ngbé ngámá Kaisala kodho bha 'ngú gba ni-e ngae de-e, mɔ de agbe ani bhú tikpɔ agbe .»

## 27

### U atima Polo bhú gɔdhɔ na Loma

<sup>1</sup> Li u apa lie me ya nɔ bhú doto na Itali bhú 'ngbé zabɔ-o, u atsia aha Polo di ne okpála koko na tikpɔ-o pi ngámá bini gba osɔdha. A adɔ 'li ani me Djuliusi. Ani adɔ ngámá pí 'ndji libi osɔdha inde u adɔ a'i o me «Osɔdha gba 'ngbé ngámá Kaisala-o .» <sup>2</sup> Ya aha 'ngbé zabɔ na gɔdhɔ na Adalamite. 'Ngbé zabɔ ango-o adɔ anɔ li pápá li obili li ozabɔ alɔlɔ lie bhú ndu doto na Adjia-o. Abhomɔ-o, ya atsia agbida. Kpála bini na gɔdhɔ na Tesalonike, bhú ndu doto na Makedonia, anɔ bhú dabili bini ne ya. A adɔ 'li ani me Alisitaluka.

<sup>3</sup> Li ekpí aseke lie, ya akolo bhú gɔdhɔ na Sidona. Djuliusi adɔ ne bádha bua li pápá gba Polo. Abhomɔ-o, ani atsia aha kpadji pi Polo me ani nɔ agba obi e, amba u teteke ani ne oehe inde ani nde ne gɔmɔ e-o. <sup>4</sup> Ya yie lie oo, ya apɔ lingo kpømø na Sipele, anga anvi adɔ akɔnda nagie ya ne sidi. <sup>5</sup> Ya agulu 'ngbé 'ngu inde lingo ndu doto na Silisia di ne Pamifilia ko. Abhomɔ-o, ya atsia akolo bhú

gɔdɔ na Mila bhú ndu doto na Lisia. <sup>6</sup> Oo, ngámá gba osɔdha-a abhaka 'ngbé zabɔ bini na gɔdɔ na Alekidjandili me a nde adji bhú doto na Itali, aní atsia abu ya bhúbhú.

<sup>7</sup> 'Ngbé zabɔ-o adɔ adhɔkɔ bhúbhɔkɔ naali. Kaka-a, ya amene 'kpí bhelé, ya atsia adje likabhu naali ngɔbula nakolo lingo gɔdɔ na Sinide. La ya ale lie nanɔ lí pápá bhomɔ-o pima ka anvi-e, ya atsia apɔ lingo doto na Salamone inde alí ne abhú 'ngu bhú kpɔmɔ na Kelete ne asagɔ-o. <sup>8</sup> Ya adhɔkɔ má tili tili lingo kpɔmɔ-o, ya atsia akolo lí bílí inde u a'í e me «Babadha ngo 'gɔ», masikpe de gɔdɔ na Ladje.

<sup>9</sup> Abhomɔ-o, da nadhɔkɔ bhú 'ngbé zabɔ-o atsia akolo sisiti, masikpe de namu ka okpála. Padhá de, anga nedhinga na anokomia natse 'zɔ na epe na odukpabini-e adɔ me a nde ane. Kaka-a, Polo atsia apa pí uo me: <sup>10</sup> «Ondaise ma, ma ngau me enú inde-e adú sisiti. 'Ngbé zabɔ ne oehe inde bhúbhú-o asíti masiti, abana nganí makpe-e, ní akólo masikpe de namu.»

<sup>11</sup> Engú bini, ngámá gba osɔdha adɔ aziba naae naali mabhundja gba kpála inde adɔ adjele 'ngbé zabɔ-o, di ne bhe gba bhɔlɔ 'ngbé zabɔ-o. Aní tsia ziba bhe gba Polo-o de. <sup>12</sup> Matá di-e, kɔti ango-o tí ne nabhue bhúbhú bhú nedhinga na zini de. Abhomɔ-o, masikpe de ndɔ okpála hana inde adɔ bhú 'ngbé zabɔ-o atsia apa me o yie oo mayie. U adɔ akɔnda di me, i dɔ me o nde ne ngasa-a, o de kolo bhú gɔdɔ na Fenikisi. A ko sɔka gɔdɔ na ngo 'ngu na kpɔmɔ na Kelete. A ngatsia 'kpí ne lí pápá na sɔnda yoyoko ne akati, di ne sɔnda abebe ne akati. U adɔ akɔnda me o kolo oo ngɔbula me nedhinga na zini-e kodho 'kpí me o nde oo ko.

### **Anvi na kpekpeke ape pí 'ngu**

<sup>13</sup> Abhomɔ-o, anvi na bhúbhɔkɔ aholo nape nayie ne lí pápá na yoyoko. U atsia aziba me mabhundja gba o-o akódho 'kpí ndjindji. U agbe kalase inde u agbite e lí 'kpú ngú nalɔ ka 'ngbé zabɔ-o bhú 'ngu, u atsia aholo akpangba ngo kpɔmɔ na Kelete. <sup>14</sup> Kolo pita nedhinga bedi-e, anvi na kpekpeke inde u a'í e me «Elakele», ayie bhú kpɔmɔ, atsia aholo nape. <sup>15</sup> Anvi ango-o aholo atumba 'ngbé zabɔ-o. Da

napa me 'ngbé zabu-o lu kakala-a adu kpekpeke. Abhomu-o, ya atsia a'o me 'ngbé zabu-o nu ibili bha ne ya li pápá inde li anvi adu atamba ya lie ko.

<sup>16</sup> Ya akolo lingo mboye kpemø u a'i e me Kauda inde alila mbo ya bedi ka anvi-o. Abhomu-o, ya atsia amene ne kpeke ngu nagbili mboye kéké-o ne bhúla.

<sup>17</sup> U aha, u ato bhú 'ngbé zabu-o. Pipita-a, u agbigbite ngo 'ngbé zabu-o hana ne ekpu ngu nalilila. U adu la lie ne tsulu me 'ngbé zabu anu atu lie li sike, i tsia bála o lingo doto na Libi de-e, u a'e bongo inde pí 'ngbu 'ngbé zabu-o, u atsia a'o me anvi du ibili adyudyo o ngae. <sup>18</sup> Li ekpu aseke lie, anvi adu bha adyiki 'ngbé zabu-o ne ya kpekpeke. Kaka-a, u atsia aholo apandja oehe inde adu bhúbhú-o, ababala bhú 'ngu. <sup>19</sup> Bhú 'kpi na bata-a, okpála na kulu ngao makpe-e, u abha oehe inde nadjele 'ngbé zabu-o, u atsia abala bhú 'ngu. <sup>20</sup> Sunda 'kpi bhelé, ya u ela de. Ya u di oikupala de. Anvi adu bha nape kpekpeke. Ya du matá ne 'to ya de me ya akóbho makobho-o de.

<sup>21</sup> Okpála inde adu bhú 'ngbé zabu-o zu 'he de ngubula 'kpi bhelé. Abhomu-o, Polo ayie bhúla, ani alu bhú ká uo. Ani atsia apa me: «Ondaise ma, i dú nako me yi djé ma uu me ní ayie bhú kpemø na Kelete de-e, ní de sia ngua likabhu inde-e de. Oehe-e de siti la di-i de. <sup>22</sup> La mbia inde-e, yi sia kpeke bua. Padhá de, anga saka yi bini kpi-i de, engu bini, asiti bha bini ne 'ngbé zabu-o. <sup>23</sup> Sukpe na naki-e, Ebhe inde ma nde ne bali gba e-e, ma nde la di ngamene kulu pi e-e, atima andjelu gba e muma. <sup>24</sup> Ani atsia apa muma me: «Polo, mo odje tsulu de. A ayo me mu kpokpo 'ngu gba mu-o kala 'ngbé ngamá Kaisala. Kaka-a, Ebhe bhú bádba bhú 'bu gba e akóbho mu di ne okpála inde yi nde ngadholo bhú dabili bini ne o bhú 'ngbé zabu-o.» <sup>25</sup> Ka 'ngu ango-o, ondaise ma, atou! Padhá de, anga ma ngabhuka me, Ebhe améne maka ani apa lie muma ko. <sup>26</sup> Engu bini, 'ngbé zabu anu atu lie ne ní lingo kpemø bini.»

<sup>27</sup> Sukpe na ekpu na ndjikpa ne ká badha, anvi adu adyudyo 'ngbé zabu-o ne ya pí 'ngbé 'ngu inde 'li e me Adiliatike.<sup>k</sup> Abhomu-o, tutu sukpe-e, okpála

---

<sup>k</sup>**27:27 Adiliatike:** 'Ngbé 'ngu ango-o sunda doto na Itali ne bhende gba oGiliki. U aye bhú obhuku koko me «'ngbé 'ngu na Meditelani».

nadjele 'ngbé zabu-o abhundja naao me ya akolo denge 'gə. <sup>28</sup> U aha ekpí inde u agbite tili 'he li 'ndji e, u abhike bhú 'ngu. U atsia au me engu-o tsutsu metele ndjikpa bata ne ká mananika. U adyudyo mbo lio ne kalanu masudha, u atsia abhike matá bhú 'ngu. U au me engu-o tsutsu metele ndjikpa bhisi ne ká madjina.

<sup>29</sup> U adu adje tsulu me 'ngbé zabu-o atú lie li oteme de. Kaka-a, u atsia abala okalase badha inde u agbigbite e li okpu-o bhú 'ngu ne akele 'ngbé zabu-o, ngubula me alu bhú da e bini. U atsia adu ne gumu me ekpí seke bhado má gala!

<sup>30</sup> Okpála nadjele 'ngbé zabu-o adu agili kpadji ngú nakpe. Abhomu-o, u agbe mboye kéké-o, u abhike pí 'ngu. U amene mugi to me u adji abala okalase inde u agbigbite e li 'kpu-o, ngú nalu ka 'ngbé zabu-o ne akala zabu-o. <sup>31</sup> Polo atsia apa pi ngámá gba osudha di ne pi osudha-a me: «Li okpála inde-e du bhú 'ngbé zabu-o de-e, yi ti da nakobho de.» <sup>32</sup> Abhomu-o, osudha-a atsia atsotsolo okpu na mboye kéké-o, atsia atapa.

<sup>33</sup> Kala me ekpí seke-e, Polo ayo ka ndu okpála hana me u zu 'he. Ani atsia apa pi uo me: «A ko naki ekpí ndjikpa ne ká badha, yi ngadjeke. Yi ngasi gumu. Yi le ku 'he belegu de bini. <sup>34</sup> Kaka-a, ma ayo ka yi me yi zu 'he. Padhá de, anga yi ne gugumu ngubula me yi kobho. Kpála bini bhú ká yi kpí-i de.» <sup>35</sup> Pita ani apa lie mo-o, ani aha mapa, ani agie heni pi Ebhe bhú ká djila ndu okpála hana. Pipita-a, ani agumu mapa-o, ani atsia aholo nazuz. <sup>36</sup> Abhomu-o, ndu uo hana asia kpeke bua, u atsia aholo di nazu 'he. <sup>37</sup> Bhú 'ngbé zabu-o, ya adu hana okpála kámá bhisi ndjikpa mananika ne ká madhia.<sup>1</sup> <sup>38</sup> U a'u'u lie, u atsia abala ngano bhú 'ngu ngubula me 'ngbé zabu-o kolo yayaka.

### 'Ngbé zabu-o alinda bhú 'ngu

<sup>39</sup> Li ekpí aseke lie, okpála nadjele 'ngbé zabu-o mbila de me o bhú mangua doto dho-ie de. Engú bini, u au ngo 'gə di ne sike. U atsia abhundja me o ti da nadyudyo 'ngbé zabu-o li bili ango-o. <sup>40</sup> U abhubhulu okalase-o, u atse 'kpa tété bhú 'ngu. U abhubhulu di ekpí na oehe inde adu amene me 'ngbé zabu-o

---

<sup>1</sup>27:37 *Kámá bhisi ne ndjikpa mananika ne ká madhia:* U aye bhú obhuku koko me «kámá bhisi ne ndjikpa mananika ne ká bhuluvue.»

dhukɔ-o. Pipita-a, u abhulu bongo inde li bhála ’ngbé zabɔ-o ngɔbula me anvi holo nadyudyuyo. Abhomɔ-o, u atsia aholo nanɔ ne li pápá na ngo ’gɛ. <sup>41</sup> Engú bini, ’ngbé zabɔ-o anɔ atɔ lie li ’ta sike, li bili inde li engu ngago lie ne ndɔ pasɔ bhisi hana-o. Bhála ’ngbé zabɔ-o adha bhú ’ta sike-o, a ale adɔla lie pima. Tabhu tabhu-o atsia agumɔ. Padhá de, anga engu-o atɔ lie tété kpekpeke.

<sup>42</sup> Osɔdha adɔ akɔnda nabhili okpála na tikpɔ-o, amba sɔka uo bini akpé ne akango de. <sup>43</sup> Engú bini, ngámá gba osɔdha-a adɔ akɔnda nakobho Polo. Abhomɔ-o, aní ayoko uo me u améne mo-o de. Aní atsia aha líli pí okpála bhende ambila nati akango me u bala bhú ’ngu kalanɔ, amba u ze apí ’gɛ. <sup>44</sup> Okpála koko akpáta uo sidi me u nde ahoholo lío li opalangí di ne opapala ’he na ’ngbé zabɔ-o. Abhomɔ-o, ndɔ uo hana atsia akolo apí ’gɛ ndjindji.

## 28

### Polo bhú kpɔmɔ na Malete

<sup>1</sup> Pita ya akobho lie, ya atsia adje me a ’li kpɔmɔ ang-o me Malete. <sup>2</sup> Okpála na kpɔmɔ ang-o asia ya ndjindji. Li ebha aholo adhi lie, zini aholo amene ya.

Abhomɔ-o, u akpo djua má tu tu tu! Ya atsia ago adɔlɔ ndɔ ya hana dede. <sup>3</sup> Polo akuo ’i ’wa, aní abu bhú djua. Engú la bini, mbɔma akoto bhúbhú ka wowo djua, aní atsia adhedhe li ’kpa aní. <sup>4</sup> Li okpála na kpɔmɔ ang-o au lie me kpɔlɔ adhedhe li ’kpa aní mo-o, u atsia apa sɔnda o me: «Kpála inde-e bha ndjɔ ne bhɔlɔ nabhɔlɔ kpála kɔkɔlɔ. Padhá de, anga belegɔ aní akobho lie bhú ’ngu-o, Ebhe inde ’li e me ngbili ’ngú ziba de me aní dɔ bhú mɔkobho-o de.»

<sup>5</sup> Engú bini, Polo adyíki ’kpa e, kpɔlɔ-o atsia atí bhú djua, ehe bini mene aní de. <sup>6</sup> La-a, u adɔ adjeke me ’kpa aní adji asíka di ne me aní atí kuto ne nakpi ka e bini. U adjeke ngengele, u au la lie me ehe bini mene aní de-e, u adji mabhundja gba o-o. U atsia apa me: «A ko ebhe!» <sup>7</sup> Ngámá na kpɔmɔ inde adɔ ’li e me Pubiliusi adɔ ne kɔti gba e na ngbéngbé de bili ang-o. Aní asia ya ndjindji, ya atsia asi agba aní ekpí bata. <sup>8</sup> Bhú nedhinga bhomɔ-o, ’dyi Pubiliusi adɔ ne kuo pí mako. Aní adɔ ne bandji, aní atsia adɔ di agie ngute. Abhomɔ-o, Polo anɔ natsia aní.



Ani ayo Ebhe pi ani. Ani a'o 'kpa e pi 'ndji ani. Ani atsia akobho ani. <sup>9</sup> Pipita-a, okpála koko inde adu ne kuo bhú kpemə bhomu-o, ago di nabhaka ani, ani atsia akobho uo. <sup>10</sup> U adhogə ya naali. Nedhinga nayie ka ya oo, u aha ndu 'he hana inde a ti ne ya ngubula kpadji-e pi ya.

### **Polo akolo bhú gudhu na Loma**

<sup>11</sup> Pita epe bata-a, ya a'u bhú 'ngbé zabu na Alekidjandili. A adu 'li 'li me «Diosikulese.<sup>m</sup>» Nedhinga na zini ane nani 'ngbé zabu angoo-o bhú kpemə oo. <sup>12</sup> Ya akolo lie bhú gudhu na Silakusi, ya asi oo ekpi bata. <sup>13</sup> Ya ayie oo, ya aholo nakpangba ngo 'ngu, ya atsia akolo bhú gudhu na Ledjio. Li ekpi aseke lie, anvi ayie ne li pápá na yoyoko, aholo nape. Abhomu-o, pita 'kpi bhisi-e, ya atsia akolo bhú gudhu na Pudjole. <sup>14</sup> Bhú gudhu angoo-o, ya abhaka ondaise ya omabhuka oo. U atsia ayo ka ya me ya du mbo ne o ngubula poso bini. Abhomu-o, ya atsia anu bhú gudhu na Loma. <sup>15</sup> Ondaise ya na gudhu na Loma adje me ya akolo. Kaka-a, u ago akolo bhú gudhu inde 'li e me Daposo na Apiusi, di ne bhende 'li e me Oeti Bata, ngu nakə lio ne ya. Li Polo au uo lie, ani agie heni pi Ebhe, ani atsia asia kpeke bua. <sup>16</sup> Abhomu-o, ya akolo bhú gudhu na Loma. U aha dabili pi Polo kpi bhú dabili bini ne sudha inde adu atsia 'kpi li ani-o.

### **Polo akpokpo 'ngú gba e bhú gudhu na Loma**

<sup>17</sup> Abhomu-o, pita ekpi bata-a, Polo a'i ongamási gba omaYuda inde ngadulu bhú gudhu na Loma-a agba e. U apo bhúla o lie, ani atsia apa pi uo me: «Ondaise ma, ma mene okpála na kuti gba ní-e sisiti de. Ma siti la di dasandu gba onguo ogbi ní-e de. Abana mo-o, u aholo ma bhú gudhu na Yelusalema, u atsia apu ma pi okpála na gudhu na Loma. <sup>18</sup> U ayiyi ma li ongu. Engu bini, u u ma ne engu bini inde u ti da nabhəle ma ka e de. Kaka-a, u adu akunda me o tse 'kpa li ma. <sup>19</sup> La li omaYuda ayala lie, ma atsia au ndjindji me 'ngbé ngamá Kaisala

---

<sup>m</sup>28:11 *Diosikulese*: A ko nani oebhe obhukosi inde li oGiliki adu aha o maka oebhe gba o. Okpála nadhaku bhú 'ngu aha nani uo maka oebhe inde adu alila o ko.

kodho 'ngú gba ma-a ngae. Engú la bini, ma ðu akúnda na'o 'ngú pí okpála na kúti gba ma-a de. <sup>20</sup> Kaka-a, ma akúnda nako me ma u yi, amba ní gama la di 'ngú ne yi. Padhá de, anga u agbite ma ne gbíndjili inde-e kabula kpála inde li omaɓsalaele nde ne 'to o me Ebhe atíma e-o.»

<sup>21</sup> U agie pí ani me: «Ya sia balúu bini nayie bhú ndu doto na Yudaya inde akpokpo 'ngú píndji 'ngú gba má-o de. Suka ondaise ya bini yie oo go ei de ne engú gba má, di go kpokpo 'ngú na sisiti li káte má de. <sup>22</sup> Engú bini, ya akúnda me kpokpo nga bha ngamá makpe, engú inde má ngabhundja e ko. Padhá de, anga ya ambila me ne ndu bíli hana, okpála ngapa 'ngú sisiti li libi okpála gba má-o.»

### **Polo akpokpo Bádha Ngali pí omaYuda na gudhu na Loma**

<sup>23</sup> Abhomu-o, omaYuda a'o matá ekpí bini ngú nakø lio ne Polo. Li 'kpí angoo, u ago bhelé naali li bíli inde ani adu asi lie ko. Nayie kèkpí nakolo tagolo-o, Polo adu akpokpo 'ngú pí uo píndji Nau gba Ebhe-o . Ani adu amene ne kpéke me u ziba Yesu. Bhú nakpokpo 'ngú angoo, ani adu atanga pí uo líli gba Moidje di ne obhuku gba opolofeta . <sup>24</sup> Okpála koko aziba engú inde ani akpokpo e-o. Engú bini, okoko tsia bhuka de. <sup>25</sup> Abhomu-o, u agbo bhusu o me u nde dje lio sánda o de. Polo atsia apa bha pí uo me: «Engú nani inde li Bu Bhobua apa e bhú 'li polofeta Isaya pí onguo ogbi yi-e, a ko kúkulu 'ngú! <sup>26</sup> Ani apa nani me:

«Nu pa pí okpála bhomu-o me:

Yi adjé 'kpí ndjindji, engú la bini, yi mbíla tata-a de.

Yi atsía 'kpí ndjindji, engú la bini, yi ú 'kpí de.

<sup>27</sup> Padhá de, anga bua uo akolo maka teme.

U anini 'dje o, u agbagba djila o,

ngubula me, djila o aú 'kpí de,

'dje o adjé 'kpí de,

imbilangú gba o-o ambíla tata-a de,

u adjí bua o de,

amba ma akóbho uo de. Ebhe apa mo-o.†»»

<sup>28</sup> Do Polo matá me: «Yi mbila me, Ebhe atima ngali na məkobho gba e pi ogandji okpála . Ngauo di-e, u adjé madje.» [ <sup>29</sup> Li u adje engú inde li Polo apa e lie, omaYuda atsambala me u nde ngamene kpekebhe sánda o kpekpeke.]

<sup>30</sup> Abhomu-o, Polo asi kalanga bhisi libhomu bhú eti inde ani adu nadu bhú e me ani nde ngaha pi bhúbhulu-o falanga ko. Oo, ani atsia adu asia ndu okpála hana inde adu ago atsia ani-o. <sup>31</sup> Ani adu akpokpo ngali Naú gba Ebhe, di ne nasuno ne angu hana engú gba Ngámá Yesu Kilisito-o . Ehe bini ni kpadji pi ani de.

---

†28:26-27 Tsia bhú Isa. 6:9-10.